

列

朝

詩

集

列朝詩集

丁集第六

王尚書世貞七十首

覽司勳士騏五首

王少卿世懋一十一首

俞處士允文四十二首

張宮保佳胤一十二首

張愈都九一八首

汪侍郎道昆三首

歐郎中大任一十四首

黎參議民表四十首

趙侍郎用賢四首

李尚書維楨九首

魏考功允中七首

屠儀部隆燭六十五首
袁時選 擬詞二首

胡舉人應麟二首
覽黃山人 惟楫一首

陳大理文燭一首

王尚書世貞

世貞字元美太倉人嘉靖丁未進士除刑部主事歷郎中出爲青州兵備副使元美在郎署哭諫臣楊繼盛于東市經紀其喪已大失分宜意而其父忤總督薊遼虜大入濼州殺傷過常上大怒下獄論死元美解官奔赴與其弟世懋叩闕請救卒不免穆廟初詣闕訟冤有詔追復起家補大名

兵備遷浙江參政山西按察使入爲太僕卿以右副都御史撫治鄖陽遷
南大理卿應天府尹以人言乞歸起南刑兵兩部侍郎拜刑部尚書乞歸
卒年六十有五元美弱冠登朝與濟南李于鱗脩復西京大曆以上之詩
文以號令一世于鱗既沒元美著作日益繁富而其地望之高游道之廣
聲力氣義足以翕張賢豪吹噓才俊於是天下咸望走其門若玉帛職貢
之會莫敢後至樛文章之柄登壇設壇近古未有迄今五十年并州四部
之集盛行海內毀譽歛集彈射四起輕薄爲文者無不以王李爲口實而
元美晚年之定論則未有能推明之者也元美之才實高於于鱗其神明
意氣皆足以絕世少年盛氣爲于鱗輩撈籠推轂門戶既立聲價復重譬
之登峻阪騎危墻雖欲自下勢不能也迨乎晚年閱世日深讀書漸細虛
氣銷歇浮華解駁於是乎泐然汗下遽然夢覺而自悔其不可以復改矣
論樂府則亟稱李西涯爲天地間一種文字而深譏模倣斷爛之失矣論
詩則深服陳公甫論文則極推宋金華而贊歸太僕之画像且曰余豈異
趨久而自傷矣其論藝苑卮言則曰作卮言時年未四十與于鱗輩是古
非今此長彼短未爲定論行世已久不能復秘惟有隨事改正勿誤後人

元美之虛心克已不自掩護如是今之君子未嘗盡讀弁州之書徒奉卮
言爲金科玉條之死不變其亦陋而可笑矣元美病亟劉子威往視之見
其手子瞻集不置其序弁州續集云云而猶有高出于瞻之語儒者胸中
有物豈愚成病堅不可療豈不悲哉昔者王伯安作朱子晚年定論竊竊
取其義以論元美庶幾元美之精神不至抑沒於後世而後之有事品階
者亦必好學深思讀古人之書而詳論其世無或如今之人矮人觀場莠
言自口徒爲後人笑端也元美正續稿詩七十餘卷孟陽選七言今體從
續稿中取十餘首今用四部稿參錄之

寫懷 以下四部稿

文景體恭儉陳粟俯丘山易世因其資氣欲蓋九經柏梁旣以灾建章遂
造天蜀漢窮材木少府罄金錢原麓旣如髡閭井寧不然感此池上翁精
靈泣帝前天心維仁愛母乃滋倒懸

雜詩

没人游大壑出入鮫鱓間手持珊瑚樹口噤不能言務光豈有希亦自莊
於淵各顧徇所好焉能兩攀援道逢衣冠客擊馬不旋與子行苦殊何

用見疑患

過岡始許忠節祭祠

朱邱穀丞伏兵發少年使者背獨裂建禮門前一腔血飛作彭湖斗間鐵
義旗十萬橫江起忽有長虹穿賊壘一時縛纒如縛豕逝者人耶生者鬼
龍章載錫帝寵稠猶聞曲突心未酬不令長孺援逆謀漢闕要挂吳王頭
固始祠中栢色古父老椎牲考鐘鼓南有孫侯北有許令人扼腕悲壬午

題儂巖文丞相祠

丞相倉皇出虎穴夜半真州異成雪江南是處萬馬塵海上堪揮一腔血
丈夫變名難變心此心在宋不在身從行少年四五輩個個千秋荆叢偷
崖山波腥鼓欲死柴市星寒碧初委若使黃冠自北還猶能赤幟從東起
儂巖之山鬱嶙峋二百年來日月新毋論削跡勤王地大有衣冠薦芷蕕
君不見真人奮淮北金戈立掃瓊裘色鄂國啼鳴表後身瀛公宛轉留遺
息解道狂胡運已微只今白羽畫長飛鐵衣自舉石馬汗一夕拜庭轉戰

爲錢叔寶題懸齋室

錢郎坐我懸磬室要我爲作懸磬篇我歌欲就須斗酒君言室中無一錢
空梁頗受落月色北牕僅可涼風眠門前黃葉霜如洗刺促歸來愧妻子
已少成都學士裘祗饒東郭先生履挂壁蟪蛄寒欲墮當門鳥雀時空喜
自矜顧愷爲前身丹青在手終不貧只愁妙画通神去依舊能生釜底塵
經封丘記故尉高適詩有作

我行長夏之封丘紅塵漉汗汗不流東鄰苦酒苦於藥西舍濁醪濁似油
馬頭黃綬令勿跪恐有當時高蜀州拜迎官長亦細事鞭撻黎庶將何求
一官大小各有味不置齒舌應卽休諸君異日但北首看我歸騎凌清秋

領鄖陽命出朝口號

五花小籠剛暴敕生新寶鈔鴉翎黑黃封餌合紛後隨法酒三杯壯行色
縱然才劣忝軍鎮稍喜時清偃兵革節度從他學襄撻征南自古多書癖
碧油幢底見故人喚作龔官龔亦得

懷柔道中

馬足吾何限山行稍自寬人家梅雨色衣袖麥秋寒過瀑添新徑掃雲收
故纒斷腸沙雁起一一向長安

過冶泉

偶經盤石坐下有暗泉
過受月苔陰少分雲竹
色多幽巖蒼樵斧小屋
見漁蓑不淺滄浪興風
塵可奈何

太原道中書事二首

盤陀十二驛驛似西川
畢竟中無地遺疑小有
天居民同伏鼠宿客傍
棲鷲不待蟬聲苦秋霜
向髮邊

不斷峰巒色何由見
晉陽傍山兔三穴入地
鼠千倉項爲泉奔瘦牙
因棗熟黃吳見莫相笑
風俗古陶唐

奉寄客部朱丈子介戲效其體

白門啼鳥雙垂楊主人
讀書殊未央經霜柿葉
已滿屋過雨薜荔將窺
床十年清夢飛天姥幾
度新詩走夜郎爲聞青
州使君熊胡纓小馬綠
沈槍

閏十月朔病中作

伏枕人間萬事輕偶探
殘曆喚愁生初疑玉殿
仍頒朔不謂玄冥再主
盟病似黃楊多進退情
如芳草易枯榮誰憐止
酒無多睡夜夜清霜閏
五更

履省任後之吳興郡戲作

縱然名姓墮塵寰，身比閑黎可較閒。
錫杖乍飛天竺寺，芒鞋還踏道場山。
三生公案聊須檢，十部除書了不關。
細雨斜風應便住，故鄉原在一帆間。
長至夜起坐憶家

一抱鄉山路未真，舞燈起坐獨傷神。
天心肯慘嚴陽轉，物色從爭朔氣新。
久客愛聽初減漏，喚班羞作未歸人。
江南兩地俱愁寂，總向天涯話病身。
遊南高峰

從游指點南高峰，躡屣攀蘿興不賒。
畫裏餘杭人賣酒，可以望林鏡中湖曲棹穿花。
千巖半出分秋雨，一徑微明逗晚霞。
最是夜歸幽絕處，疎林燈火傍漁家。

山行至虎跑泉菴次蘇長公石刻韻

百草沾風蠶月香，鸞鳩喚雨麥秋涼。
過橋已覺世情少，到寺始知僧日長。
拂蘚石留行脚偈，挂瓢泉是洗心方。
良公更有茶瓜在，禪悅能容取次嘗。
初自彭城山行聞鶯

水宿逶迤不計程，有無春事未分明。
白門渡口逢三月，黃鳥行邊始一聲。
句向清時稀感慨，官因遲算減心情。
祇園桃李花如錦，祇爲遊人特底生。

衛河四首

河流曲曲轉十里還相喚那比下江船揚帆忽不見
十五誰家女紅妝嬌自多低頭浣衣坐不解聽吳歌
人家半侵河屋後颺漁網夜深喚小婦篝燈聽波響
人云風波惡風波信自惡生長在家鄉那得容華落

閨恨

與慶坊前柳蕭郎手自栽藏鴉今漸穩只是不歸來

西宮怨

點點蓮心漏未央乍寒如水透羅裳誰憐金井梧桐露一夜鴛鴦瓦上霜

小伊州

頻年轉戰未封侯還逐高陽酒伴遊醉後愁今愁出塞巖巖又唱小伊州

從軍行

蹋臂歸來六博場城中白羽募征羌相逢試解吳鉤看已是金河萬里霜

弘治官詞六首

南海珠池貢已稀西川又罷錦文機朝來御服三經海國妾寧希曳地衣

禁苑先朝紅藥臺御筵親爲兩宮開莫嫌宮監希恩賞玉輦何曾更來
午拋圓影覆彤除今日天顏喜氣舒穩坐御床無一語但稱難得老尚書
黃帕朱奩覆御羞手題頒賜壽寧侯昆明督充從渠請今日臺官在殿頭
靜敷蓮籌第五更寒鴉金井未分明披衣欲坐猶疑早前殿連傳警蹕聲
急遣追鋒召外家南宮桃李正如霞自從光祿裁宣索長日從容且賜茶

正德宮詞八首

僊韶別院奏新聲不按唐山曲裡名青鸞白翎俱入破十三絃底似雷鳴
金鰲橋畔柳絲長舴艋船頭有拓黃六院小兒初病酒御前親自過魚湯
窄衫盤鳳稱身裁玉靶雕弓月樣開紅粉別依回鶻隊君王新自虎城來
玉水垂楊面面栽豹房官邸接天開行人莫愛纏頭錦萬乘親歌壓酒杯
夜半毬燈出未央俄傳鞞鐸向平陽六宮處處秋如水不獨長門玉漏長
綈案東頭有阜囊不知疇日進封章付教河下金璫手莫遣君王甲夜忙
平明東閣下恩綸獸凱鸞鵲色色新大內別開元帥府傳聲侍女莫稱臣
敕掃椒風第二房俱傳倩女出平康天宮欲曉人間事約伴相過話夕陽

西城宮詞八首

芙蓉新樣紫霞冠細擁珠璣小鳳團一片香烟叢裡出玉真朝罷簇迴鑿
新傳牌子賜昭容第一僊班雨露濃袋裡相公書疏在莫教香汗濕泥封
五雷壇上雷一聲海子開口雨縱橫祈靈驗後催傳賞馬上朱提玉手擎
色色羅衫稱體裁鋪官新例一齊開菱花小梳黃金合昨夜與人進藥來
花底傳籌到五更隱囊斜倚到天明寒霜不敢蒙頭坐暖閣時聆管絃聲
兩角鴟青雙筋紅靈犀一點未曾通自緣身作延年藥顛顛春風雨露中
侍女俱傳厭虜符猶爲鐵騎鼠爲胡捧搯一博天顏喜八寶金錢飽地鋪
千尺通星井幹樓玉盤天酒夜來收白茅螭捧黃金印互利明朝欲拜侯

偶成

三載寒監裏不成悔將餘債作爲生甫獲清力初後後依舊齋齋夜甫靜

解任後得明卿罷官報寄贈以下全州續稿

評書一到不堪聞起剔殘燈坐夜分寒馬論癡終是失冥鴻去後誰誰藉
無妨中散來千里更喜延之詠五君與說近踪應稍慰買山余占洞庭雲
姚巨叔以道術爲用晦諸王上客携書來訪倦倦七千之盛有感

而贈

握手相知奈晚何，且將魚素慰蹉跎。淮南道術冥初盛，鄴下風流事已過。
見數八公君第幾，空傳七子世無多。春來社酒能從否，莫道關門雀可羅。

書懷

風爲開扉旋掩扉，春催花發又花飛。客歌夫子哀時命，天與先生杜德機。
久自青雲詞伯少，從他白簡酒人非。興來爛熳揮毫罷，且復婆娑里社歸。

和王百穀懷出妾

離懷黯黯未分明，祇憶郎君一句清。妾與書生俱薄命，花隨春帶不長情。
愁回樊素行時首，枉却紅兒死後名。誰道兩坊三百步，陽關分作斷腸聲。

百穀曾有句云書生薄命元同妾爲東少傅所重

將赴留尹出門作

鼙鼓鳴榔試曉風，倦游心事寄冥鴻。已拚車畔聞歌鳳，何必幡頭有画熊。
游容似誇輕薄尹，居人應喚冶城公。離筵欲向清洋盡，依舊三介醉夢中。

抵丹陽聞南中有流言卽返棹

幸不將身與念違，艤符轉首便成歸。紫衫頻著難長是，白簡雖煩未盡非。
耳慣酒酣元不熱，心安食少也能肥。江東儘有容人處，水石中間一釣磯。

投劾南歸抵家作

剝琢應令稚子疑雀門風雨晝淒其能如五日張京兆又作當年柳士師
窺底尚殘斟別酒尊前能詠解嘲詩祇嫌三老來催直不及山陰興盡時

偶成

匡牀眠坐儘優游興至三杯過卽休小出便支叩竹杖輕寒旋進木棉裘
爭春桃李羞嫌富滴雨空階不起愁較得近來詩句拙肯容心力費雕鏤

閉關

虛自群喧草大還不多青眼畏塵寰由他國士誰謀國若箇山人肯住山
長病醫方無勝嬾漸貧生計莫如慳地鑪櫛袖煨生芋風雨蕭蕭且閉關
九月閉關謝筆硯而千里故人訊問不絕書此代答

小徑衡門鳥雀餘祇因才盡愛閒居諸緣暫息交猶在一病雖輕嬾未除
玉案有無知莫較銀鈎早晚竟難虛于今却羨桓司馬問得空函省報書
坐室初成有勸多栽花竹者走筆示之

一室綠溪斷俗塵翛然吾自愛吾真澆花怕結春時業種竹防驚夢裡神
梧葉到秋無那病芭蕉過暑不堪貧何如且放空庭在月色風光好近人

癸未元日過敬美小酌試筆

獻歲家園倚杖過劇歡兒輩奈衰何寒食棣萼連枝暖病怯房蘇半戶多
白屋于家同慘淡黃冠一老自婆婆長安日有維新詔不必春風到薜蘿
送殷無美赴夷陵

十年清問滿公車今視方州建隼旗東下江平知禹鑿西來土黑是秦餘
渚宮人去煙俱冷巫峽才多雪不如俱道大夫饒賦咏莫因天遠廢雙魚

有感

出處頻年尚屬人千今不出始由身留將頂相稱居士洗却頭銜字道民
一鍾隨身那諱死三食度口不緣貧寄聲無限同盟者苦海中間學問津

有所聞作

聞道弓旌及隱淪可緣真遇愛龍人虛云展氏曾三黜其那王尊僅一身
首荷總肥沙寒晚桃花無恙武陵春欲知元亮籃輿意畏踏丹陽郭裡塵
遊潘顧諸園畢自題會園

踏偏名園意未舒大都京洛貴人居穿錢作埽難調馬縷石鋪池礙種魚
似比幼輿輪一轡轉令元亮愛吾廬興來呼得尖頭艇煨蟻烹鱗信所如

徐二公子邀與陸司空遊東園

六月冰壺生晝涼侯家池館勝平陽樓頭霽色開
越鵲亭上新雲似鳳凰
客詫郇公厨味好人驚衛尉廁衣香不煩投轄
深相挽小舫青油繫綠楊

徐九公子園亭卽事

粉竇斜通宛轉廊壺中山水待長房輕雲入坐籠
未閣小雨將歌逗画梁
客重不虛公子席花嬌欲施令君香已教畫漏
遲遲報猶自貪閑子夜長
過大宗伯徐公留飲山池出所懽明童佐酒

輕搭小舫受涼纒正及東山行樂時楊柳腰初
宮傳宅芙蓉客滿衛軍池
朱顏不待食雲母白苧親調付雪兒懽劇翻
追少年事射陽帆底對彈棋
徐大宗伯同唐張婁三子見餞至新洋江始別

新洋江口好停舟淡月籠烟破曉愁君臥可能
忘魏闕下行終擬問菟裘
嬌歌易作雙青眼別酒難禁兩白頭總是秣陵
多勝地却慚人喚鳳凰遊
山園示遊人

携酒看花不礙頻唯求酒後護殘春不辭樹樹
憑攀折孤却明朝花下人

士騏宇罔伯元美之長子萬曆己丑進士由禮部儀制主事改吏部稽勳員外坐妖書獄削籍歸屢薦不起罔伯倣儻軒豁好結納海內賢士大夫勇于爲人不避嫌怨在儀司佐其長舉行建儲大典在銓司推轂廢棄名賢無虛日爲權要所嫉訖辨以死公議惜之罔伯論詩文多與弇州異同嘗語余曰先人構弇山園疊石架峯以堆積爲工吾爲泌園土山竹樹與池水映帶取空曠自然而已余笑曰兄殆以爲罔喻家學乎罔伯笑而不荅有醉花菴詩五卷

上元夜帝御龍舟觀鰲山恭述

紫禁鰲山結翠旂昇平故事雅宜脩春回九陌風仍暖月出千門霧乍收烟火樓臺疑化國高明世界正宸遊何人不傍宮牆聽天樂泠泠在御舟高明世界見清異錄

上張燈後苑以麥燈居中吾州所產也

江南五月麥初黃野老慙慙進上方織就絲絲水比紫鏤成葉葉玉分光誰高市上千金價不比宮中七寶裝聞道聖人昭儉德瑩然一盞照中央

送顧太史冊封朝鮮

慈秀山頭巖曉色鮮月明茅屋灑漢江船登臨縱發揮毫興莫許陪臣有和篇

贈馮慕岡二首馮時在詔獄

伏枕高堂有所思諸賢莫訝拜恩遲聖躬不豫倉皇日正是窮臣請代時
尚書懸像拜中丞僕僕生前豈爲名近見山西曹給事愛君彷彿似文成
王瓊爲大司馬懸王文成像于署中日每揖之安邑曹給事于泮於慕岡
亦然

王少卿世懋

世懋字敬美元美之弟也嘉靖己未進士以家難歸久之除南儀制主事
改北祠部遷司寶丞出爲江西參議陝西福建提學副使擢南京太常寺
少卿移疾歸卒于家敬美弱冠稱詩李于鱗呼之曰小美貽書元美小美
思火攻伯仁奈何不善備之也敬美之詩名自于鱗起又嘗獻評于大美
以爲詩家集大成者昔惟于美今則吾兄然其論詩不規規名某氏以不
從門入者爲佳論本朝之詩獨推徐昌穀高子業二家以爲更于百年李
何尚有廢興徐高必無絕響其微詞諷寄雅不欲奉歷下壇坫則于其大

美亦可知也敬美有孫曰瑞國篤學好古聞余弁州晚年之論繙閱家集
扣擊瀟淒深以吾言爲然

秋日病起有述

江城蕭瑟思堪哀斜日高樓暝色催短髮經秋如落葉壯心離夢似寒灰
百年自傍愁邊枕萬事從傾病後杯和喜蓬蒿餘小逕月明時喚酒人來
丙子除夕九江公署作

客散空堂鼓角餘還從小吏問爰書浮蹤豈爲江山住傲骨都隨歲月除
暝色寒侵鬢髮溥雨聲殘入一燈疎年來信有東流感不是天涯恨索居
饒州公署卽事

歲蕤鎖罷拆聲傳粉署沉沉閣篆烟幾樹夕陽移榻盡滿庭秋色散衙眠
鴉爭熟子時時墮悵情殘絲夜夜連不信成風書獄手閒來猶藉古人編
登嶧山後經官橋作

偷作閒身上嶧山強留春色馬蹄閒架梨野戍欲飛盡楊柳官橋猶耐攀
曉月似將閨恨鎖晨風先送夢魂還年來頭鬢元如許莫道黃塵染更斑
建陽道中夜行口號

悔將名姓挂詞場老云傳經意轉忙
歲事慣從行色盡宵征偏覺畏途長
春前響急知溪畔雨外燈微識建陽
潯倒若爲持自解武夷山好荔枝香
復出莆陽卽事因之有懷家兄

五馬騁驪又復東劇憐行色有壺公
江潮不雨常生白山葉無霜也自紅
野店風腥魚市近官橋石老礪房空
亦知插柳榮堪寄只是長天少片鴻
助甫中丞爲樓汝水之上漁白綠波賦寄一首

百尺清波瀉鳴頭美人新築在河洲
風流張緒偏臨水恨別江淹獨倚樓
柳外晴過休汝騎門前春繫下淮舟
近來鱗閣能爭勝閒殺眠沙數點鷗
橫塘春泛

吳姬小館碧紗窓十里飛花點玉缸
臘屐去尋芳艸路青絲留醉木蘭纒
山連暮靄迷前浦雲擁春流入遠江
棹裏橫塘聽一曲煙波起處白鷗雙
華夷五市圖

大漠高空寂建牙兩軍相見醉琵琶
天閑首肯多羌種胡女胭脂盡漢家
雲裏射生旋入市日中歸騎不飛沙
金錢半減犁庭費五利應知晉史誇
將入舟宿煖泉寺

南園尊鱸返季鷹扁舟欲發過山僧稻花香裡流溫液水月空中出聖燈
夜色蒼蒼蒿二室秋風漠漠宋諸陵村春犬吠如相應幽意令人憶右丞

宮詞

一派笙歌出苑牆隔簾猶自暗聞香秋來殿殿添宮漏只有昭陽不夜長

俞處士乞文

乞文字仲蔚崑山人年十五爲馬鞍山賦搜摭該博長老皆推選之未及
強謝去諸生讀書汲古年六十七而卒仲蔚白皙美風神秀眉目隳頰飄
須病頭風暑月恒仰體恰稍寒加以貂裘客至隱几焚香竟日無凡語工
于臨池正書規撫歐陽行筆出入襄陽應酬揮灑頃刻數十函無凡筆以
善病不能遠游以故雖食貧而能保其志王元美與仲蔚交最善列諸廣
五子之首稱其五言古詩氣調殊不卑所乏精思耳歌行絕句如披沙揀
金性性見實又言其於今詩不滿李于鱗于者不滿懷素于古人不滿郭
有道蓋仲蔚之持論不苟爲同異如此

新秋東郊遊囑

高台散涼氣秋郊欣遐曠曠顧赴遙波清雲響疎木日入會田作荒蹊組

鉤斷孤村生夕煙
新首入鳴憤
啼來無餘物
山月亂間牘

登毗盧閣

古閣秋氣清
千里滅煙霧
邈山開雲秀
頽城斷行路
疑僧成荒宅
寒鳥落高樹
中多故人情
伴杯日空暮

秋懷詩

寒風金石勁
悲氣壯陸烈
晶宇蕩隘濁
輕脆鼓摧折
松柏有殊性
遂與眾并別
是時陽鳥至
叫噓霜中月
力盡羽翼單
欲奮不得發
何以表天骨
沉吟猶未決

園居

窮居冥憐匹
園廬有餘清
落葉覆荒池
疎林映高城
野田刈穫盡
霜畦蔬復登
寒月無密影
中夜露氣凝
是時鷲煩息
沉思方入真
沉冥乃道真
一悟還自驚

出塞

擊胡無生還
此已非不知
謂當某一人
所活千萬餘
中原有父母
否身靡敢私
悠悠河陽橋
生死從此辭

送陸山人明謨之上都謁王中丞

志士懷慳惚容髮苦見侵
傲裘日蕪穢抱劍中夜吟
占劍無文章精氣惟
寒陰慷慨攬長轡結託將遠尋
張儀猶有舌范雖豈無心
君家囊中裝膏
賣千黃金得勢在倉卒
背賤今所欽王公命代豪
長策制妖祲親承聖主
顧幕下無陸沉珠玉誠
所希何懼山澤深諒蒙
知音賞聞此平生襟

感秋作

秋日氣候佳水木俱澄鮮
長天開遠曙高樹吟哀蟬
半嶺度落日雲收衆
壑偏天時觸情端一形乃
萬纏椿鶴難久恃況此塵
中年悠悠感微躬終
與徂化遷

遊聖像寺作

野寺始獨到新晴
欣夏涼芳條青叢叢竹陰
覆房廊寒棕剪高翠
過雨桐花香川梁通
煥景林殿疎夕陽耳
目整清暇都將塵垢忘
何時來永棲放跡無何鄉

秋懷

商飈肅天宇激志驚
片換喑喑寒螿鳴而無
蟻蝶亂珍簾蔭浮涼薄
雲鑑

幽幔淒清戒露鶴
啾啾候霜雁
朗月窮高閣
重昏詎能旦
蘊結易云夕
拙薄嬰世患
秉此耿介懷
無徒取妖玩

晚晴溪上

暑雨池上歇
衍漾菰蒲清
涼陰滿庭戶
新雲依樹生
天風冷然來
飄飄欣體輕
始悟幽事愜
彌令茲意平

登銅井最高頂望太湖

五月辭人喧
浮舟信沿洄
連雨忽滂霽
千崖洗莓苔
遂登銅井巔
曠望無氛埃
川豁波浩浩
雲卷天地開
飛流灑空中
長飈荐驚雷
却顧西落日
松聲噴猿哀
於此若可憇
撫景相徘徊

送王明善有序

王明善屢試不合
嘗鬱鬱不樂
遂以乙卯六月北轅朔都
以展所蓄積
且將復觀塞垣
求古典故之所由
余謂以彼其才而偃蹇
若此則雖君山放逐
亭伯流離
殊未足增其憤懣也
因寓于詞以述乖離之恩云爾

威鳳集珍條
積風限高翔
巨鯤志江海
尺澤焉足量
懿茲中林士
敷文聊願爾
遐然寡徒侶
曠足蹈峻防
伸眉竟何階
念之鬱中腸
抑我同心歡
乖

誰越他鄉他鄉三千里道狹草木長白露浩已盈但恐露衣裳

送葉伯宣遊南都

朝日揚素景零露法盈條
歸雁辭碣石嗷嗷厲曾霄
念子遵舊都整策陟岩椒
北眺窮朔垂東瞻越江濤
崇雲象山岳巖闕鬱岹嶢
過彼巖闕間冠蓋相遊遨
四節隨颺逝茂時乏嘉招
駿驥乘不收踟足有餘驕
所期必鳴舉齊鸞群龍朝
非子良見睽豈復繫場苗
信心愜中賞沈吟結清譎
共期玄冬月款談憩林巢

春思曲

江南花時二三月少婦乘春逐芳節
心性穩愜含清眞弄影晴川自流悅
青絲刻帶錦作裳寶扇輕搖翡翠光
芸房露冷春窓火蘭煙闌粉膩香
七彩明窗九華珮紫轂文羅掩秋翠
繡額花叢千萬色玉腕竒姿發春媚
含思緘情不相識步步遺芳去無跡
迴簾轉黛飛參差繞過東城又南陌
南陌東城春事深離思杳杳花陰陰
坐對流鶯啼歇處閒窺清鏡理瑤琴
晨鷓淒清不可聞恨斷吳烟怨楚雲
自是琴心挑不得還同孤月向黃昏

寶劍篇

吾聞龍泉太阿之寶劍此物往徃鍾神英人間得名千百載國內惟有徵
求兵昆吾之類茨山精銀花繡出霜雪明星氣朝朝鵬鵠紫龍光夜夜芙
蓉生文章已足清朝貴勛業還爲猛將驚七雄五列雖已矣報讐報恩心
未已非但飄淪古獄邊亦會提携楚滅襄崢嶸磊落世兩見斷蛟刺兕竊
所耻天下嘗令萬事平匣中不惜千年死朝馳咸陽算雲中此間未必皆
成功但看古來功名士殺身濺血俱英雄嗟哉神物會遇亦有以至今升
騰變化爲飛龍

贈性公

性公老禪僧中傑目似青蓮心似鐵天花結髮垂鴈眉香氣隨風生頂穴
心持貝葉目千遍手挂樹絲藤百節庭前柏子菩提青階下澄溪無惱執
經行處處藏烟霧生世無心路長絕我來蘭若多年所自笑鳩留困于此
吾師五指能四分僧跋時時還入耳何年更乞甘露傷一灑清涼潤肌髓
征馬嘶送婦有光

白楊花飛江水黑江頭行人頭盡白青山日出烟塵昏馬上誰爲都門客
都門豪客長安兒蒲萄百斛柳千絲戎裝玉駿邯鄲姬虎旗繡簇紅鴉啼

長安三月春未暮城中不見遊人歸遊人歸醉滿堤青草長征馬嘶

胡笳曲

長風吹高海底月半落洮河色如雪胡笳寫出隴頭聲千聲萬聲吹不歇
此時都弱兵初盡此夕單于陣方結沸地黃沙凍欲牢連天白草燒難熱
玉筋啼還徧紅顏坐相訣楊柳曲中離別久梅花管裏音書絕胡笳本是
從胡起曲曲綠雲咽流水飛入重城怨已深聽臨遙塞愁應死誰知沙畔
捲寒蘆一曲能消膽氣飽更使胡雛雙淚落萬群嘶月過飛狐

將軍行

勇騎初傳寇將軍別置營猿肱求陷陣燕頷請專征冰壯蛟紋闕霜堅雉
尾隨揮弦攬月的鏤劍寫山精制敵隨形勢全軍出死生怪雲衝障落吉
氣抱鞍行涇黑防流毒山紅偵伏兵雁毛梳雪短虎跡漫沙平漢月猶能
辨胡星不可名相看無一語醉接骨都城

送歸開甫之信都

有引

開甫即震川先生應甫也

開甫以經術理長興屬余寫卓茂傳揭之廳壁其治多準古道而不合於
今之人故訕者森若交戟三年稍得判馬政於信都殆所謂策驥驥而服

鹽車也賦此言別兼以申其屈云

百里長城縣山迴萬經紆陽坡眠骸棘陰洞產於菟紫笋披雲摘青蘭帶
草鉏土風饒險勁案牘少歡愉卓茂存心古鍾離與衆殊名高翻忤俗道
大不因憇此日騰交戟何人悔失珠九方沉藻鏡萬匹混駒駱自是龍爲
友無煩爲化鳧周王求八駿非爾欲誰須

獨坐

獨坐高臺裡悠然向夕曛天空山勢出樹斷水光分遠色看成霽輕陰隨
度雲谷中人世隔麋鹿自爲群

贈任別駕權太倉兵備

循吏臨戎日將軍授鉞朝勝疇千里外敵取萬人驍玉劔秋魂冷金燧夜
鏜遙建牙停野色吹角動金飈調苦方疑虎擘弦合墜鵬平吳杜元凱破
虜霍嫖姚嘗苦天心應巡寒士氣饒心看氛稜息還珥漢廷貂

周氏園亭

紫紉琳宮側芳園麗景迴焚香青霽取洗鹿白雲開橋想靈均什亭堪內
史才更憐花徑裏月色夜深來

岳山人俗許籠禽見寄贈詩趣之

巢居全野性靈笈每能該漱玉泉初引燒丹竈已開四隣惟種竹一逕自
生苔何日籠禽至群呼就掌來

蜂

春晴逢穀雨汎濫遶林篁逐醉纒輕袂纏花獵異香叢樓懸玉宇疊構隱
金房靈化知何術神功寄藥王

塞上曲四首

葱關雪淨月蕭蕭大將功成玉帳高天馬不愁西極遠上林新種紫蒲萄
風高寒虜入龍堆羽琨弓象月開一片黃雲秋磧裏遙看精騎射鵬來
征人萬古沒胡中百戰難收一戰功隴上長愁雲不斷何年重向玉關東
金鞍玉勒控龍媒淬水芙蓉對日開兵氣盡成烟霧起夜深新破右賢來

宮詞四首

海日初通內苑花分林香氣撲紅霞層層七寶雕闌裏猶有輕烟向外家
雪晴鳩鵲尚流澌天子金輿出每遲新粉未乾朝較早坐熏龍腦爇紅泥
一承恩澤入蓬萊別賜輕繡稱體裁剪得辟邪新繭子並房宮女闥看來

鳳城門外踏歌聲。院院燒燈綵。眊睛宣與內家分。夜直每從花裡聽。交更

贈法真上人

高僧不出住花宮。百毳袈裟手自縫。遙想千巖秋色裏。六時放梵下虛空。

寒食

小閣啼鶯春漠漠。青霞欲曙柳娟娟。梨花細雨嘗新酒。寒食家家起暮烟。

有感

漢武求仙事最近。自然山澤盡清臙。蓬萊不信無人到。紫殿清齋學步虛。

無題

青衿白臂紫綃裳。翡翠斜分十二行。最愛隔花人不見。玉盆閒自浴鴛鴦。

搗衣二首

月榭朦朧夜色微。清砧不斷曉鴉啼。十年少婦閨中力。誰寄遼陽萬里衣。

重關月色早涼分。夜夜砧聲逐塞雲。淚盡天南與天北。胡笳同是月中聞。

泉

能將映地復飛空。冷色遙清石上松。千載已無人洗耳。祇應流入亂山中。

園居

蕭蕭無伴獨爲家，靜裏經春任物華。
綠樹千章啼百舌，香風吹盡紫藤花。
送吳處士

春來愁雨復愁寒，此夕憐君各盡歡。
明日舟行三十里，城中山色隔城有。
雞

月落空營舊壘低，寒風獵獵大荒西。
驚魂易斷江南夢，惱殺重城未曉啼。
張宮保佳胤

佳胤字肖甫，銅梁人。嘉靖庚戌進士，除滑縣知縣，擢戶部主事，改兵部職方。累遷至右僉都御史，巡撫應天。再起巡撫宣府，召爲兵部右侍郎，出撫浙江。徵拜兵部尚書，協理戎政，尋總漕遼三邊，加太子少保，召入爲兵部尚書。乞致仕，肖甫爲諸生。光州劉繪爲太守，奇其才，召致門下，語其子黃裳曰：「今之乖匡也，爲滑令禽治，近畿劇盜，僞爲緹騎，劫縣帑者，以此知名。」在宣府伏兵禽虜酋賴五縛之，市而縱之，虜遂潛伏求款，浙有驕卒之變。江陵曰：「安得用張滑縣禽盜手，獲此小醜乎？」吏部聞之，乃推肖甫。肖甫往，則縱間諜設方畧，用驕卒以討亂民，亂民殲焉。又計殺驕卒之首亂者而解散其餘黨，浙用底定。世以此服江陵知人一言而戢江淞之變，真救時

宰相也肖甫爲郎時與王元美諸人相誦和七子中三甫之一也七子仕宦皆不達助甫一開府輒贖元美平進至六卿而肖甫鎮雄邊定大變入正樞席以功名始終節鎮之暇輕裘緩帶賓禮寒素鼓吹風雅文士之坎壈失職者皆援以爲重高才貴仕兼而得之近代所罕見也肖甫詩三十餘卷才氣縱橫而乏深雅之致其視助甫亦簞衛之政也

三石篇

太滇以西三巨石錯列荆榛對孤驛文彩天開海嶽圖面面晶光盈斗尺吁嗟此石生點蒼云誰置之古路傍停車顧盼日將晏僕夫語罷泣數行往年天子新明堂厥材萬國爭梯航燕山之石白勝玉何求此物勞要荒守臣當日功名亟檄書夜飛人屏息程途初不計山谿男婦徵傭無漢燹鞭石難尋渤海神鑿山誰是金牛力那許終朝尺寸移積屍道上紛如織中興令主堯舜安一葦聖德超茅茨魏上增有論天門萬里竟不知幾使黔南無才遺君不見旅葵古訓老臣策枸醬雖甘亦何益三石硿硿風雨深千載行人增歎惜

獨石行

獨石城南一片石突兀霜空削如壁古松屈鐵盤雲根紫翠千峰莽相射
陸海俄翻灑頽堆流沙直接崑崙崑崙標眼底不常見誰其置之巨靈蹟
初擬吾家博望機驅來奉信祖龍策慨慨長歌出塞篇撫膺對此懷今昔
猶憶風塵已巳年六飛曾狩犬羊天於時此石豈無恙蒼蒼苔壁俱腥膻
倚歟我皇神且武歲歲稱臣左右賢屬者問罪五單子近行諸家遂令
氣色回山川居胥姑衍杳何許勒將此石卑燕然自古禦戎不足齒赫赫
威靈有明始十年稽顙方未央從茲何得言驕子不佞慚稱鎮鎮臣爾也
砥柱長如此萬古巖巖北蔽胡石乎石乎吾與爾

馬道驛丞歌

馬道驛臣八十五身寄西秦家東魯耳聾齒脫髮如霜出入逢迎狀偃僂
路接青橋與武關棧道崎嶇無與伍不卑小官有展禽不薄乘田有尼父
爾心豈是學聖賢蝸角蠅頭良自苦余也東朝師保臣罔生六十負君親
抗章十數不得請今始給驛歸架帟宦情見爾如膠漆方信余爲勇退人

界嶺北望

北望成區脫霜空一嶺橫野烟朝騎獵寒柝成樓聲峰刺高天近雲量巨

谷平微茫山盡處
舊日大寧城

峨眉山營作

戎馬東防後
寒川落木時
竊鳴鶯雉兔
霜重濕旌旗
夢裡江湖隔
行間鬢髮知
不應詢此地
亦喚作峨眉

登會寧原上作

黯淡山城古
會州胡天雙
目盡高丘
春深柳色猶
霜雪日落邊
聲起戍樓
塞雁啼雲皆
北向濁河歸
漢亦東流
寒澹豈是窮
原使投筆虛
疑定遠侯
故山人病詩
以問之

九十風光強半過
棲遲高枕欲如何
夜來紅雨千山落
留得春聲杜宇多

閩邊古北首
婦率部族扣關行
酒四首

諸部匈奴曉扣關
穹廬千里過青山
隔河拍手呼兒女
來見東巡大朵顏
堦前薦體野黃羊
凍酪盛來可
可香繞席胡兒爭
勸進堪憐好
公太師嘗震
天金鼓動
轅門稽顙胡
兒首盡髡
倒甕椎牛齊
醉飽驪呼難
報漢朝恩
紫貂丹鉛擁
胡姬歌舞當
筵進酒卮
乞得一瓢挨
次飲爭誇顏
色勝胭脂

宿太華山寺

石林橫架萬峰西海上雙珠入戶低自具山中無玉漏朝霞還有碧雞啼

張僉都九一

九一字助甫新蔡人嘉靖癸丑進士以黃梅知縣考最罷吏部驗封主事歷文選郎中遷南尚寶少卿謫廣平同知遷湖廣僉事景王之國過岳陽大瑞要索以千萬助甫陽許之令至斬黃蟻舟以待丙夜令數百人舉火譟于河干瑞駭懼解維而去憂歸十年起補涼州兵備遂以僉都御史巡撫寧夏江陵卒以鈎黨罷去嘉靖中五子創詩社于長安于鱗出守元美爲政南昌余德甫銅梁張肖甫及助甫相繼入焉是爲七子元美所謂吾黨有三甫者也厥後又益以蒲圻魏裳歙郡汪道昆爲後五子後五子之詩皆沿襲七子格調而余魏尤卑弱茲集無取焉

元夕同李伯承高伯宗賦得火樹銀花合

火樹排虛上銀花入暗開一宵春色到萬戶夜光來對月驚飄桂臨風擬落梅莫辭歸去晚携得艷陽回

雪夜鄱州顧別駕送至丹江有詩見贈賦此答之

寂寂丹江夜色空風塵郡國歎飄蓬豈無佐吏如殷浩雅有中郎識顧雍

雪霰微茫漁火外星河搖落戍樓東
憐君尚策青絲騎却與山陰訪戴同

回中山

承露甘泉次第開如何七夕上之回
班龍五色垂天下翠鳳千旗蕩日來
異代巡遊那可問殊方登眺自生哀
茂陵只在興平里夜雨秋風長綠苔

留別殷仁夫

谷黎山畔黑河湄四月津亭散柳絲
同是投荒君且住可能生別我無悲
弟兄絕域分襟處尊酒斜陽奏角時
玉塞金陵千萬里相看歧路淚雙垂

留別趙夢白

娟娟叢竹翠猶翻冉冉微霜白漸繁
海上孤槎張博望尊中十日趙平原
江鴻片月寒爭渡朔吹空林晚自喧
知己風塵看汝在那能離別不銷魂

留別劉玄子

卽看賓客散應劉何意功名到故侯
薄宦未能成病免離筵早已入邊愁
旌旗黯黯黃河暮雨雪霏霏百草秋
縱使登樓堪望遠浮雲無處覓中州

寄見甫弟

歷盡巴山白髮新西風何處不傷神
馬曹躑躅官難起鳥道艱危老更貧

九派長江春後雁一年芳草夢中人相思況是無消息徙倚天涯涕淚頻

送伯宗高比部爲景府長史

方城紫氣鬱嵯峨帶礪今看帝子過礪指恒山爲太嶽帶環澗水作黃河
朝廷禮數元王異賓客文章宋玉多在昔曳裾應不賤休從華髮怨蹉跎

月夜聞笛

十載臯蘭三出師角巾歸第鬢如絲那知今夜關山月却向中原笛裏吹

汪侍郎道昆

道昆字伯玉歙縣人嘉靖丁未進士仕至兵部左侍郎嘉靖末歷下瑯琊
棹鞅詞苑伯玉慕好之亦刻鏤爲古文辭而海內未有聞也萬曆初江陵
爲權相其太公七十稱壽朝士爭爲頌美之詞元美伯玉皆江陵同年進
士咸有文稱壽而伯玉之文獨淡當江陵意以此得幸于江陵元美乃遷
就其辭著于藝苑卮言曰文煩而有法者于鱗文簡而有法者伯玉伯玉
之名從此起矣厥後各位相當聲名相亂海內之山人詞客望走數名者
不東之婁水則西之淇中又或以其官稱之曰兩司馬昔之兩司馬以姓
也今以官元美亦心厭之而無以禁也元美晚年嘗私語所親吾心知續

漢之功爲華亭所壓而不能自其枉心薄新安之文爲江陵所脅而不能正其訛此生平兩違心事也伯玉爲古文初勦襲空同梔野二家稍加琢磨名成之後肆意縱筆杳拖潦倒而循聲者猶目之曰大家於詩本無所解沿襲七子末流妄爲大言欺世謁白嶽詩落句云聖主若論封禪事老臣才力勝相如幾於病風狂易使人嘔噦矣廣陵陸弼記一事云嘉靖間伯玉以襄陽守遷臬副丹陽姜寶以翰林出提學四川道經楚省三省會飲于黃鶴樓伯玉舉杯大言曰蜀人如蘇軾者文章一字不通此等秀才當以劣等處之衆皆聘貽姜亦唯唯而已後數日會倭伯玉又大言如初姜笑而應之曰訪問蜀中胥吏秀才中並無此人想是臨考畏避耳衆爲闕堂大笑伯玉初不以爲愧此事殊可入笑林也

送張虞部謫常州別駕還婺觀省

謫去應吾道流言亦世情聖朝仍得罪郎署早知名落日梁溪棹平蕪澗水城秋風回首地淚灑逐臣纓

諸將

箇中時憶賜衣存闕外猶傳漢使尊諸將九邊承廟畧置干三世拜朝恩

清宵劍氣迴南斗明月絳聲靜北門任道帶林千帳在請看禁禦五雲屯

薊門

漢使塞帷按塞過漁陽老將近如何千山斥埃材官急萬里亭鄣猛士多
大漠風鳴蒼兕甲層冰夜渡白狼河江東子弟先鋒在乘月仍聞子夜歌

歐郎中大任

大任字楨伯順德人嘉靖壬戌以歲貢試大廷除江都訓導遷光州學正
以母病棄官歸服除遷國子博士官止南京戶部郎中嘉靖中王李唱五
子之社嶺南則梁公實與焉已而元美主五子之盟多所登進楨伯則廣
五子之一人也黎惟敬則後五子之一人也梁與歐黎皆出黃十伯之門
讀書纘言並有原本雖馳驚五子之列而詞氣溫厚頗脫蹶張叫囂之習
識者猶有取焉

三河水

三河水萬軍涓涓滴三河水不流胡笳吹落薊門秋河水流不住胡笳過
何處誰使十年來移營兩屯戍君不見胡騎已馳墻子關漢軍尚哨熊兒

略

燕京篇

萬年天府國佳氣滿燕州錦繡三千里金銀十二樓
醫閭作鎮連恒岳太行蒼蒼盡幽朔環流瀛海入扶桑
襟帶滹沱出新滌海岳效靈符帝曆象緯分明拱辰極
縹緲天中玉殿高岿巽表金莖直千官朝謁建章宮
燎火光中望六龍詞客麒麟爭獻頌山人芝草亦輸供
春日雞鳴宮鑰啟春花吹入千門裏垂柳清波漲御溝
踈槐夾道通官市列署周廡若散星九衢走馬如流水
朱輪翠轡過何窮繡戶雕櫳對相起觀燈鬧草覲繁華芍藥開時
萬樹霞銀缸入夜金張宅寶檻移春許史家塵逐妖童九華扇
燒迎倡女七香車百壺芳醕歡新曲千轉嬌鶯度落花
嬌鶯啼向歌屏上平樂新豐慣來往誇胡未詔長楊游承恩
曾謁甘泉仗此時至尊在西苑闈水蓬丘開別館禁籞青烟曉
色濃宮池黃鸝春波煖通天臺峻出層城五色玄都絳節迎
仙官法籙隨輿度侍女香爐傍輦行鸞輿玉輦萬靈朝西望
明庭亦不遙九霄青鳥年年至八駿璣池日日邀蒼龍願捧軒轅
駟崑崙崑崙更接崆峒路一聞八伯白雪歌不羨相如大人賦

送張治中孺覺赴留都

誰似張京兆名駒快月題驛程揚子外官閣秣陵西射雉蕪深翳藏烏柳
暗啼詞人非六代莫更唱前溪

夏曰同劉仲修李惟寅諸子出城訪丘謙之得飛字

西來初弛擔策馬問郊扉以我思鄉淚沾君去國衣齊梁遊已倦江漢賦
將歸一葉秋風裏何年向洛飛

晚霽過梅關

千峯留晚色迢遞出梅關日向猿聲落人從鳥道還中原開嶺徼南海控
醜嶺萬國來王曾秋風戰馬閒

經王子初故居

獨有山陽笛難尋谿上廬人琴俱已矣臺沼更何如算燕歸新社春泉滿
壞渠今來轉悲切未報秣陵書

西苑

日上觚稜照綠旂西宮夜燄火初收滄池波色青門曉長樂鐘聲碧樹秋
名岳采芝諸使出中天築館萬靈遊漢家詞客頭將白汾水年年望御舟

贈閻憲副備兵關西

取明一出歲悠悠佩印西秦第一州此去護羌兼戍已曾聞歸漢對春秋
醉中胡月懸烽候戰後邊笳滿戍樓章句自慚投筆吏看君華髮早封侯
伏日姚唯之陸華甫董述夫見過

官舍鶯啼綠樹陰炎天少屣爾能尋樓前過雨山俱出塔下生煙竹更深
講肆不妨開馬廐詩篇何必到雞林酣歌氣與秋空遠丹壑誰知靜者心
秋晚登廣陵城

西風淮水下邗溝何處關山獨倚樓賦後蕪城荒井逕書來瓜渚斷江流
青天寒色千砧夕滄海潮聲萬弩秋滿目蒼蒼見平楚不知歌吹在揚州
過渝水邨邗相留酌得顏字

楚歌何自入燕關聞是恩深早賜環蘭芷並含公子淚芙蓉雙照逐臣顏
句因謝客題精舍疏與巨君乞障山他日清觴那可共天涯吾已倦知還
出郊至南海子

萬樹周陵起夕烟漢家宮圍帶三川誇胡幾幸長楊館講武曾驅下杜田
敕使日調沙苑馬詔書春散水衡錢西遊不數諸侯事尚憶詞臣扈從年
玉河隄上見新月時入直署中

弦月纖纖照馬蹄竹書猶把署中棲
遙前垂柳穿林影禁裏新鶯過水啼
縱騎紛隨秦苑北朱旗深護漢宮西
倦遊不記長安道一望關河怨解携

送重侍御惟一按滇中

按部西南天地間威稜久已伏諸蠻
滄江可渡曾通驛銅柱猶存不置關
晴雪玉連華馬國秋風伏引碧雞山
便宜封事應條上羗徭行看六傳還

黎參議民表

民表字惟敬從化人嘉靖間鄉貢進士
選入內閣爲制敕房中書舍人出爲南京
兵部車駕員外終布政司參議惟敬與梁
公實俱師事黃才伯公實設惟敬游長安
續入五子社遂以詩名擅嶺海隸書師文
待詔得其家法

飛花曲

長安戚里競春陽桃李花開夾道傍
遙喬鶴煙籠上苑丰茸雜樹邈明光
濯錦含霞非一色刻翠施紅映朝日
同心並蒂引鴛鴦接葉交枝棲鳳翼
西第東隣望不迷溶溶宛宛復淒淒
歌殘玉樹飄成陣曲罷山薜踏作泥
婉態柔情分綽約不與春光共銷鑠
初拂交疏入綺窗徑度華池上青閣

綺窗青閣盛佳人，二人蛾眉不解頰。紅牙度曲梁塵起，銀甲擗箏壁月新。
碧複雲屏画不開，鶯啼燕語空徘徊。懶粧未進雕胡飯，攬帶方臨玉鏡臺。
摘益攀條還自愛，睡起曾無一枝在。惜情迸淚乍停機，脉脉煎心翻解佩。
昔時爛漫空相惜，今日凋零竟何益。寧知歲月損鉛華，寧謂風光頰彈射。
萬事相看成轉蓬，朝居衲褥暮塵中。安陵坐棄前魚泣，長信恒悲團扇風。
富貴榮華須及時，烹羊炮羔君莫辭。清歌窈窕芙蓉帳，美酒蒲萄金屈卮。
高陽酒徒良不惡，執戟何如草玄樂。誰肯低頭拜七貴，誰能閉戶窮三畧。
莫歎飛花太薄情，可憐全盛易驕盈。銅鈿陌上荒荆棘，金爵臺前漳水聲。

肖甫送至天雄故城因觀宋大觀五禮碑同賦

風吹古城勢欲倒，征車北指燕山道。傍穹碑十丈餘，雨剝霜風臥青草。
我行拂拭開塵沙，良工獨苦咸咨嗟。妮媿似出虞秘監，廓落正類顏瑯琊。
金甌誰披立蛟鵠，赤手欲挈生龍蛇。誰其能此宋令主，千載重操黑帝矩。
宮中才人捧硯立，殿前常侍登床取。白麻宣詔賜天雄，署銜紙尾紛華蟲。
瑯璁燄燄劾賈網，典雅尚有承平風。可惜龜螭半班剝，收童燒焚牛礪角。
銅仙何日去咸陽，花石無踪尋良嶽。停驂嘖古不勝悲，況是郵亭把手時。

關門令尹逢迎處更說羊公曾過之

遇張元春

俠斜日暮紅塵裏揚鞭誠是張公子春風大道控驂驅明月山園醉桃李
琅玕玉樹媚容姿步上黃金未足奇諸生解作東山詠才子邀吟輞口詩
長裾懶作侯門客挂帆歸訪專諸宅淋漓青壁滿題名牛衣勝臥長安陌

題黃山谷善黃龍禪師開堂疏

鍾陵行艸稱第一早歲已入蘭亭室轉運應知晚有神掣頭尤工老來筆
學詩唯許杜少陵翰墨黃州迺其匹宋人豈解識真龍天廐驂駟縱奔逸
籍名黨烟疾如仇白首黔陽作繫囚平生正得參禪力萬里危途百不憂
黃龍老宿爾何子搞目曾議東家丘相酬妙語千金直能使芳名萬古流
壁窠何人勒翠琰野火不肯焚銀鈎何年搨本來燕市慘淡無人知滿字
金門久客逢休澣北牖臨風自粘綴短髮誰知心尚長側釐尚望君王賜
粵臺山懷古二首

銅狄栖荒棘珠衣沒古蒿山迴秦壘在雲出漢陵高六澤龍猶臥春深鳥
自號雄圖將逝水誰與較蕭曹

冷露沾瑤碣，淒風斷翠華。中原曾倚鹿，芳樹自鳴鴉。澗古藏堯韭，巖幽偃舜花。隆坻聊永歎，林薄振清笳。

奉命至西山墳園

宿草經春長，新阡近郭多。彩銷團扇粉，香盡舞衣羅。陌上花如綺，雲間月似蛾。繁華今不見，遺恨雍門歌。

遊西山玉泉池

園亭知異脉，方折紀靈蹤。濯月金規滿，含風石鏡融。平湖隱作浪，曲澗瀉爲淙。一入昆明去，千秋照綺櫳。

長門怨

永巷豈思幸，長門絕履綦。由來妾薄命，詎是妬蛾眉。夜雨銷蘭氣，秋風落桂枝。祇思君不見，含態入羅帷。

登鷄鳴寺

寶地空香散，金繩覺路賒。樓高礙白石，軒密秘青霞。綠泫臺城草，紅悲屨井花。江山幾劫非，獨有怕沙。

彈子磯

茲嶺何綿亘孤根下杳冥雲光溢鳥背水氣雜龍腥蜀道攢爲閣廬山疊
作屏定知人靜後風雨泣精靈

鐵泉卷

鐵壁臨千仞乘危更一探瀑前安蒼崑松杪出花龕鶴憶窺殘帙猿經伴
夜談誰能開丈室招隱向南山

泛石門溪

往來皆任興屢進石門溪雨氣籠山淺江雲過鳥低稻田多汲竹松火更
蒸藜雖共漁翁宿桃花路却迷

春夜同童子鳴集潘少承館

向夕衡門掩吳中客子來長河朔月上斷柳逐風迴小飲憐春盡繁花愛
晚開漢關吾欲去刻燭更徘徊

出塞曲送陳公聘使邊

騁望白狼間追兵大漠閒黃河通月窟青海入天山削竹行秦壘封泥守
漢關豫知麟閣上日待策勳還

夜集蘇子川鴻臚宅命家僮作妓舞戲贈

曲房翻袖短長帶綴衣偏流盼光生電迴身急應絃雪飛從掌上月墮在
琴邊蕭颯清霜夜來風意惘然

盛仲交自金陵至集于喬舍人小園

坐蔭涼雲好輕衣未覺寒月臨花樹午春過鳥聲殘滿酌秦淮酒祈彈貢
禹冠柳條時拂拭渾作故人看

冬夜同張元易過顧叔潛得紅字

握馬苦嘶風徘徊戀竹叢寒聲御溝水月色建章宮小袖禁花艷衰顏借
酒紅他年文字飲能復憶城東

蘇子川宅觀芍藥

爲掩群芳色開花獨後時青扶液露葢紅妥出闌枝綽約東隣子風流鄭
國詩合懼還有恨名字是將離

留都二首

銅爵標霞外金莖濯漢間祥基開白水御苑跨黃山殿古疎鐘徹花深委
珮閒蒼蒼後湖月應裁鳳旂還
幽蘭稱巖甸重襟亦在斯尚紆南領策數費北門師霜焮青苗盡秋深赤

羽馳誰能如賀誼流涕向明時

祇事昭陵述感

日角常瞻御榻前豈知人世有桑田金滕顧命留三相玉璽升中已一年
封似灞陵終用儉衣留軒塚合成仙微臣握管思偏重痛徹龍髯上九天

阻風李陽河驛

滿目川原百戰餘旅情芳草共蕭疎蒼山古堞逢秋騎野水殘燈見夜漁
地近瀟湘多算兩雁來湓浦少鄉書故人憶我停雲外惆悵烟波少定居

燕京書事

朱樓迢遞接平沙嘆息深聞有灑華青鳥幾時隨阿母綵鸞今夜屬良家
桃栽碧海多成實桂貯長門自落花寄語采采南陌女莫將顏色向人誇

祈穀塗居

鈴索無聲樹色寒集靈臺上拜千官旌旗夜繞長楊陌燈火春祠奉乙壇
媛人芳郊陽氣凌月隲青閣曙光殘揚雄白首玄經在誰捧雲中玉露盤

十月書事

漢家本自惜天驕飲馬年來到渭橋五夜妖氛纏大角七陵王氣上丹霄

軍中選士皆穿札幕府謀臣盡賜貂扈閑儒生慚獻賦燕然終擬勒名峩
嬉春曲

芳草春陰滿釣磯寒城斜日閉朱旗
燕人欲醉憐花氣送客無情是柳絲
画轂迎隨蘭浦入金樽
還傍竹陰移江湖十載渾疎放
空媿青樓半顏眉

秋懷

玉泉迢遞入昆池百尺闌干俯碧漪
錦纜維龍鳳舸離極深鎖柏松枝
侍臣鳴珮丹墀遠宮女臨霞彩袖垂
曾預都人誇盛事周南今日歎衰遲
和韻汝和玉河見白燕二首

杏花桃葉盡芳菲
幽水春風半掩扉
玉羽乍窺池上影
霓裳如舞月中衣
画梁多是無心繞
金屋誰同作伴飛
回首鳳笙雲路杳
鸞華道不如歸
曾是烏衣國裏身
玉樓瓊柳換丰神
雙飛剪出機中素
獨立粧成掌上人
月下步掃花有態
水邊飄動機生塵
深聞詞客難成賦
洛浦相逢總未真
戴金吾伯常招飲即圖

禁城秋色淨無煙
碧水澄波帶遠天
十里樓臺通翠嶂
五陵花木有平泉
風搖柳浪低梳扇
日暮菱歌起釣船
水簾疎簾銷暑地
流塵知不到樽前

宮詞三首

金屋無人奉屬車，君王初誦上清書。日長不用教歌舞，自繞瑤壇學步虛。
未央前殿敞秋風，芝火煌煌徹夜紅。知是騶祠明太乙，旌幃斜出五雲中。
立殘銀漏未更衣，聞道龍池駐翠騑。衛士夜深傳畫燭，御街塵起六臣歸。

豫章江行

山磴崎嶇猿夜號，湍流如沸石如刀。刺桐花下思歸客，待得天明有二毛。

寒雅園

寒山寂歷野蒼蒼，繞樹鶯飛不斷行。酒角一聲天欲曙，金河斜落滿城霜。

寄題潘少承西樵山房

新營丹室鐵泉山，千樹梅花不共攀。夜夜京華成短夢，白雲紅葉屋三間。

元夜曲二首

東素施玄紺髮，光暗塵偏逐越羅。香內庭不放金蓮炬，只恐蛾眉妒曉粧。

蕭史棄壺下帝臺，參差仙益拂雲來。分明禁苑春先到，萬朵芙蓉月下開。

題畫爲李宮詹子蕃

武帝齊齋太乙宮，上林無處不春風。遙知絳節隨王母，青鳥飛來御苑中。

趙侍郎用賢

用賢字汝師常熟人隆慶辛未進士選庶吉士除問討萬曆丁丑抗疏論江陵起復杖六十爲民江陵殿召爲春坊贊善歷官坊局出爲南京祭酒禮部侍郎久之召還北部改吏部左侍郎公負氣節饒經濟海內以羅拜正目之公亦激昂慷慨不恤身爲黨魁繼江陵執政者畏而忌之以故回翔南北卒遭彈射不得妨用卒贈禮部尚書謚文毅公強學好問老而彌篤午夜攤書夾巨燭窓戶洞然每至達旦爲文章博達詳瞻少年頗嘗居弇州晚而北面稱弟子弇州亦盛相推挹作精五子詩及之而未五子居首焉其四人則雲杜李維禎南樂魏允中四明屏隆金華胡應麟也

恭題皇上所御回扇二首

花鳥芳菲禁苑中
畫圖省識見春風
香飄蘭氣千莖碧
日麗葵心萬朵紅
當暑移來看皎潔
自天題處轉青葱
鴉鴛原上休相急
已荷皇仁祝綉同

右詠鴉鴛葵蘭二花

春城韶景日初長
白燕雙飛度苑牆
千樹曉霞迷香艷
一簾晴雪泛梨香
迴風舞共花爲雨
帶月看來羽作裳
莫向昭陽營舊壘
君王原薄漢宮粧

右詠白燕梨杏二花

陪祀昭陵紀事有作

瑤壇晴雪淨春空，劍佩聲沉苑路東。
霜露每勤憂聖主，貂璫無復肅齋宮。
通原燎火分宵白，拂樹霓旌映曉紅。
寂寞翠華誰望幸，惟餘金粟鳥呼風。

宿昭陵齋房呈淇南趙館丈

先皇原廟俯陰陰，肅穆祠宮奉御心。
月露夜零千嶂曉，風泉寒咽九龍吟。
空傳遺鳥留宮寢，猶想鳴珂直禁林。
楠草宣臺何日事，侍臣唯有淚沾襟。

李尚書推楫

維楫字本寧京山人，隆慶戊辰進士，選翰林庶吉士，除編修，進修撰，出爲陝西參議，浮湛外僚，幾三十年，稍遷南太常，拜南京禮部侍郎，陞尚書致仕。卒年八十。本寧在史館博聞強記，與新安許文穆齊名。同館爲之語曰：記不得問老許，做不得問小李。自詞林左遷海內，謁文者如市，洪裁艷詞，拔筆揮灑，又能散轍曲隨，以屬厭求者之意。其詩文聲價騰涌，而品格漸下。余誌其墓云：公之文章固已崇重于當代矣，後世當有知而論之者，亦微詞也。爲人樂易，闊達交游，履雜有背負者窮而來，歸遇之反益厚其左。

遷在江陵時江陵敗人謂當抗疏曰勿本寧慨然曰江陵遇我厚左官非
江陵意也奈何利其死以贄於時世乎其爲長者如此

太和雜題二首

文祖初封徵經營十二年景光如有見誠禮不相沿春山三軍聚泉刀九
府相龍崑垂過勝象帝髮髮然
肅帝屢玄玄增封上配天端居長禮斗秘祝總祈年阜肅宮城繡青辭國
史編星冠南鄉拜鶴蓋統龍涎

贈別楊元素

才情奕奕少年場家在河南舊帝鄉綠樹三山通御苑青樓十里帶橫塘
銀光紙卷芙蓉粉金縷衣薰豆蔻香羨爾紅顏生羽翼仙人曾授枕中方

郎城春望

西來山勢劇縱橫殘雪流澌試火耕一逕寒烟通古戍幾枝衰柳帶春城
曉弓月倚闌干上結陣雲扶睥睨行怪殺黃蛇郎衍口餘腥猶染曼胡纒
立秋日九龍漣觀蓮

徑碎山深事事幽塵情如洗坐夷猶相看茜苒千花色不受梧桐一葉秋

帶雨香從衣上惹，凌波影入酒中浮。宜人少女風微扇，無數紅蕖蕩小舟。

南都二首

舊邦偏霸一隅雄，帝命維新自不同。再闢乾坤清朔漠，雙懸日月啟鴻濛。春開蒼震青陽後，斗直黃旗紫蓋中。率土王臣修職貢，江流萬里亦朝東。旌旗劍佩擁椒除，尚想戎衣革命初。綠草不侵雕轡路，紅雲常護紫宸居。金銀宮闕三山外，烟雨樓臺六代餘。誰謂長江天作壑，八荒今日共車書。

謁誌公塔作二首

野草生烟日暮時，六朝陵墓轉淒其。家緣解道鳩偏巧，但取枯柴兩兩枝。鐘聲停苦事何如今，日東南物力虛。倘憶金陵鄉國否，遺民願比鱸殘魚。

魏考功允中

允中字懋權，南樂人。萬曆庚辰進士，除太常博士，遷吏部稽勳主事。尋移考功，病卒。年四十二。懋權爲諸生，王元美以兵使行部，贈之詩曰：還將代興意，對酒頌如澠。丙子秋，試元美偕同官飲於使院，戒關吏曰：小錄至非魏允中第一，無伐鼓以傳也。抵暮，鼓發，相與譁，斗絕，倒其實異如此。懋權與其兄允貞弟允平皆舉進士，稱三魏。與其同年領憲成劉應蘭皆鄉試。

第一號庚辰三解元咸相與鏃礪志節以名世相期許江陵專政懋權與顧劉皆不肯阿附江陵敗允貞爲御史彈射新執政時人側目以懋權爲黨魁懋權卒九孚與廷蘭繼之而憲成與允貞皆爲萬曆中名臣

隴外寄荅李道甫二首

汝已投沙去余兼出塞行升沈非所意聚散不無驚別路交商氣離歌斷羽聲客愁正無賴隴月向人明

豈意中興日翻爲外補年吾兄同去國何客到離筵失足成千里批鱗下九天漢家東觀記流涕入新編

和馮員外秋日上陵

青山一望松楸地紫禁遙分劔佩行斷嶺有雲猶捧日高陵無樹不沾霜遺弓欲洒千秋淚薦食頓修八月嘗禋祀向來多寵渥不應西署老馮唐

去婦詞二首

雲雨陽臺舊路迷千山明月照人啼背風縱作孤飛翼索勝金籠裏更屢落花飛絮共悠悠怕入東風燕子樓爲看武陵源裡水斷腸東去不西流

招去婦詞二首

不見流鶯空見春憑誰傳語一沾巾若憐求友當年意忍掃蛾眉別嫁人
佳人一別永相望江北江南道路長莫上青樓度楊柳重來朱檻結鴛鴦

屠儀部隆

隆字長卿鄞縣人萬曆丁丑進士除潁上知縣調青浦陞禮部主客主事
歷儀制郎中長卿令青浦延接吳越間名士沈嘉則馮開之之流泛舟置
酒青簾白舫縱浪泖浦間以仙令自許在郎署益放詩酒西寧宋小侯少
弄好聲詩相得雖甚兩家肆筵曲宴男女雜坐絕纓滅燭之語喧傳都下
中白簡罷官壯年不自聊縱遊關塞思得一當歸而談空覈玄自詭出世
晚年一無所遇爲大言以自慰而已吳人孫榮祖挾虬仙稱慧虛子長卿
篤信之病革猶扶床凝望幾慧虛騰輪迎我悵快而卒長卿既不仕遨遊
吳越間尋山訪道嘯傲賦詩晚年出盱江登武夷窮八閩之勝阮堅之司
理晉安以癸卯中秋大會詞人於烏石山之隣霄臺名士宴集者七十餘
人而長卿爲祭酒梨園數部觀者如堵酒闌樂罷長卿幅巾白衲奮袖作
漁陽擘鼓聲一作廣場無人山雲怒飛海水起立林茂之少年下坐長卿
起執其手曰子當爲搥鼓歌以贈屠生快哉此夕千古矣歸而游吳涉江

留連虞山狼五間判年始還未幾而卒長卿答友人書自叙其所作以爲
姿敏而意疏姿敏故多疾給意疏故少精堅束髮操觚睥睨一世長篇短
什信心笑口嘗戲命兩人對案分拈二題各賦百韻咄嗟之間二章並就
又與人對奕口誦詩文我誦彼書書不逮誦非不欲求工厭物而姿性使
然雖復苦心腐毫閣筆不下亦只如是今所傳由拳白榆采真南游諸集
皆未曾起草之筆也長卿雖爲史家無餘貴好交游畜聲伎不耐岑寂不
能不出游人間自謂采真者十之三乞食者十之七蓋實錄也衰晚之年
稿華盡率筆應酬取說耳目淵明乞食之詩固曰叩門拙言詞今乃以
文詞爲乞食之具志安得不日降而文安得不日卑長卿晚作冗長不足
觀其病坐此雲杜亦云豈不傷哉

閨情

昨日別君楊柳濃今朝悵望櫻桃紅青驄去何在只在平蕪外春風自煖
妾自寒隣女相過掩淚看日長草綠嬌黃蝶宛轉啼鵲隔花葉不能飛去
喚郎歸何用朝朝啼向妾

長安明月篇

長安明月正秋宵。桂樹扶疎香不銷。初懸碧海生華屋，漸轉朱城隱麗譙。
白露玉盤流素液，丹霞寶鏡拂輕綃。明浮漢殿涼倦掌，暗入秦樓濕紫簫。
魄滿中秋天浩蕩，光圓三五夜迢迢。參差玉葉披香樹，宛轉金波太液橋。
披香太液紛相屬，玉葉金波寒較萬戶平臨。不夜城六街盡在清涼國。
洞庭湖中木葉稀，姑蘇臺上城烏宿。靈妃鼓瑟湘江頭，神女弄珠漢水曲。
朱絃的的泛崇蘭，翠袖娟娟吹修竹。旣從天漢掩躔星，亦與君王代銀燭。
君王對此秋漫漫，龍樓魚鑰開長安。閃閃鴛鴦香霧繞，溶溶鵲玉華漣。
風飄綽約雙鬟女，花近葳蕤七寶欄。新出蛾眉描正似，圓來嬌面借同看。
昭陽粉黛生香煖，長信梧桐照影寒。飛燕單衫初舞罷，班姬雙淚欲啼乾。
自以光輝薦寒煖，每逢佳節助悲歡。有時照入空闈裡，蕭瑟流黃夜驚起。
能於瓦上白如霜，復遣牀前涼似水。情到鸞箋淚萬行，夢回鴛帳人千里。
有時照向邊塞頭，黃沙茫茫白草秋。已傷長夜吹邊篳，又奈寒光照戍樓。
啼興三秋度，遼水愁心一夜滿。并州古來一片長安月，對之萬種人情別。
月圓月缺如循環，秋去秋來無斷絕。遂令皎皎地上霜，都作星星鬢邊雪。
從他人世換春秋，不向中天數圓缺。且因光景及芳年，樂興先開歌舞筵。

同酬絲筆邀希逸自舉金杯呼謫仙佳會于人既不易良宵顧影亦堪憐
與來坐到星河曉醉後還操明月篇最愛霓裳羽衣曲乘風便欲問嬋娟

山中吟

我家海上之青山山頭白雲時往還藤捎細月行花裏水濺空巖酒竹間
仙源有路春長入石屋無門夜不關踏花只共野人語蕩槩真如沙鳥閒
自從奔走江南道馬蹄半入紅塵老生平耳目非我有俯仰眉嫵向人好
歲月其如石火何却逐浮名喪至寶昨夢丘中人題書寄深省既報青山
空復言白雲冷山空雲冷胡不歸荒猿叫破秋天暝四明迴合無風塵八
總高敞開星辰洞簫冷泠響空碧凌雲一喚樊夫人樊夫人借雲華不知
何年栖紫霞十洲三島俱爲家粲然忽啟玉齒咲咲我不歸寂寞羞桃花
桃花爛熳紅映天垂楊婀娜春風前野麋亂飲幽澗水仙鼠倒挂洞門烟
偶因騎馬衝泥去憶得鋪花掃石眠

南滁大雪歌

昨日何日故人一尊虎丘月今日何日馬頭十丈南滁雪昨日何日金陵
管絃喧酒家今日何日關山石裂穿寒沙從來雨雪多江北回首江南淚

沾臆所以古人惜河梁昨日之尊那可得西風太有權濁酒都無力冷如
鬼手捉馬鞭孤裘蒙茸亦何益寒山日落牛羊眠往住茅屋見人煙茅屋
人家絕可憐黃茅庵出青松巔自住山上屋還耕山下田童子撈魚溪水
邊女兒賣酒工數錢三家五家自來往年深不問城市遷門前雪花大如
手萬片瓊瑤寫枯柳火煨槽櫛啖鷓鴣藜藿飯地黃酒生遊死墓寒山
下一生不向長安走而我胡爲冰雪中馬蹄踏破行千峰繁華富貴轉眼
空山中之人笑殺儂

沛縣登歌風臺弔漢高祖

彭城沛邑漢帝宮山川峭拔風土雄三月驅車猶烈風高天捲沙白日蒙
牛羊散野城郭空我來不見隆準公但見平原草綠寒花紅隆準公英雄
哉亭長去帝王來去時蕭蕭捉一劍來時千騎萬乘驅雲雷椎牛置酒燕
湯沐黃屋左纛虹霓開前殿歌風氣逾猛後宮擊筑聲復哀百官歡呼父
老醉酒酣日落登高臺當時王氣收豪傑霍然起他人裂土握重兵公也
蒼皇奔迫不得止須臾劍光奮義旗指函谷一破子嬰死鴻門不能驚巴
蜀不能喜黃石爲之用白帝當之靡韓彭如狙項如豕往來大業五載耳

世上英雄有如此，吁嗟乎咸陽宮殿空蒼煙。彭城故都無墓田，神州赤縣掌上懸。公也歸來奏管絃，管絃歡娛歡不足。急雨嘒風一何速，沛上山河已非漢。邑中父老死相續，故宮曾無片瓦覆。藤蘿倒挂野人屋，歌風之碑烟霜磨滅不可讀。遙望芒碭鬱乎高丘，青天不動黃河流。大雪垂垂暮其上，龍蛇虎豹紛蚩尤。千秋萬歲後，魂氣當來遊。

劉御史歌

丞相怒，烈士戍。驄馬來，烈士災。陰風蕭蕭神靈哭，不止黃沙荒荒烈士死。吁嗟乎劉御史遼陽天，黑白日沒下有獫狁。上有鶻磨牙，罄齒據其窟。山鬼不敢弔，河伯不敢出。妻子那及收骸骨，嗚呼噫嘻何人殺孔融。何人殺臧洪，男兒出身報天子，俛首屈死蓬蒿中。雲旗獵獵紅湓空，天兵下來衝烟虹。將軍十道開寶弓，誰當迎御史。上帝特遣關龍逢，關龍逢握公手釀天河。挹北斗，拂公塵埃飲公酒。人間險巖天上否，遊戲白玉堂。迢迢黃金牖，椒山青霞亦公友。自公去矣，廓氛霾，天清地朗日月開。墓前銅雀化爲灰，塞外金雞謫戍回。公不在矣，使心哀我哀。何爲公不蒼，仰視高空寒殿。風白雲蒼，滌九關合乾坤，轂轉人事遷。天子下詔褒忠賢，鬼蜮射虹霓。

障天穢我烈士古路邊榮以大官寵大翁子孫仍賜綿上川蕙薇桂醴於
紙錢年年寒食墓門煙

青谿道士吟留別京邑諸遊好

青谿道士餐白石掃地焚香坐空碧月暎蒹葭秋水寬雪覆枿欄暮雲坼
山深路僻無人煙沙冷天空留虎跡可惜一朝不自堅來作清朝蘭省客
烈日騎馬屈塚中搔首乾坤墜迫迫下筆連蠅蝨氣吐口天矯丹霞色
雄心不除俠骨存十年學道亦何益何物美器橫相加籍籍聲滿長安陌
長安大道連平沙王侯戚里紛豪華銀臺兩閣三千尺繡箔珠樓十萬家
省郎卜居窮巷裡車馬趨之若流水爭設瓊筵借彩毫朝入西園算東邸
攜辭盡道李王孫執轡皆稱魏公子主人轟飲醉向天淋漓紅燭落花前
銀漢半斜沉夜柝繁霜歌罷彈哀弦有客醒然不御酒獨擁香爐對瞑烟
吁嗟乎美服人所指器盈神理效爲歡尚未畢含沙已在旁匹夫睚眦修
七箸惡聲信宿安可量子蘭謠屈平登徒毀宋玉謂奏相如栗未滅淳于
爛襦生鼓吏慙未能幼輿丘壑無不足青天何高高白日去莽莽出門眼
看北邙山令人萬事拋泮泮玉柀珠襦寒雨中金鑿寶瑟高堂上不聞黃

鵠遊滄池豈有神龍挂魚網我欲掩口笑古人古人英雄亦不達子房赤
松待興漢范蠡五湖須竊越卽如蒙莊與灌園安用雲臺懸日月馬蹄雞
肋空有無欲休卽休何所圖亦不用百官祖道集征虜亦不用君王詔書
賜鑑湖一騎蕭然下風雪空壕斜日啼城烏恥爲執虎子寧待車生耳嬾
視張儀舌不問待詔齒是非野鶴鶩孤霞恩怨金鴉擘海水脫我今日之
紅塵還我舊時之白雲王績能官因坐酒介推身隱詎須文風雷不能爲
之驅陰陽不能爲之鑄胡鷹鷂然掣金鎖碧落茫茫墮秋霧銅馬當年悔
陸沉自憐黑髮早抽簪當門楊柳黏天碧繞屋松杉滿地陰故人他日如
相訪萬樹桃花何處尋

重過桃江別業

當時落拓不足論挾書醉眠桃花邨黃鸝門斷春雨色白鷺窺破新水痕
身世溟滓遊太上風物依稀似陸渾何人喚我出門去匹馬蕭蕭南北路
兩足鞞皴涉冰沙雙鬢凋殘櫛煙霧燕臺駿骨雖見收漢宮蛾眉易主妬
幻泡浮雲擲一官親蒙天子賜黃冠入山面壁終有日對酒逢花且盡驩
此地重來恣笑謔十載羈縻宛如昨悽愴似隔武陵雞須臾亦是令威鶴

紅桃碧柳風正柔野浦迴塘水亂流輕橈鐵篴吹欲裂錦扇銀箏滑不休
伯倫生著酒德頌無功自署醉鄉侯古人多好託此物但言澆愁吾不愁

韓蘄王花園老卒歌和吳淵類

中原胡塵漲天起汴城日落大旗靡翠華北去泥馬南坐擁西湖衣帶水
蘄王徒步起行間百戰馳驅劍光駛金牌書飛玉塞昏三字獄成舟飛死
王也搃腕氣衝冠烏盡弓藏痛唇齒飄然角巾歸西湖自號清涼老居士
湖邊花園春色妍亭亭百卉紅燒天守閩老卒髣髴短白首開就花陰眠
蕉鹿呦呦蜷栩栩石頭爲枕苔爲氈黑甜正熟履恭響王來蹴起始矍然
頭顱若此隙駒過長日如何只高臥相公勿輕灌閩人涓濱垂釣淮陰餓
龍泉補履謙刈葵間却英雄無事做王嘆此叟氣何豪與爾十萬金錯刀
青雀樓船貫月上紅牙歌吹遏雲高少女如花雜質從鬢髻白髮炤錦袍
口銜巨羅海霧捲手揮如意江風颺酒酣指點挂帆去鳴笳舂鼓凌波濤
夷王倒屣迎上客匝地攢瑜布瑤席光生珠貝鮫人探寒透冰綃龍女織
趙氏璧玉連十城石家珊瑚高數尺婦來大觴蘄王欣豪傑計倪少伯倫
胸中之竒聊一見遊戲仍臥花陰春吁嗟乎古來英雄何可測駿骨往往

埋埃塵尉遲微時曾鍛鐵王猛不遇行負薪爲龍爲蛇古所歎從此不敢
輕相人

彭城渡黃河

彭城臨廣岸俯仰霸圖空白日照殘雪黃河多烈風所嗟人向北不似水
流東回首滄溟曲山山雲霧中

元夕集司馬公宅

同是春宵醉今宵樂未央花明天不夜塵煖月生香人語朱樓細簫聲碧
海長絳河低欲沒猶進九霞觴

秋日懷友人

寒砧萬戶滿黃葉下空城叢菊堪垂淚江流不住聲病惟詩得意貧覺酒
多情同是傷搖落秋天日莫行

路河脫泊

迴浦落帆盡長堤帶郭斜莽煙平吐樹春雨薄沈沙白艇藏漁市黃茆覆
酒家一瓢雲水外不復問年華

泛潞山湖

扁舟凌紫氛，蕭酒絕人。群浦暗暹，吞樹湖空不碍。雲浪推沙鳥出，風挾寺鐘聞。故有滄洲癖，徘徊眷夕暉。

夜飲李將軍帳中

兩行寶炬照華堂，一派笙歌夜未央。戶外高牙明畫戟，燈前小隊舞紅妝。花生步障風光煖，月在簾鉤海色長。大將只今容揖客，不妨沉醉蒼青陽。賦得烏衣巷送周使君之金陵

春風深巷舊豪華，駿馬銀鞍日未斜。朱弟空梁曾游燕，白門垂柳自宮鴉。草香輦路銷金粉，花發江城問酒家。君去定尋王謝宅，大帆明月向天涯。 酬鄆汝翼見贈之作

娑娑吳越問前朝，來徃空江送落潮。佳句全從僧舍得，雄心半向酒家消。寒山到處容雙屐，野艇無人挂一瓢。不爲西風傷歲暮，亂雲歸去臥金焦。 入直左掖中貴乞詩有作

兩朝出入有輝光，五夜疎鐘漏未央。萬樹官花歌寶扇，千門御柳映明璫。心如碧草生金盞，身是紅雲近玉皇。一樣人間明月色，慣於天上聽霓裳。 贈張谷吹先生

門臨千頃水雲霓黃葉疎疎照籬冠未老朱顏堪學道愛閒黑髮早辭官
秋烟竹色侵書帶夜雨空香送藥欄幾度對君名利盡高臺清絕夢應安
送馮開之太史還朝

三年採藥訪桐君忍別滄江鷗鷺群豈謂金門堪大墜祗緣玉牒重靈文
河橋柳暗人初去山店花香夢欲分蹙入紅塵心不染宮衣猶帶五湖雲
北上彭城別姜仲文

荒城濁酒送斜陽數起門前指雁行木葉時時作風雨星河夜夜在衣裳
坐深燭燿初驚扇秋冷莎雞半入牀何物最能關別恨野橋殘月照清霜
懷嘉則賓父伯翼長文田叔仲初鄭朗諸君

相思公子住巖阿歲歲衣裳剪薜蘿水濺山花春屐冷僧歸湖雨算鐘多
大能愛客沿谿送猿不驚人帶月過詐用移文心自媿雲青沙白奈君何
新鸞

初來關外弄春暉上下花間試學飛小語未全調玉管薄寒深自護金衣
龍尾萬柳酒應怯葉殿千門見總稀九十韶華愁易老啼殘紅藥綠陰肥
出塞

強兵一夜度飛狐大雪連營照鹿盧明月五原容別獵長城萬里不防胡
單于塞外輪龜馬天子宮中出虎符獨有流黃機上淚西風吹不到征夫

永明寺與伯貞先生坐語

寺門瓦落挂霜藤間與君侯說廢興秋老紫苔生臥佛日斜黃葉映殘僧
蠹魚古壁銷千藏風雨空堂暗一燈勸破此中須了悟昆明劫火向無憑
懷馮開之

一返長林友鹿麕年來踪跡半招提直將幻泡看金馬養得玄心到木雞
簷蔔香清依丈室芙蓉花發坐空隄點蒼別後無消息魂夢還遊洱海西

過全園磨圃志感二首

當年兄弟擬雙龍同隱華陽各一峯低樹風時度清梵梅檀林不隔疎鐘
僊幃化去靈龜在丹竈空來細草茸依舊朱欄窺綠水臨流不忍採芙蓉

名園樓榭鬱參差客滿華堂酒滿卮天外群峰替落日鏡中雙槩蕩文漪
蟲絲曲几殘書帙鳥跡空庭絕履綦感慨滄桑眼前事雍門乘罷不勝悲

蘄遼大捷鏡歌

大捷歸來列校收蒲萄銀甕坐筵篋酒酣夜出巡邊壘壯士閒眠枕髑髏

遊仙二首

青兕斑麟列兩行，仙人綵筆染爐香。清都那有閒文字，劫運書成隸九皇。
一緇芒鞋四海忙，何如回首覓靈光。爲言鹿苑無生訣，卽是龍宮不死方。

史相國墓下作

霜落蒼藤老樹枯，眼看巨石壓重湖。墓前只有山僧住，黃葉青燈照野狐。

無題

千年露液何曾釀，五色霞衣不用裁。小史調笙鋪席罷，金籠鸚鵡報花開。

燕姬墮馬

美人綽約萬花西，寶馬橫翻碧玉蹄。總是身輕如燕子，落來羅襪不沾泥。

燕京卽事

玉貌花鬔兩鬪輝，香風如水泛紅衣。燕姬少小能騎馬，咲指金鞭踏月歸。

爲范太僕咏孫漢陽画綠牡丹

漢陽太守舊王孫，筆點春工到囂園。玉笛聲中明月老，東風吹出綠珠魂。

送長吉諸孫東還

年來何日不思鄉，却送君歸欲斷腸。聞道小園剛半畝，不愁無地種垂楊。

湖上曲二首

湖邊曾記踏花行，
謾謾風篁十里聲。
綠水清蓮人載酒，
絳樓紅板伎吹笙。
夜泊湖頭自唱歌，
蘆花月白水禽多。
芙蓉獨抱清霜老，
正寒香楫素波。

長條曲爲友人賦二首

流水飛霞舊日恩，
梨花寒月閉重門。
清明陌上香車路，
認得蕭郎不敢言。
手碎琵琶斷玉簫，
青書誰竟折長條。
背啼紅袖逢人笑，
歲歲春風恨不銷。

紅線詩五首

結束戎裝劍陸離，
月華星彩共低垂。
嚴城秋冷銅焦死，
魂斷三千外宅兒。
龍文匕首誓烏纜，
一霎遙空响珮環。
街鼓未休營卒臥，
滿身風露舞城還。
直拂雲河織女機，
天風颯颯泛霞衣。
手持北斗黃金台，
千里關山度若飛。
忽離瑤筵下玉階，
湘裙低覆蹋雲鞋。
情知不是人間別，
歌散香銷十二釵。
金銀宮闕是儂家，
楚挿鸞釵拂鬢鴉。
一逐孤雲天外去，
朱門空鎖碧桃花。

恭送墨陽大師六首

列坐樽前大帝前，
六銖五色照瑤田。
直凌海面行空去，
颯颯天風散紫烟。
西池南嶽坐相邀，
髣髴荆中白玉橋。
手炙鵝笙踏雲路，
靈音平入瓊簫。

王母行宮列宿分，九微燈艷紫元君。玉樓金闕非人世，空水茫茫載白雲。
家鄉原在妙高峰，青桂紅蘭宛舊容。童子笑迎猿鶴舞，洞門親啟白雲封。
西天西去指恒沙，東海東頭棗似瓜。斜日乍明秋潦盡，萬人相送踏層霞。
仙駕嚴裝羽隊分，救書先下玉晨君。明知不比人間別，亦自含樓望碧雲。

采真詩再爲慧虛度師恭誤六首

瑤草仙壇路不分，空中香氣正氤氳。鳳車龍輦麟麟去，只隔青天一片雲。
碧石青苔覆落花，雲殘遠自上清家。龍章氣濕疑靈雨，鳳篆文生散彩霞。
寂寂花宮獨掩關，鸞輪去只在前山。香清落日聞金磬，知是真入跨鶴還。
仙鼠飛飛似白鴉，窺泉盡日浴金沙。只聞洞裏人吹笛，不見空中女散花。
悄無人跡蔽瑤房，數卷丹書在石牀。侵曉鶴翔松露冷，松花細細落衣裳。
子夜初從洞府歸，絳桃花外月痕微。下山不是瑤臺夢，誓在琅函香在衣。

聞化女湘靈爲祥雲洞侍香僊子志喜六首

冉冉鸞車駕綠虹，只聞耳畔响罡風。人間那識祥雲洞，幸有天邊鶴使通。
僊宮玉環酌流霞，千歲冰桃四照花。蚤解虛皇金冊召，不將清淚送瓊華。
只道埋香事可憐，誰知別鶴控遙天。上元垂髮麻姑爪，宿世原來骨是僊。

手放琅函喜欲狂，東來消息大非常。偶然題作留香艸，洞府新街號侍香。
女遣詩名留香集

西王奈下舊瓊華，宅在清都第幾家。好奇雲窵慰慈母，日從溪口認胡麻。
阿翁學道已多年，翻使湘靈先著鞭。爲種絳桃三萬樹，遲予蚤晚洞門前。

刪袁時選

時選字無擇，鄞縣人。萬曆乙未進士，除刑部主事。

屠緯直挽詞二首

眼前泡影總堪傷，倏佛祈仙亦渺茫。嘯館未殘經宿火，夜臺先度五更霜。
優曇證侶驚秋早，鶴馭傳書恨海長。從此英雄俱撒手，寢門一哭淚千行。
風流曾造俗人猜，幾擲千金散草萊。幸舍無魚人欲去，翟門有雀客空來。
兩昏黃犢穿荒塚，月冷青娥罷舞臺。玉樹柘枝今譜盡，到頭薤露爲誰哀。

胡舉人應麟

應麟字元瑞，蘭谿人。少從其父宦燕中，從諸名士稱詩。歸而領鄉薦，數上
公車。不第，築室山中，購書四萬餘卷，手自編次，亦多所漁獵。撰著携詩謁
主元美，盛相推挹。元美喜而激賞之，登其名于末五子之列。歸益自負，語

人曰弁州許我狎主齊盟自今海內文士當捧盤盃而從我矣衆皆目笑之自若也著詩藪二十卷自邃古迄昭代上下揚扝大抵奉元美卮言爲律令而敷衍其說卮言所入則主之所出則奴之其大指謂千古之詩莫盛于有明李何李王四家四家之中撈籠千古總萃百家則又莫盛于弁州詩家有有弁州證果位之如來也集大成之尼父也又從弁州而下推及于敬美明卿伯玉之倫以爲人升堂而家入室始聖體貳之才未可以更僕悉數也元美初喜其貢諛也姑爲獎借以媒引海內之附已者晚年乃大悔悟語及詩藪輒掩耳不欲聞而流傳謫繆則已不可回矣嗟乎建安元嘉雄輔有人九品七畧流別斯著何物元瑞愚賤自專高下在心妍媸任目要其指意無關品藻徒用攀附勝流容悅貴顯斯真詞壇之行乞糞死之輿臺也耳食目論洽襲師承昔之刻畫卮言者徒拾元美之士苴今之椰掄詩藪者仍奉元瑞之餘竅以致袁鍾諸人踵弊棄隙溢汰過當橫流不返此道旣如江河斯世亦成灰劫文章關乎氣運不亦信乎不亦悲乎余錄先後五子之詩以元瑞終焉非以元瑞爲足錄也亦庸以論世云耳

塞下曲送王山人

平沙一望龍雲開，玉笛飛聲夜轉哀。
萬里朔風吹不斷，梅花齊落李陵臺。
塞上曲

紫電花驄白玉鞭，遠從都護出居延。
清秋不辨龍城色，一片黃雲瀚海前。

黃山人惟楫

惟楫字說仲天台人，故工部尚書綰之孫也。金華胡應麟撰皇明律範集錄，隆萬以來文章鉅公及同時詞客之作，多至二千餘首。大率肥皮厚肉塗抹，叫呶黃茆白草彌望，皆是蓋自李王二公狎主齊盟，海內風氣歛然。一變秀午，膠結齊聲，同律厥後，妄庸之徒巨子相推，月且自命霧不止於九里，醉有甚於千日，目論替說流爲丹青，餘毒流殃至今。爲梗詩數律，範並垂藝苑，誠千古之笑端實一時之公案也。緒聞之餘，心目憤悶，偶見黃生此章，差爲清拔，更簡他作，卑靡滋甚，錚錚佼佼，殆亦憂憂乎其難之矣。錄而存之，庸以見采掇良苦，非敢有成心軒輊，敬告後賢勿復以黨枯朽腐相稽也。

夜思

草色烟光向晚淒望鄉人自滯淮西風傳鼓角更初轉霜落關河斗漸低
夢欲成時逢雁過愁方生處有烏啼家書倉卒應難達不是秋來醉懶題

陳大理文燭

文燭字玉叔沔陽人嘉靖乙丑進士除大理評事山守淮安官終南京大
理寺卿玉叔與吳明卿諸人稱詩希風七子附其後塵有五岳山房集
十卷頗蕪剽擬王李之下流也

寄懷家叔時官黎平

青菁南望暮雲低官舍蕭蕭對五溪衡雁北來飛又豈不知曾過夜郎西

列朝詩集丁集第七

朱九江曰藩四十六首

覽人日艸堂詩五首

金山人鑿三十八首

何孔目良俊三十七首

覽皇甫子循三首 聞箏詩四首

張經歷之象七首

黃秀才姬水五十二首

張太學獻翼一十四首

吳山人擴五首

謝副使少南一十二首

陳參議鳳六首

許尚寶穀十一首 甫見詩陸三首 刻竹詩一首

黃運判甲一十首

胡參議汝嘉六首

金舉人大車一十九首

金秀才大輿二十六首

郭山人第六首

盛貢士時泰三十七首

陳寧鄉芹四首

姚嘉州汝循五首

莫貢士士龍三首

張臨清文柱二首

李臨淮言恭七首

金陵社集詩一十六人

柳應芳五首

王野二首

吳兆一首

潘之恒一首

王嗣經五首

張正蒙一首

陳仲溱一首

吳文潛一首

程漢一首

程可中一首

姚旅一首

臧博士懋循三首

梅主簿蕃祚三首

陳寺正邦瞻三首

曹評事學佺一首

胡潛一首

白門新社二十一人

杜山人大成二首

方處士登七首

胡布衣宗仁一十九首

張秀才正蒙二十首

周秀才暉八首

朱侍郎之蕃二首

魏画史之瓚三首

陳布衣玄胤三首

姚布衣旅十二首

吳比丘文潛一首

程布衣漢四首

王山人嗣經二十首

豐欽秀才叔陽三首

黃山人世康一首

郭北丘昭二首

鄭太守之文一首

吳秀才上璣二首

齊王孫承綵二首

黃監丞居中三首

唐公子獻可一首

沈秀才春澤三首

朱九江曰藩

曰藩字子价寶應人按察使應登字升之子也幼而博學攻詩父友顧華玉稱賞不已年四十四舉嘉靖甲辰進士知烏程縣劉元瑞免大司空結社峴山子价往從之遊幅巾布衣壺觴嘯詠人不知其爲邑宰也歷南京刑兵二部轉禮部主客郎中留都事簡閉戶讀書詞翰傾動海內居三年出知九江府有惠政辛酉景王之國病憊猶從臥榻上調度以是秋卒于官囊無餘貲文編充溢有山帶閣集三十卷當李何崛起之日南方文士與相應和者曰毅華玉升之三人而升之尤爲獻吉所推許子价承襲家學深知拆洗活制之病於時流波靡之外另出手眼其爲詩取材文選樂府出入六朝初唐風華映帶輕俊自賞寧失之佻達決易而不以割剝爲能事其於升之可謂譚子矣楊用修評定其詩得七十四首比于唐人

世中之集其爲序極官返世蹈襲之弊而深許子价之詩以爲異於世之
學杜者則用修子价之詩其流派別于獻吉從可知矣嘉靖戊午己未間
子价在南主客何元朗在翰林全在街陳九阜黃淳甫張幼于皆宿寓金
陵留都人士金于坤盛仲交之徒相與選豚徵歌命鵬濠翰詞藻流傳蔚
然盛事六朝之佳麗與江左之風流山川文彩互相映發不及百年蕩爲
禾黍西京之歡娛東都之燕喜邈然不可以再覩矣錄子价詩冠于金陵
諸賢之首不能不爲之一歎云

竹西

望望行宮地遙遙大業年山光連古寺水調尚遺篇軟履千花妓迷樓五
色烟繁華何可吊高樹起秋蟬

贈子長二首

澤國魚龍氣征途冰雪支悲歌過燕趙一吊望諸君
萬柳圍圍殿飛花引御舟棹歌雙綵女催過洗妝樓

寄程自邑

一代空同子人人願執鞭贈君詩滿籃恨我見無絲絲水蓬池上黃華且

岳顛平生高李遇徒感昔遊篇

寄程自邑淮上

梁苑沙墩路幾千客情冷落逼殘年
兔園賓酒樊樓妓一曲琵琶欲雪天

湖上送友人還吳門

湖上桃花管眼嬌
鴟夷舟穩臥吹簫誰能載得西施去
却弄吳王送女潮

孟夏二十七日行田雜歌三首

草閣南東霽海烟
萬家耒耜雨餘天
更憐村婦多新餉
湖落平沙蛤蚌鮮
雨過青坪不見人
剪茸新鹿白如銀
數聲鼓笛叢湖近
如是祈年賽水神
田田荷葉大湖西
千隊鴛鴦掠水低
却似吳娘機上見
綠羅初織錦茸齊

鷄籠山房雨霽

客樓睡起西日曛
鍾山曳曳擁歸雲
鏡中島嶼後湖出
花外池臺上苑分
何處攀龍光祿讌
當年怨鶴艸堂文
殘英儘及東林醉
莫遣流鶯醒後聞

枕流橋避暑口號

竹林花簾坐蕭閒
好是儂家銷夏灣
誰道屏風無九疊
彩雲飛作洞庭山

樓鴉

年年銀漢橋成後樓上昏鴉接翅歸御史府中棲未穩倡家樹裏聽應稀
綠垂槐穗藏朝雨紅入蓮衣浴晚暉春去秋來渾厝事只輸鴻雁塞門飛
橋上納涼卽事口號

上林獻賦恨空回水驛米鮮夜半催枕上笙簫聽漸近楊梅盧橋過江來
中元日齋中作

陶枕單衾障素屏空齋獨臥雨冥冥
川舊擬施爲寺內史新題寫得經
窗竹弄秋偏寂歷盂蘭乞食信飄零
年來會得遊禪理長日沈冥不願醒
對雨柬徐楊二先輩

長安飛雨灑輕埃萬戶千門函裏開
霧樹稍迷蓬閣觀烟絲猶嫩建章臺
故園紅藥誰同賞旅榻青苔客不來
莫怪殘春倍惆悵一山風景各啣杯
清明揚州道中憶王端公

江花江艸淨春烟北望空懷乘興船
水國人家種楊柳清明士女競鞦韆
客厨未乞龍蛇火旅食頻催犬馬年
遙想風流王柱史西臺銀燭拓枝顛
送陸子還洞庭

五月江門暑氣鮮水祠簫鼓賽龍船
最憐別樹當官路不礙歸雲入洞天

樓閣兩山插碧落，楊梅千澗瀉紅泉。舊裙紗帽吟長夏，莫擬平原赴洛篇。

飲罷道逢館作

沙谿雨過澗道潮，新漲朝來拍小橋。九曲湖堂藏窈窕，數株門柳伴逍遙。
時魚饌客烹蘆笋，海鶴驚人起稻苗。飲罷中庭不成寐，夜闌河漢正寥寥。

七夕雨

關道中宵急雨，夢邊憐牛女。渡河情與臺驚鵲，飛來重長信。流螢洗後明，
不謂金河能續漏。紙絲玉筋，勝忘纓江湖，亦有佳期，隔愁見蘭壽，混太清。

寄荅王子新

兩家父子盪風流，江左相看三十秋。徐庾爭吟玉臺體，王謝久濶烏衣遊。
客夜紅燈何處酒，病山黃葉隔年樓。西洲風惡船難繫，空遣多情怨莫愁。

秋閑愁

合歡樹上鳥欲棲，空房織錦實家妻。遙遙夜夜誰能奈，三三五五並相攜。
鏡花對影影慚雙，笑燭淚分行伴獨啼。莫道迴文能妙絕，陽臺雲雨隔安西。

隋堤柳

與道里前楊柳新，蕭娘攀望獨傷神。儂正好留儂住，若個殢他遭個春。

紅頰忍拋妝罷淚，翠蛾常帶睡餘癡。龍舟風起花如雪，三月揚州夢裏春。

家園種蠶作

春柳半含翼，春鳩屋上啼。弱苗何日引，長柄得誰攜。瓠落非無用，鴟夷愛滑稽。揮鋤不覺倦，新月在樓西。

秋髮

秋髮不盈握，秋蓬仍苦飛。何須五月沐，自信九陽晞。病覺星星改，心從種種遠。漢家方尚少，素領媿朝衣。

箏

日暮西園冥，雲和獨未收。弦張鵲轉急，柱促雁初求。靡靡繁懷惡，纖纖繞指柔。多情如有待，庭樹莫先秋。

七月望夜亭上

城外重湖已合圍，雙流分月瀉清輝。積陰遂見秋風起，行潦休驚海水飛。娟娟銀河低紫戶，塗塗玉露稍霏衣。季鷹元不營當世，豈爲鱸魚始憶歸。

夏日閒居作

雙樹蒼蒼玉不如，亭風弄日鹿闌初。林前竹冷新鋪篔簹，架上梅過自曝書。

散騎直廡誰偃息平津客館久丘虛種瓜莫道東門近肯爲鳴騶隻倚鋤

玉河堤見新月

垂楊東下轉金溝忽訝纖纖並馬頭班殿未秋寧似扇秦樓初晚正如鈿
雙蛾映水遙傳恨一掬當窗不攬愁護道南州歌蕙艸薄情元不爲封侯

臨春曲

閣上張星舊在天閣中璧月夜仍圓雲歎宿鬢初臨鏡風研乾紅未幾篋
兩臂舞釵金阿那一聲歌樹玉嬋娟君王萬歲歡無極肯信江花易分烟

贈沐太華兼憶升菴楊公

濯錦江邊霞滿天博南山下艸如烟相逢偷把刀環視勝斷孤臣謫九年

燕真引

上林苑西重陰垂漢家馬乳秋纍纍群臣未拜金盤賜正是文園病渴時
管言逾淮橘爲枳淮南亦種燕真子一朝偶患齊后瘡七日方寤趙簡樂
起來燔極華池乾葭藕堆盤嫩咀嚼何人旋摘此逗餽米丸入口生顏色
不用玄珠困象求穢疑舍利菩提得淮南隴右限川梁燕真蒲葑味各長
底事千金通大宛空勞斗酒博西涼詔中但見誇珍味席上誰能延樂方

樂方又闕樽罍燥親故化離那可道流年特物感幽風拘方服食依農艸
憶曾弱冠客安西醉裏親嘗掩露時囊盛莫致燉煌種浪說天南生荔枝

感辛夷花曲

昨日辛夷開今朝辛夷落辛夷花房高刺天却共芙蓉亂紅萼小山桂樹
猶連卷五湖荷花空綽約連卷綽約宜秋日端居獨卷微君疾高枝朶朶
艷木蓮密葉暫層霽虛橘山鬼已見駕香車文人應是夢綵筆辛夷辛夷
何離奇照水偏宜姑射姿蕭晨東海霞光爛玄夜西園露氣滋檀心倒卷
情無限玉面低回力不支見說東都便露坐惟應御史帶風吹此花愛逐
東風煖故人註屢逸韻稽中散山陽聞有合歡齋石湖亦築辛夷館嬾嬾
巒欒碧樹圓紛紛欄戶香花滿塲裏王孫舊路長卷中斐然新詩短新詩
已舊不堪聞江南荒館隔秋雲多情不改年年色千古芳心持贈君

過陳思王墓

美人曾感魚山響千古高情寄白楊洛浦錦衾徒爛熳鄴宮銅爵久荒涼
詩成獨贈同門友勢去潛悲異姓王隧道風塋飛蓋滿爭教來者不心傷

寒食

水滿春湖花滿城，况逢寒食雨初晴。花深不礙鞦韆出，水闊從教舴舺行。
午憩旗亭分杏酪，夜歸餽市有簫聲。多情一樹山梨白，小立柴門待月明。

滇南七夕歌憶升菴揚公因寄

予少日遊滇南見其土風每歲七夕前半月人家女郎年十二三以上者
各分曹相聚以香水果爲供連臂踏歌乞巧于天孫詞甚哀婉暇日因
採其意爲滇南七夕歌三首末首有懷升菴揚公因併系之曹子桓云爾
獨河漢風川梁悲夫誰則爲之動念哉

一宵五夜一年長，猶度金針到繡牀。天下真成長會合，昆明池上兩鴛鴦。
綵袖飛來山上山，小樓金馬障雲鬟。茶花滿地無人掃，二十年前菩薩蠻。
錦窠何必尋丘遲，畢竟還他蜀錦奇。近日錦官空擅巧，博南山下乞蠻姬。

廣心樓絕句爲楊升菴賦

樓西鸚哥樹，單樓鐵鸚哥。兒童作蠻語，花鳥入滇歌。
停雲獨倚闌，扣門問來使。云是張公子，永昌送詩至。

雲南名伯勞曰鐵鸚
張公子永昌張念光也

涇西杏花雜興

張村趙村與吳村，千古空牽艷客魂。牆東一樹穠如錦，莫怪先生獨閉門。

成都才子玉堂仙一謫南中三十年錦樹烘春枝裊月夜來新夢到連然

涇上夕眺東友人

臺下平池池上花春風無日不山家紅藏塢壁攀危磴綠浸闌干繫短查
小市漸沽寒食酒中林長隔美人車夕照也戀西枝好不管城頭已暮鴉

次韵何元朗罷官之作

千古鍾山擁晉京門前淮水爲誰清卽看江令還家日不作平原羈宦情
異代風流艸市宅江稱艸市宅故園離亂柘林鶯東田見說堪行樂莫怪
經旬懶入城

涇上西齋書懷寄吳興一庵唐丈

連朝零雨掩柴關樹色蒼蒼別院閑倦倚小童呼鹿鹿戲拋殘果乞山山
淹留出岫雲心懶拓落當窗石性頑惟是采真秋興逸白蘋長夢雪谿灣

無題和王子新

葱菁玉樹宮槐陌婀娜纖腰楊柳枝多病心情寒食後小樓風雨落花時
陽臺永夜難爲夢洛浦微波可寄詞向許鑒儂心獨苦朝乘青鏡有垂絲

雲中樂

寒門楊柳未經霜錦帕貂裘馬上妝帶得相思出關去銀釵鎖上斷人腸
覓人日艸堂詩引曰升庵先生在江陽以畫象寄我白下揭于寓齋日夕
虔奉如在函丈嘉靖己未人日西域金子大輿東海何子良俊吳門文子
伯仁黃子姬水郭子第秣陵盛子時泰顧子應祥相約過余觴之齋中齋
南嚮先生象在壁間諸君不肯背之坐各東西席如侍側之禮比丘圓瀾
罌中冷泉見餉覓得陽羨貢茶一角烹泉爲供以宜甌注之焚沉水香於
龕作禮畢就坐各嘖嘖歎曰幸甚今日乃得覩升庵先生文子曰今日之
會奇矣予嘗作人日艸堂圖以寄先生予欣然拍掌因歌人日題詩寄艸
堂遙憐故人思故鄉之句作八圖敬諸君請各賦一篇并寄先生見吾輩
萬里馳仰之懷越二日文字圖告成文二日諸君詩次第成予乃爲之引
余按己未歲先生年七十二以是年六月卒于永昌則詩圖郵致之時先
生已不及見矣是舉也論交之真敬長之懇樂善之誠胥於此徵焉先輩
風流真可以寬鄙悖薄名不虛立士不虛附用修何以得此於諸賢哉亦
可以感矣傳之後世不獨爲藝苑之美譚也

黃姬水得遙字

一勺名泉手自調石筵香燼夜遙遙
半生寤寐虛雙鯉萬里容輝挹片緜
學海競誇天閣秘春心欲托帝巫招
芳樽潦倒郎官舍江芷臯蘭雨未消

郭第得鄉字

先朝金馬重文章三十餘年適葦鄉
共美史遷紬石室誰憐買傅老瀟湘
披圖月就金陵墮飛夢雲牽玉壘長
方外遊踪元不繫欲將瓢笠問江陽

盛時泰得題字

人日寒多雨意低冶城春色柳條齊
梅開東閣斜穿檻潮過西州亂入谿
天末丰神勞夢寐壁間丘壑有詩題
碧雲回首人千里巴水東流猿夜啼

金大輿得憐字

人日梅花自可憐折來誰爲寄西川
人行欲附銅魚使四海爭譚白雪篇
溷水山川增氣色錦江花柳隔風烟
何時一棹穿巴峽得就揚雄問太玄

朱曰藩寄升庵先生一首

空花落盡鷓鴣飛古甬臺邊春事稀
錦水繁華添麗藻禹山金碧有光輝
棘中僮隸傳書至煎土人家沽酒歸
笑挈一壺江浦去輕紅剛值荔枝肥

金山人卷

鑿字在衡隴西人隨父宦僑居建康遂家焉在秦時從天水胡世甫中丞
學制科業及來建康年已長家中落乃弃去習歌詩詩不保秦聲風流宛
轉得江左清華之致性俊朗好游任俠結交四方豪士往來淮揚兩湖所
至輒倒屣迎之洞解音律酒酣據几高吟長咏中節可聽四坐忘罷卒時
年九十有徙倚軒集嘗與盛仲交期於城南高翁家天寒且雪久之方至
主人問曰翁方有事娶婦胡能來此在衡大笑指杯酒曰事孰有大於此
者乎談笑移日始去其風尚如此何元朗曰南都自徐髯仙後惟金在衡
最爲知音善填詞朝調小曲極妙每誦一篇令人絕倒嘗取古詞辯其字
句清濁爲一書填詞者至今祖之

揚州感興

迢遞古揚州重來異昔遊春風吹酒幔日暮上歌樓夢覺翻疑雨愁多不
待秋翩翩征雁起依舊向沙頭

雨夜宿朱少府小樓感舊

故人復相聚已是十年過縱使爲歡處其如傷老何曉鐘寒報早春雨夜
聞多感慨高陽侶臨風發嘯歌

崇明寺答水雲禪師

野寺臨晴畫園花照暮春夕陽千樹繞芳艸一江隣有客來何處逢人寄
此身遠公能好事頭白更相親

泊淮上

愁輕游冶興老重別離情野戍寒更盡河橋春水生斷雲疎雁影殘月亂
鷄聲明發應千里蕭蕭過楚城

送吳七泉還歛

離家歲將暮歸路雨初晴水濶空江冷風高落葉輕錦囊領內史白璧報
雙成好試千金馬清霜白艸平

自京師抵家值除夕

又見一年盡初從萬里回青燈笑兒女白首戀尊罍故業琴書在餘寒鼓
角催翻然忘老去亦自喜春來

登滄州城

渤海高人去仙臺古跡存風沙吹不斷天地與同昏野水添新綠空烟集
暮村故園桑柘裏悵望一銷魂

柳堤

春江水正平，密樹聽啼鶯。十里籠晴苑，千條鎖晚營。雨香飛燕促，風暖落花輕。更欲勞攀折，年年遂自生。

至日

長至履微陽，江城百事荒。野天懸薄日，殘葉墮濃霜。失路故人絕，入門新酒香。醉歌還起舞，兒女笑成行。

獨夜

小窗成獨臥，落月滿殘更。雙眼苦難合，孤燈耿自明。林喧疎鳥夢，霜冷咽雞聲。白髮知多少，和愁夜夜生。

漂母祠

古渡臨祠廟，長淮接市門。旌旗搖白日，風雨鎖黃昏。貧賤求知已，榮華少故恩。湖邊逢牧豎，猶自說王孫。

通津驛

野泊初經夜，舟移獨避灘。風輕雲氣薄，月靜水光寒。且恨辭家久，休歌行路難。前途何必問，明日是長安。

出塞

躍馬走胡塵將軍不顧身黃沙一萬里赤幟五千人天子猶稱漢匈奴豈畏秦不知蘇屬國何日畫麒麟

石湖

東風載蘭漿二月下橫塘芳艸野湖碧落花春店香醉呼吳市酒老作楚人狂良會催遲暮青樓尚理妝

重遊徐太傅園

乍起日猶長重來暑漸藏雞鳴隔林屋人語出藩牆楊柳晚風靜芙蓉秋水香玉孫多樂事扶醉擁笙簧

憑虛閣酬秋屋方丈

古賦遙遞俯清溪高閣憑虛引御堤涼雨乍收千樹淨夕烟初起萬家迷空垂白髮悲前事重對青山憶舊題鶴自樂遊虛故苑碧桃飛盡艸萋萋

北河道中

叢臺北向涌燕谷曲渚西流繞薊門歸鳥亂啼原上樹夕陽多照木邊村因悲俗吏趨三輔曾有新詩寄陸渾歲歲別來春又暮幾回芳艸怨土孫

懷天

界理師

三年不見羣

龍公潦倒江湖鬢若蓬地遠每辭蹤跡異時違應念甲庚同

惜牽短夢南

山雨頻凝疎鐘北寺風何日重携老若士石牀秋鮮坐談空

淮上

送唐池嶼別駕赴部

與君南北漫

相期凋悵東風楚水涯萬里離家身是夢三年作郡口爲碑

重將直道干

明主肯負初心答故知芳艸接天春望迥一尊相對復何特

泊孟

城驛前仲輞莊

孟城驛口射

陽西水國風烟似五溪萬井落花春後發幾家垂柳雨中齊

時臨野店炊

晨黍漸入荒村報午雞見說輞川多勝事經過原許一相携

新安道中寄懷諸舊

故嶺重經楓

葉凋旅懷蕭索伴歸熊冰霜在道無千里肌骨侵寒已半消

石面亂雲隨

馬度樹頭殘雨逐人飄翻思前夜溪亭別窈窕清商酒一瓢

入春寄黃高園少府兼東許從

風流歌曲許

人傳群季皆稱謝惠連一笑相留如昨日幾時奉別又新年

黃鳥曉帶溪

頭雨白岳晴通隴上烟儼待揚州二三月翠紅香軟泛湖舡

牛首

先皇曾此駐龍旂，一夜空山擁六師。
春鳥尚思巡幸處，野花不似樂遊時。
遙聞寺外江聲落，倒見天邊塔影垂。
若問南朝昔年事，廢原荒井有殘碑。

秋興

天際浮雲入思深，物情生態看銷沉。
南朝臺榭多于昔，東晉風流不似今。
晉嶺夕陽明遠燒，隔江霜葉下高林。
西風蘭芷還堪把，擬向孤琴結短吟。

除夜客和陽僧舍

獨煨餘火向天涯，僧舍逢春有所思。
百里是家歸未得，半生如夢醒何時。
空堂坐久感年道，短角聲乾子夜遲。
遙想清燈對杯酒，小窗兒女憶還期。

廣陵留別吳虹山

北風江上雪時時，遠道逢君醉不辭。
臨別更留三夜話，聞知已是十年期。
斷雲落雁聲猶切，斜月疎窗影漸移。
久客不須傷歲暮，五湖歸思滿天涯。

春日金齋朱少府校書徐公子見訪未暇寄待聞別有佳約詩以答之

遠承華蓋及衙門，日午相攜到日昏。
白髮自應忘縣長，青袍誰復識王孫。
更因夜月留何處，忍對春風負此尊。
傳道城南吟佳麗，小詞翻出寄桃根。

除夕

還憶去年辭白下，却憐今夕在黃州。空江積雪添雙鬢，細雨疎燈共一樓。
世難久拚魚雁絕，家貧常爲稻粱謀。歸來故舊多凋喪，愁對東風感壯遊。

采菱曲

采菱秋水旁，驚起雙鷺鴦。獨自唱歌去，風吹荇帶長。

有懷

悵望隔江雲，春來不見君。歌聲與流水，俱在夢中聞。

銀河

月出影漸沒，夜深光倍明。鵲毛看又盡，填到幾時平。

聽胡琴

悲語發哀弦，聲聲道野仙。誰將胡地樂，留作漢人傳。

吳門

閩間城外花如烟，洞庭山下水連天。安得弄花緣水去，與君同上木蘭船。

感舊

北風吹雪暗江城，歲暮天涯共此情。試向尊前彈一曲，琵琶猶是別來聲。

竹枝詞

春雨春風花意狂，誰家溪上浣花娘。水流不管花心亂，花落能教水面香。

春城曲

雨餘芳艸遠萋萋，春煖游人信馬蹄。日暮西樓歸去晚，落花香裏路東西。

寄吳厚丘

黃金散作買花資，白首誰能戀故知。同作孟嘗門下客，西風吹鬢獨歸時。

宮詞

御水中流外不知，尚遺紅葉舊題詩。縱然不放輕流出，猶是君恩未了時。

何孔目良俊

良俊字元朗，華亭人。少而篤學，二十年不下樓，或挾策行游，忘墮坑岸。其專勤如此。與其弟良傳、字叔皮同學。叔皮舉進士，官南祠部郎。而元朗以歲貢入胄監，時宰知其各用，蔡九造例授南京翰林院孔目。元朗好談兵，以經世自負，浮湛冗長，鬱鬱不得志。每喟然歎曰：吾有清森閣在東海上，藏書四萬卷，名畫百籤，古法帖，曲琴數十種，弃此不居，而僕僕牛馬走不亦愚而可笑乎。居三年，遂移疾免歸海上。中倭留青溪者數年，復買宅居。

吳門年七十始歸雲間元朗風神朗徹所至處皆吳門妙解音律晚有聲伎躬自度曲分判合度秣陵金閨都會作酒之酒過從絲竹競奮人謂江左風流復見於今日也吳中以明經起家官詞林者文徵仲蔡九遠之後二十餘年而元朗繼之元朗清詞麗句未逮二公然文以修謹自勵蔡以溪刻見譏而元朗風流豪爽爲時人所歎羨二公殆弗如也元朗集累萬言皇甫子循爲叙又有何氏語林四友齋叢說行於世

與張玄湖夜飲醉歸用韻

總爲繁華住雋京尊前花朶照人清楊枝聞舞全無力桃葉傳歌慣有情
閱世堪悲唯逝水與人行樂是流勞莫辭酌歸來晚殘月依依下石城

次前韻

行樂難逢在晉京人生誰得俟河清卽教老去難忘酒白醪有可處難縱
使貧來不廢情粉黛連宵皆好月管絃逐日有嬌鶯天公乞與百年活肯
向西方覓化城

春日花前聽李節箏歌作張王屋黃質山每誇余以歌館之樂書

此貽之并要和篇戲呈紫岡兄

瘦鶴支離病客身黃鶯嬌小帝城春花前莫遣清尊歇頭上應添白髮新
縱飲已忘身外事當歌且惜眼中人秦淮花月如天上幾欲乘槎一問津

送潘亭鄉南還

吳門悵別動經年一度思君一黯然昔日歌鍾成逝水舊游池館蕩飛烟
春風白髮期同醉夜雨青燈憶共眠最是欲留留不住歸心相逐下平川
乙卯八月余觴客青溪之上坐有李節鳴筆賈山詠二絕句次其韻
虛館鳴笳秋正清停絃掩抑最關情當年愛殺桓司馬賞會由來是此聲
哀音裊裊出重幃羈客僊僊思欲飛絃滑酒香花正好不辭零露夜沾衣

盛雲浦集客文水張王屋獨不見召旬日後以文水原韻索和
書此嘲之

拙貽堂上題詩客盡日窮吟作麼聲聞殺青溪老居士冶城東畔不教行
研山中翰許歌者李生以名香久不見至書此戲之

新聲宛轉動梁塵歌罷誰云不斷魂一片好香消不得明珠十斛爲何人
聽李節彈箏和文水韻

汨汨寒泉瀉玉箏冷泠標格映清冰恐中爲鼓秋風曲不負移家住秣陵

教坊李節等歌何元朗品爲第一盛仲文有元朗曲上聽邪等語諸公皆和之金陵全盛時東橋每宴集必用教坊樂以等語也佐觴武宗南遊樂工頗仁隨駕至北京在教坊學得金元人雜劇詞何元朗家小集盡傳之老頓言此曲儼之五十年今供趙所習皆是時曲此等詞並無人間及不意垂老遇知音也

潛見四首 盛仲交原倡

酒清香蕩夜擲琴絃上涼生六月冰但許風流擅南館不教飛夢遶西陵

冷冷寒玉瀉秦箏片片清聲似斷冰一曲渾疑李憑在不知秋旅是金陵

張玄超

披帷月底理鳴箏哀調澄於鏡裏冰試使楚王聞一曲可憐應不數安陵

黃聖生

月照高樓彈玉箏冷冷飛峽瀉寒冰羈人一聽陽春曲不畏秋風客秣陵

白下春游曲七首

城市總居圓画裏江山鎮遠帝王宮秦人漫自誇韋曲越客何須說剡中

卽遣嬌歌和野禽更教紅袖拂青林自從謝傅東山後傳得風流直至今
融融暖日正曛人澹澹和風不動塵況是城南家又近爭教若個不尋春
撲翠蛾兒稱意勻杏紅衫子逐時新裝梳莫訝朝來別無奈桃花解妬人
萬片天桃迎笑靨千條弱柳鬪纖腰潘妃死後芳魂在散作城南一段嬌
雙眉如黛髮如雲背立踟躕避使君忽覺香風來陌上回身微動石榴裙
絳子成陰積漸多春光一去再來無明朝更欲城南去自掣金釵付酒胡

爾春答

燈下曾觀舞麗華小庭亦復沸箏琶近來此樂無人解獨有牛家與白家
白傅集有與牛奇章妓池上合樂之作

歌珠歷落本清圓更遣流泉亂拂絃好取使君留一顧故將謔曲唱當筵
簾同度直眞成陋牀類楊褒亦太寒不是窈娘容絕世何妨日日借人看
夏侯真性節儉有妓妾數十人無不被服姿容至常開簾添樂時呼簾爲
夏侯妓衣楊褒家其資然好音樂家畜聲妓數人歐陽公贈之詩有二
廊木牀坐調曲之句

附見皇甫子循來詩三首

承柘湖內翰見招獲聞聲妓之美醉後漫占三絕句

房中樂自舊京傳促柱輕調慢拂絃曲罷周郎那得顧但聞清響落燈前
清或作餘

紅粧喚出夜留歡翠袖因霑細雨寒爲謝喬家無惡客不妨敲舞借人看

二月鶯花樂事新更憐羅綺坐生春當杯入手休辭飲祇恐夫君怨美人

金陵弔古八首

漢季平分三國孫吳元占東方堪笑當時王濬與人閒管興亡
風物元推晉宋江山又屬齊梁今夜奕棋收局明朝傀儡排場
車兵絕多贅力黃奴全沒心肝可惜金昌致陪輪他醉死長安
夾坐酣飲仰客攀箋短歌麗人此事豈關貴勢只應拋與閒身
齊苑晨登紫閣宋宮夜逐羊車何似日斜散步一壺隨分誰家
周處臺前艸長莫愁湖上雲深不惜英雄代謝獨憐紅粉消沉
犢車返東田舍馬策扣西州門王導風流都盡竿曇慟哭寧論
卜望時無閒泰謝安日有絃歌同是芳名在世獨含瓦石如何

放言四首

長卿不羨滌器幼與偏喜投梭叔子自復佳耳安石終奈樂何
已拚千日千場寧辭一飲一石天子放我還家主人留臣送客
近午薰籠火煖凌晨紫酒霜寒雙手抱來羅帳幾人擁去雕鞍
欲貧千金買宅只將兩事相煩一須焦革鄰舍二要秦青對門

無題五首

雲儀冉冉朝日碧韻娟娟晚風幾重霧障遙隔一道星河暗通
髻上猩紅斜約眉間薄翠輕安不要衾中送款只消盞內留殘
奇有丹穴養就孤標湘水栽成坐上儂稱扣扣燈前我喚卿卿
四座歌喉繚繞三更醉眼摩挲元與儂凰接翼不央靈鵲填河
雕刻元輕揚馬揣摩却笑儀秦死要排成鸞燕生僧画入麒麟
二妹弄書來數問南京消息戲書答之

非是樂拋家業只因苦被時艱燒却雕簷千尺造成草閣三間誓去歌樓
打誦每來僧院偷閒依舊好風涼月只多紅袖青山

張經歷之象

之象字月麓別字玄起華亭人幼穎異博覽墳典以太學生游南都與何元朗黃淳甫諸人賦詩朱翰才情蘊藉深爲時賢所推久之入貴爲郎授浙江布政司經歷性故倜儻不能爲小吏俯仰遂投劾而歸閉門却掃橫經籍書紛披几案間客至不能布席貧不能買山作賣書買山詩所著詩賦外有詩苑繁英二百卷司馬書法一百卷

關山月

月照陰山外秋高瀚海邊全形方學鏡半影更疑弦久戍何時滿長征幾度圓望鄉千里思耿耿夢中懸

梅花落

玉樹飛花早金闈引恨長雪明難見影風急易聞香舞處飄羅袖歌邊繞画梁歲華憔悴盡魂夢憶遼陽

胡姬年十五

胡女倚芳年青春最可憐纖腰初學柳媚臉乍窺蓮留客貽龍鏡富壚拂鳳絃堪持對明月三五正嬋娟

謝臨川遊山

客行曠登覽，羈心展游陟。裹糧度瑤岑，振衣尋石室。源深洞屢迷，逕險岩
逾密。重林散輕霧，絕壁映初日。鳥鳴識節變，草綠知春及。天桃始發，淡綺
蘭漸盈澤。採藥遵靈丘，援蘿入幽谷。緬邈隱士居，想像仙人宅。朝窺鸞鶴
逝，夜聽猿猿泣。水鏡含清暉，松門帶暝色。近澗虹文丹，遠峰嵐氣黑。雲歸
影難留，泉飛響易急。觀竒道轉遠，探異情未畢。候月弄澄鮮，食霞羨高逸。
適已物自忘，達生賞無極。終然得所遣，儻值同懷客。

還山留別仲文作

相期意氣欲凌虛，旅舍春風厭索居。末路但存三寸舌，明時不用百家書。
昆丘窈窕思棲鶴，谷水清冷憶釣魚。日暮干將拋酒市，生平結客似專諸。

黃秀才姬水

姬水字淳父，長洲人。五岳山人省曾之子也。生而幼敏，山人出入必攜之。
俱有所占，屬笏令同賦。五岳拙于書，命淳父學書于祝京兆，遂傳其筆法。
性至孝，哭父母成疾。遂棄諸生，以楚服見達官長者，意自如也。嘉靖乙卯，
倭夷難作，爲避地計，將依聶尚書豹于廬陵，攜妻子過江而上。何孔目良
俊止之曰：子行是也，然見際而思，奚吾笑子之太早計也。遂僑棲金陵，踰

六年而後歸盡斥其田產以供婚嫁恒計衣食不能卒歲而所畜教養法帖名畫甚富一室之中斐几瑩潔筆研精良焚香晏坐所然忘老山人嘗輯高士傳因頌貧士以見志焉淳父自序其白下集云金陵高皇帝放都也夫羣毫者有商俊之願防鎬者懷周士之思而今已矣壯心不死素髮易生向人莫語御酒寡歡雲霞鬱思江山灑泣魏人行國假歌謠以宣憂楚空懷都託離騷以寫憤良有以也嗚呼昔英人有游楚者病且爲吳吟予悲予之遊楚而吳吟也淳父有白下高素二集託寓凄婉人以白下爲吳縣云

聽查八十彈琵琶歌

壽州鍾郎善琵琶國工欽手咸咨嗟阮朱絕藝那能續不惜千金傳一曲八十從師廬子城五年技盡六彈成抑揚按捺擅竒妙從此人稱第一聲今年客自郢門還瑤枝手把來離關江湖聞名二十載相逢兩鬢風塵斑據牀拂袖奮逸響叮商激羽高梁上聯綿曲折抽芳緒悽鏘塞劫生孤愴欲舒逸氣更促柱切切嘈嘈作人語炎天冽冽滿屋霜白日威威半窗雨雲停霧結池波搖木葉撼撼鳥翔舞迴颺驚電指下翻三峽倒注黃河奔

胡沙黯黯吹落月千山萬騎夜不發調本絃靴太苦酸相思馬上關隴寒
從來慷慨易成泣況復秦聲向客彈

過史孝廉水壺館

過爾林居僻雲霞一逕通形驅百年內心賞幾人同日晚花房合秋深燕
壘空物華開玩久不覺夕陽紅

沈嘉則過訪遲魏季貺不至

吳宮一艸堂蘿竹邇全荒呂駕遙相命稽琴靜以張雲移峯駐影花落樹
留香綠酒懷人處空除牛夕陽

郊居

卜築傍寒郊機心久已拋圃花蛾作繭門樹鶴爲巢但自能齊物何須著
解嘲竹窗僧去後明月滿蘆茅

訪文德承攝山耕寓

訪爾岩棲者迢迢披荔從閒扉挂層瀑危路隱千峰白首鷄裘客青山石
戶農浮生能幾日一別十年逢

賦得羅帳春風吹

羅帳香垂薄春風煖拂輕不能將斷夢番爲攪芳情鏡裏催花落衾邊喚月生妾軀還借爾晨發度遼城

新詞

彩翼雙翩玉芳春半及韶炎洲初化日丹穴欲摩霄柳外棲猶弱花間舞乍嬌昭陽一片影偏怯曉風飄

除夕與金子坤郭次父登冶城後集小寓

散步崇岡後明燈綠酒初那堪惜除歲又復感遺墟寒柝嚴城急春星短屋疎明朝問生計猶是一牀書

同顧仲常訪郭次父

門隱白雲鄉奇峰度石梁花深疑路絕鳥下覺原長門閉青山影溪流玉樹香知君不出戶來就管窺牀

送皇甫百泉兵憲流南

滇南萬里宦游人此地山川關自秦蜀帝猶啼杜宇血漢皇空祀碧雞神晴嵐霧濕常疑雨寒澗花開不待春君去宣威到夷落白狼檠木定來賓登三山宿聽江樓經落星崗李白換酒處二首

水窮山絕地偏幽古殿丹青闕一丘萬里奔瀟回片石千年斷岸壓孤舟
吳天艸綠春難盡楚澹烟深客易愁獨樹梅花空谷夜潮聲月巴宿江樓

空巖香閣叩棲禪坐見歸僦沒遠天鐘度寒潮鹽峽外帆移芳艸鷺洲前
春江半是巴山雪暮嶺全迷楚澤烟忽憶仙人換酒處飄零今古一悽然

金子坤姚元白陳子野盛仲交余伯祥招飲永寧寺與雲間何元
則山陰陳九臯新安王亮卿姑蘇吳子充同集得樓字

青郊歇馬拂吳鉤萍聚天涯共白頭久舍新豐唯命酒長謠故國一登樓
林殘半壑飛寒雨湖落空江急暮流世路風烟悲去住莫辭西日醉空篋
息園賞杏花得枝字

平津舊闕招賢館乘興來尋愜賞期南陌青旗離甲酒東風小苑斷腸枝
游絲日暖卽橫路舞燕泥香故掠池見說醉花宜及晝可能辜負艷陽時
息園賞芍藥得寒字

淺白深紅閉合歡絲絲香雨盡難乾直須一日三百盞無那東風十二欄
水上新傳錦字艷樓頭長怨玉簫寒可憐春色隨花盡留與還應帶月看

賦得長干柳

春烟娟娟雨濛濛染花階
地一夢中緘葉空憐半江水
殘絲猶怯五更風
禾豐園裏情無限蘇小門前路乍通
寄語飛花好棲泊莫教飄蕩恨西東

丙辰除夕

天涯滯客當窮紀綠酒燈前意不歡
中歲流年偏覺易後時行路轉教難
夢驚故國重雲遠影伴空山積雪寒
可歎雄心隨白髮向人羞作臥龍看

正月晦日集石隱園得筇字

水竹爲園池館清春光婉婉惜新晴
月逢朔莢今朝盡人是看花昨日醒
一望一迷著地柳半啼半澀出林鶯
追隨勝賞堪行樂把酒番多芳歲情

張太學載酒同劉侔御彭秀才石佛院看芍藥因懷龍灣徐太守

山繞吳宮舊館娃清江曲曲綠楊斜
偶移画鷁同杯酒不道空門有艷花
白日簾櫳堪羃霧夕陽欄檻更添霞
美人不見偏惆悵欲折瓊枝感歲華

中秋集定慧寺時自金陵暫歸

共喜中秋河漢明東林坐見月華生
青天不染金波冷古寺無人玉漏清
竹栢空階交藤影蛩蛩深巷雜砧聲
故鄉番作思家夢此夜長安兒女情

金陵寒食

禁烟時節若爲情
春艸芊芊春水生
不挽人行唯路柳
慣催花落是宮鶯
鞦韆影裏嬌嘶馬
醴酪香中白泛飴
風雨滿城愁旅鬢
怕言明日是清明

早春同彭孔加章道華袁魯望劉子威陪王元美兄弟集張伯起

怡曠軒得梅字

爲愛名園勝日來
華筵還喜接仙才
池邊挂柳偏宜月
雪後看花盡是梅
宿酒未醒仍縱飲
新詩頻就更教裁
總言今歲春逢閏
九十韶光祗易催

上巳日石湖王百穀席上送童山人子明

詞客來遊修禊辰
澄江十里綠楊津
喜尋勝景酬佳節
愁對青山送遠人
水上傳觴浮露氣
林間着屐藉花塵
吳臺越嶠同芳艸
無那明朝兩地春

寄張幼于吳山讀書

十載東林塵外踪
漁歌漁唱上方鍾
詩成盡染烟霞色
性定應同土木容
被飛常侍社中酒
捐與曾買路傍松
重谿迴壑猶嫌近
更入吳山第一峰

落梅

昨日看花花影重
重來惆悵幾枝空
隨萍半積芳池上
學絮全飄画閣東
秦隴迢迢悲夜月
沙宮憔悴怯春風
歸鴈莫恨獨零盡
留得隣家玉笛中

十三日集幼于齋中夜過叔載米盞館

繞道求仲還半仲不懼銜泥野逕前遇酒每從墟曲飲懷人卽是劉溪船
月沉花外春鐘動雪覆簷間夜燭燃良友蘭時合歡賞那能虛擲此芳年

金陵古意八首

小婦家住金陵步門前朝暮揚子潮采花莫采無根艸折柳須折最長條
青門柳枝藏暮鴉經過游子未還家挑葉渡頭可憐水胭脂井上斷腸花
吳姬整釧安釵梁共道采花豚米桑迷子洲邊鸞翡翠愁湖裏遠渡鴛鴦
聚寶城門平旦開傾都士女眺香臺夕陽官路游人散競折花枝挿萸回
杏子雨晴天氣寒追尋桃李畏花殘朱雀航頭南去路酒旆懸處是長干
金陵百斛蒲萄醲綠騎香車橫復縱昨日蔣祠歌舞散今朝梅廟又相逢
四照三英蕊蕊新綠絲歸底動香塵鎮日江頭看不足門前又喚賣花人
綺羅逐隊沸歌謳盡在東城南陌頭本爲春愁拾芳艸爭如芳艸又春愁

送汪太學遊江都四首

薔薇芍藥與茱萸無數芳菲傍酒盞惟有蕃釐仙觀裏一株玉蕊世間無
千里玉孫端未能風雲意氣每超騰年來羸馬遊遊處不是金陵卽廣陵

自古烟花佳麗地揚州只合少年遊春來客思元無賴莫上迷城揚帝樓
吳都隋苑盡蒿蓬莫向燕城弔故宮二十四橋沽酒夜一聲水調月明中

余伯祥席上送吳松三貢士下第歸嶺南

相思燕越已經春此日相逢啼鴉新世路銷魂惟有別君今況是泣珠人

昆陵道中

勞歌江上採江蘼一日愁添幾幾絲借問客心何處折渡頭燈火落帆時

秋夜

蟬歌還驚絡緯鳴秋風忽已動江城山窗寂寂無眠夜梧葉芭蕉聽雨聲

醉起

山中長日臥烟霞車馬無塵靜不諱石上酒醒天已暮一簾月色覆桐華

朝何生

洞房昨夜春風生燕子重來花又新帳裏猶思返魂術粧前仍作畫眉人

新紅

珊瑚挂鏡面雙眉羅綺嬌春不自持欲把花枝比顏色海棠含露半開時

爲余上舍悼亡

繡帳香銷寶鏡塵經過芳樹不成春蛾眉莫道爲枯骨猶作襄王夢裏人

贈歌者李節

絃上歌珠字字清乍歡還怨不勝情當筵醉殺新豐客十四樓中第一聲

柳

南陌香塵逐馬蹄東園桃李共成蹊春來樹樹花先發獨有垂楊葉早春

天妃宮看西域海棠

此花是永樂國中使鄭和手植

仙觀垂垂蔓野山海棠一樹大憎紅可憐亦是堪憐物不學葡萄入漢宮

虎丘別友人

惜別銜杯過虎丘行人無奈亂山愁澄江一別秋風裏楓葉蘆花是客舟

代賽玉寄沈太玄

去年今日花前別腸斷陽關一曲歌誰解相思情更苦思君淚比別君多

題董姬描像寄遠二首

山爲眉黛水爲裙十二峰頭一片雲寄與羅幃孤鳳影欲教無地不隨君

自憐眉黛未全殘說與行人淚暗彈君若比來思妾面函中猶勝夢中看

張太學獻翼

歎翼字幼于一名救年十六以詩贊於文待詔待詔語其徒陸子傳曰吾與子俱弗如也入贊爲國學生姜祭酒寶停車造門歸而與皇甫子循登黃姬水徐緯刻意爲歌詩於是三張之名獨幼于籍甚幼于好易十年中箋注凡三易傲頗氏家訓教戒子弟垂四萬言好游大人仰聲妓以通隱自擬築室石湖塢中祀何點兄弟以況焉晚年與王百穀爭名不能勝顏然自放與所厚善者張生孝資相與點簡放籍剽取古人越禮任誕之事排日分類傲而行之或紫衣挾伎或徒跣行乞遨遊於通邑大都兩人自爲儔侶或歌或哭幼于贈之詩曰中年分義深相見心莫逆還往不送迎抗手不相揖荷鍾隨吾行操弧並吞乞中路愧吾漿攜伎登吾席高里聲漸高種露歌甫畢子無我少雙我無君罕匹每念故人及亡妓輒爲位置酒向空酬酢孝資生日乞生祭於幼于孝資爲尸幼于率子弟哀哭哭上食設奠孝資坐而饗之翌日行卒哭禮設妓樂哭罷痛飲謂之哀自是率以爲常萬曆甲辰年七十餘攜妓居荒園中盜踰垣殺之幼于死之前三日遺書文文起以遺文爲屬及其被殺也人咸惡而諱之故其集自統綺諸編外皆不傳于世

春閨病起和黃得之先生作

佳氣抱房櫳年華自不窮山將眉合翠花傍鏡分紅曉色羅衣上春聲燕
壘中猶憐芳樹下無力倚東風

投贈兼咏蘇君梅沈元異

白門明月勝揚州十四樓中第一流眉學遠山餘黛色心將初柳結春愁
渡頭桃葉王孫艸巷口烏衣客子裘都市相逢多意氣與君同作五陵游
集孫指揮宅

入林欣把臂蕭散欲飛翻酒亦將軍令花仍處士村清香浮凹戟殘月上
營門無敵誇詩思長城在五言

有所思和黃吉甫

鸞卷七十自成雙翠袖紅顏映碧龍淮水有時邀玉笛秦樓無伴對銀缸
紫雲入夜長飛夢桃葉乘春欲渡江相望本無千里隔共看明月照寒窗
七夕同趙令燕賦

翠帳紅妝送客亭佳人眉黛遠山青試從天上看河漢今夜應無織女星

紀遊二首

銀河耿耿夜迢迢月滿關山旅雁高明日孤帆去何處秣陵秋色廣陵濤
萍聚長干興未窮勞勞亭外起寒風只今海內稱兄弟半在當筵氣槩中

杜鵑花漫興

花花葉葉正含芳麗景朝朝夜夜長何事江南春去盡子規聲裡駐年光

無題

燕子來時花又殘一宵明月兩情看春風吹遍王孫艸門外天涯去住難
劉會卿病中典衣買歌者因持絮酒就其喪所試之

昨日經過歡燕時滿堂歌舞金屈卮日日日斜舞長袖夜夜夜深歌接
今日歡情猶未足炙雞絮酒還來續何戲雖善歌唐衢亦善哭一生一死
復一杯武歌或泣還成曲座上多白雲門前總流水人琴歎俱亡風流渾
不死十千五千未滿杯二弦四弦已盈耳佳婿佳兒總帳前故人故讎帷
堂裡山陽笛伯牙琴至今千載爲知音平生尊酒若常在生死交情深不
深

再遇劉會卿喪所卜胡姬爲尸仍設雙僮爲侍命伶人奏琵琶而
樂之

昨日經過舊堂宿今日經過舊堂
哭交情今日盡凋殘艸堂自此成幽獨
追憶平生顏宛然在心目炙鷄絮酒去復來素車白馬情未足君不見古
人祭天亦有尸迎尸今日迎胡姬胡姬舊爲門下客曾問今宵是何夕今
日寓其神栖其魄笑語若平生歡宴未終畢坐上坐身外身此時際相
主賓存歿幾時分內地賓主何曾是兩人誰謂君不起音容忽憑几胡姬
代君飲胡姬代君語誰云君不知對酒若不辭誰言君不見肝腸在顏面
兩兩爲勞靈侍立何亭亭不知向秀思舊賦不爲庾信思舊銘中郎虎賁
意有託不知爲蝴蝶今爲螟蛉一杯酌先酒二杯獻吾友三杯且共酌停
雲在郊數前緩聲連後緩聲大垂手兼小垂手一彈遽沉吟再彈愴已深
三弄猶日可四奏傷知音君再生我未死相看半死生何處分悲喜一聲
雅露禱吳歛一唱陽關入蒿里思其入到其堂依然其處在誰謂其人仁
予嘗忤流俗君偏嗜昌歎今日胡姬爲主人朝雲朝露追我身不及黃泉
也相見長踏陸土如沉淪爲君歌爲君舞酒到劉伶墳上土嗚呼酒到劉
伶墳上土

燈夕同陸姬過胡姬并憶侯雙

君不見張敎名字在月中又不見乞歌鴉妓眼紅紅燈火未然月未出名
字不聞五百弓白月已來黑月去三五能供幾番醉心計對飲同三騶何
如買笑攜諸妓街頭巷口自爲歌博寒藏闔總成戲昔年殘臘逢春陽然
燈每夜客滿堂今夜朋來貧未足酒過墻頭食無肉南方謔笑北獻嘲賤
子犬馬輕于毛數點雖非九枝艷也知今夕爲元宵夜未火從吾好身衣
鴉手執翻酒因境多年隨情少或云布衣雄世鄭康成或云叩門乞食陶
淵明綠燭朱火青樓起一杯一杯情未已放意且留歡遣老堪忘死陸姬
立之監胡姬佐之史胡一抗吾吭陸二提吾耳憶昔侯姬嘗去來來時往
往相爾汝謂我非常人愛我無常語舉玩今宵少一人安得侯雙喚張敎

月下戲示兒姪

夜色上星辰秋來興有神好書仍誠子盜酒亦娛親月作誰家客風爲我
輩人承歡在庭下倍覺露華新

張廉水乞予生祭奇其意而成詠

祭是生前設魂非死後招池臺總長夜薤露豈崇朝入夢驚離合迎神訝
動播嗒然如隔世雲日坐相邀

吳山人摺

擴字子充崑山人以布衣遊縉紳間玄冠白帽吐音如鐘對客多自言遊覽武夷匡廬台宮諸勝地朗誦其詩歌聽之者如在目中故多樂與之遊入都門游邊塞歷太行群山初夏抵滄陽始見桃花以爲奇事某齒遠涉累糧備躡嶺嶠風沙中日行百里如壯夫金陵盛仲交訂其詩集行世本朝布衣以詩名者多封已自好不輕出游人間其挾詩卷攜竿牘遊游縉紳如晚宋所謂山人者嘉靖間自子充始在北方則謝茂秦鄭若庸此後接跡如市人矣嘉靖中子充避倭亂居金陵愛秦淮一帶水造長吟閣居之嘗元日賦詩奉懷分宜相公人戲之曰開歲第一日懷中朝第一官便吟到臘月三十日豈能及我輩乎金陵人至今傳以爲笑云

桐江夜泊

繫舟人語靜纖月映江波木葉秋交下山烟晚更多隔雲孤磬香照水一螢過漁子閒相狎中宵發浩歌

同白平溪宿古竺

天竺古名林幽期晚共尋澗陰藏宿雨松籟答鳴琴曲笈分泉細荒除落

葉深中宵無一語念覺契禪心

懷伯兄

老至無家別飄零何處邊音書常不定生死竟誰傳朔雁傷秋思陰蟲擾
夜眠空庭孤月下顧影一潸然

同華許諸君橫塘舟中漫興

四月溪深花氣微遠烟明滅閃晴暉柳條蘸水碧於染麥穗連雲黃不稀
雙燕掠波分回槳片霞生雨灑春衣同舟況是高陽侶汗漫三江未擬歸

贈水簾周道人

洞鎖千峰紫氣蒸峭崖珠瀑亂游騰道人結屋雲深處自搗茶油供佛燈

謝布政少南

少南字應午嘉靖壬辰進士以郎署選入爲春坊司直降台州府推官遷
河南參議陝西提學副使終基省布政應午少負時名好談兵王槐野序
其集謂謝君以翰林出外七八年而歲忘益甚因兵事得進者數十人而
謝君不與讀其募兵行慨然壯懷斯其故難言之矣嘉靖間士大夫多諂
武事思請纓自效亦多阨於當路不得用在翰林則槐野少南其人也

募兵行六首

聖書五道發甘泉，技倆兼收作絃。募府未據平虜策，縣官先辦犒兵錢。
猿臂虬鬚不解文，生來比劍濁河濱。讐家莫記從前事，今日朝廷靖虜軍。
金勒雕鞍馭裏才，何須論價買龍媒。總拚樂土千人產，躡踏沙場萬里開。
飛鞚塵中問酒家，帽簷猶戴射場花。絃爭今夕墟頭醉，明日橫戈度磧沙。
殊才奇技互爭誇，盡道玄樞自一家。神定座中占遁甲，機成空裏颺鸞車。
醜酒椎牛出度支，繡袍錯甲好男兒。書生握算休辭費，盡掃穹廡君始知。

府江雜詩六首

蠻烟不雨似雲濃，白日陰陰慘澹中。炎氣薰人冬亦煖，不知何地候春風。
石灘激浪殷成雷，輕舸飄飄曲折開。水樓澀舍橫矛立，山洞搖人負弩回。
冬炎卉木未蕭條，暫倚蓬窗旅況銷。樹架綠垂君子蔓，崖林紅破美人蕉。
水落荒洲近客船，彎環苦竹劇鉤連。風霜不到崖前木，窟穴多岐有歲年。
監口分弓號擺難，領班人戴白鵬冠。莫言南徼無冰雪，映日戈明水帳寒。
落日官軍舉號齊，珞戈画盾障山蹊。不嫌銅斗通宵擊，却厭斑鷄半嶺啼。

陳參議鳳

鳳字羽伯金陵人嘉靖乙未進士官至陝西叅議與許仲貽謝與槐齊名
同時無錫有陝山人鳳亦字羽伯王元美詩評所謂陳羽伯如東市倡蕙
青樓價微俸粉澤強工顰笑者此陳鳳也嘉靖中顧華玉以湖艦家居倡
詩學于青溪之上羽伯及謝應午許仲貽金子有金子坤以少俊從游相
與講藝談詩金陵之文學自是蔚然可觀皆華玉導其前路也

秋日登雨花臺

落葉山中寺秋風江上臺鳳城雙闕迎牛渚片帆來繁吹暮仍急清樽醉
復開東籬菊尚晚留取盡餘杯

雨中酌諸君見過

又雨空堂靜高人載酒過布袍同濩落長缺任悲歌水氣浮高柳秋容入
敗荷明朝是九日無菊欲如何

戴文進溪山春雨圖

林間雀聲急知有少女風溪雲挾雨至倏忽滿春空霏霏濕盡山橋路行
人衝雨行喚渡沾泥涉險亦何爲興來疑向若耶去山環水遶路不分絕
暹乃有逃名人貪看秀色卷簾坐不覺嵐氣侵衣巾林花落地半隨水流

向前溪猶未已新水繞添勢正雄
容舟多繫垂楊裏意匠經營何太奇
空室素壁迥合姿恍然對此翻自訝
如在山村看雨時

藕花居

十里蓮花過眼新水風猶自起
香塵明年還約看花侶來喚湖邊雪藕人

許尚質跋

穀字仲貽上元人嘉靖乙未會元戶部主事改吏部文選郎中陞南京太常寺少卿大計謫兩浙運副起爲江西提學僉事南京尚寶司卿以人言罷歸仲貽負時名盛年岩居三十年不通一字于政府縉紳至南都造門求見不一報謝曰此鄉前輩里居之法不敢變也日以賦詠自娛所得賣文錢投竹筒中客至探取之沽酒酣暢窮日月不倦年八十有三自爲行述甫三日無疾而逝仲貽爲顧華玉高第弟子風流儒雅以耆宿主盟詞壇蓋先後相望云

星

麗天疑有質連貝各呈輝森布標分野
群來捧太微宵占賢士聚曉覺故人稀
獨竚旄頭落天山奏凱歸

過德州

樓船御北風，渺渚過齊東。種珠生涯薄，沫茅結構同。日沉平野上，人語近

郵中。水面看牛斗，星槎似可通。

送湯世登

萬里攜家上海船，到時黎庶拜車前。驚濤層霧圍官舍，缺樹瓊花照酒筵。

駿歲土人占帥節，抹珠波客候龍眠。遙知問俗經過地，停旆常投飲馬錢。

集沈大理次韻

青髯仙人列九卿，錦觴邀客對春城。筵前香篆將花氣，院外松風雜鳥聲。

山帶鍾陵蒼露合，池分玄武綠波平。追歡近夜飄疎雨，歸路垂鞭信馬行。

贈河翰林致仕居金陵次文太史韻

金馬來時動錦衣，銀魚焚後別西清。才人豈厭承明地，高士原多谷口情。

買得曲池堪踞鴨，種成芳樹好藏鸞。秦淮亦是機雲宅，鄉夢休過白苧城。

初夏偶成次薛孝功韻

少日彈冠非肯為，老來學圃似樊遲。平生愛我無如酒，凡事輸人不但棋。

一畝舊臨佳麗地，四言新和考槃詩。炎風朔雪年年轉，裹褐無心總不知。

雜興次羅詩善韻四首

住世誰看石化牛寄生真夢蝶爲周因游淮水留孤艇爲看鍾山結小樓
舊嶺堆牀魚亂走新鷗入盞蟻先浮杜陵白識吟詩趣苦思何緣老未休
谷口無勞慕子真白門我亦種瓜人肯因好客常賒酒老爲祈年每寒神
僞喜焚陰能術足翻嗟象齒竟焚身秋禾夏麥謀生好旅歲欣嘗兩度新
爲謝山靈莫獻嘲年來泉石許論交開軒不剪荆蕪艸上樹能窺鳥鷓鴣
竹塢有風門不閉茶鐺無火石頻敲閑中亦有關心處藥爨書籤兩未拋
靜裏渾將歲月忘澄神端坐竹方牀濟時已負廷三策算老俄驚杖一鄉
寸管窺天形太狹北轍之越路空長玄談綺語知無補不及潛心道德章

贈內

結褵獨記少年時轉眼相看白髮齊老去真成鹿門侶醉來曾笑太常妻
蒸菽紙局閑煩画艇泛魚波晚共攜却怪燈前詢割肉不知名姓隔金閨

許陸

壁字彥明毅之父也意與閒遠於吳門善文徵仲蔡九遠於金陵善顧東
橋陳石亭王南原好法書名画登臨觴詠所至有作毅刻共遺詩二卷石

亭養其面像曰軒曰嘉會人無泥求居曰惟適身無過求室曰貽穀後無
餘求即居室以觀許子之面目則可以類求矣

晚泊毗陵有懷張文洲

迢遞毗陵道，臨流石閣重。西風疎雁陣，斜日變山容。樹隱前村火，風傳遠
寺鐘。遙思張子野，杯酒正從容。

張舜卿園亭

綠陰深巷寂無譁，小結茅亭玩物華。花散餘香來客座，竹分新翠過隣家。
錦袍垂手閑調鶴，烏帽籠頭自煮茶。況值承平常偃武，不妨詩酒作生涯。

送梅

爛熳南枝與北枝，殘香落落影離離。多情明月還相照，無賴狂風且莫吹。
縱飲不辭今日醉，算開猶是隔年期。枝憐今夜黃昏後，寂寞微吟倚樹時。

附文衡山刻竹詩

金陵城北嘉善寺有奇石最幽重陽日文衡山許攝泉同游文題詩竹
上云云後書丁亥九月九日徵明同子嘉彥同子穀來休承即刻詩大
竹上好事者取詩竹製筆筒今尚在王卅丘家

蕭蕭落木帶江干，翦翦幽花過雨斑。豈意旅游逢九月，共來把酒看三山。

黃連判甲

甲字首卿，南京衛人。嘉靖庚戌進士，岸然以文章自負，與七子同時而不相附麗。有自賞文集詩高自位置，時人莫之許也。嘗自叙其集曰：皮相之士不足與求，人才夜羅之人不足與論。國是偽鳳悅楚，真龍驚葉，蓋自昔負靈莖之難焉。其寄寓如此，爲人傲兀，使氣官吏部，驗封左宦，鹽運迄以不振，有鳳巖集若干卷。

對酒

齊瑟未工楚玉奚辨，千仞蒙燉一枝規。晏箕畢各膺鵲，蚌交忠枕邊蝴蝶。隙中鵬鷄，南陽結廬西蜀，焚棧感茲醞，酬殉我瞻弁。此乾此坤，此丘此壠，何慮何營，何真何質，化鑿爲天，擊唾成幻。

長門怨

翠華恩歇玉生塵，十二瓊樓空復春。却爲看花解去，惟悴祇應秋葉是前身。

與客

東日桃花場煩君幸一過人嫌開宴晚花喜入茵多雨過應雷坐閒來好
漫過春風渾不惜吹盡欲如何

與董生對牡丹酌

春色醜如許名花故自繁春來翻更懶花發與誰言汝過苔應破庭空竹
尚存一盞聊復醉從此坐貌閑

夏日山齋

雨添春水漫溪上鯁魚肥月出僧因過船歸鵲正飛

出郭

出郭理蠶田幽居此最先鶯啼江樹杪月抱野亭偏社肉分隣叟固丁了
稅錢兒歡裏臘蟻客過並溪船

不寐二首

落月滿江城乾坤此夜情檐楹河漢色蒼蘚轆轤聲夢斷嗟難續年催思
轉縈想因魔盡退醒眼畢吾生

雨歇夜初霽鷓飛星正疎乾坤燈下影魂魄枕邊書隔水分更漏前身想
木魚寒岑天欲曙頭白不堪梳

十六夜祖董生北行

江南今夕月清光猶似昨君行背雁飛明日堪誰酌孤情月正中照汝顏
如削應君霜樹年歸風遠槿薄

靜海寺與觀願夜坐

落木亂山鎖江樓雪夜船山川千里外風雨一燈前白髮翻岐路清尊共
昔年浮生窺妄盡今夕故依然

胡參議汝嘉

汝嘉字懋謙南京人嘉靖乙丑進士在翰林以言事忤政府出爲藩參文
彩風流不拘常律所著小說數種皆奇諧所著女俠韋十一娘傳記程德
瑜云云託以詭當事者今皆不傳于世有沁南集西亭中尉爲之序

子夜四時歌五首

黃鳥鳴深林往來疾於綠非無機杼聲其奈不成匹春
湘筠織成箔瞥眼便相親漫將心附郎別有簾外人夏
蠨蛸網朱戶露葉藏暗螢與君幾日別忽地秋風生秋
起來不梳頭冒冷弄冰雪儂手原不寒郎心爲誰熱冬

月照庭上雪燦若玉玲瓏風吹雪如絮飛入錦屏中

白紵春辭

小窗窗畔月輪斜銅博山前散紫霞冥冥不知春夜促醉憑紅奩看海花

金輿人大車

大車字子有其先西域默伽國人也太祖時以歸義授鴻臚卿賜姓啟字遂爲金陵人父賢舉進士以給事中出知延平長於春秋著紀思若干卷顧華玉爲之傳子有弱齡爲京師諸名輩賞異嘉靖乙酉舉于鄉下第請借陳羽伯許仲貽及弟子坤從游於顧華玉華玉慎許可極愛重子有嬰上南宮不第從其婦于廣陵以旅病卒子有詩法襲陽隨州每搦筆執卷頃刻立就嘗賦詩有不堪掃落逢秋日况復蹉跎入暮年之句陳羽伯怪其壯歲出語不祥死時年四十四無子羽伯與子坤掇拾遺詩定次爲百篇

歸途雜詩二首

我昔游齊東數醉村家酒今日經故途訪之寂無有惆悵慙空林偶值蒼顏叟爲言遭歲凶饑寒苦奔走布褐不掩形藜藿不充口溝壑半流離士

室空八九我聞涕沾裳佇立不能久寄謝當塗人此意還知否

弱冠埋玄訓文苑思馳聲奔走二十年饑寒苦躬耕苟祿非所甘忝我遺世情王充論潛夫子雲著玄經昔賢獲我心所務身後名勗哉事鉛槧姑以畢餘生

漂母祠

子孫去不返淮水亦東流宿艸封遺塚行人說故侯荒祠黃葉暗寒渚白蘋秋一飯猶懷德空悲雲夢游

祝禧寺訪馬承道

地僻秋堂靜琴書此盍簪短檠禪榻暗微雨梵鐘沉絡緯鳴莎徑松杉繞石林擁衾不能寐山氣夜蕭森

道中贈同行許仲貽

扁舟歸舊隱客路幾登樓以我十年長同君千里游愁顏對明燭永夜聽奔流勿剪凌空翼君知黃鶴否

游能仁寺

落葉迷幽徑垂藤鎖斷垣溪深晴浴鵝樹老晝啼猿海氣庭前障天花雨

外翻坐來清梵永盡日不聞喧

游楷上人山亭

病起身猶健登臨興不孤石泉當戶瀉山鳥入雲呼敗葉秋皆墮寒烟晚
欲無此中堪閉戶還儼著潛夫

陪徐子仁宿瑯上人房

平野千林雨衰年七尺藤獨衝青嶂暑來訪白頭僧蔓草荒禪榻虛堂耿
佛鐙勿嫌山館寂長嘯對孫登

幽居

依依人境外朗跡散幽情放棹晚潮至開門春艸生青旌溪上浴黃犢雨
中耕長日江村靜惟聞伐木聲

經廢寺有作

金身隨雨臥紺戶藉風開聽法龍辭樹翻經石掩苔藤花簷際罨木甍洞
中來澗道千年愉山僧手自栽

南隣

白髮南隣叟藏身水石間長辭五馬貴獨對萬峰閒甌粟貧長乏山松醉

亦攀時時邀我坐明月踏歌還

虎洞

靈山通上界靡馬涉遙岑天淨峰如掌風悲虎出林空岩春書冷石洞夜
壇陰漸信真如性選同出世心

送江汝玉守思南

謫宦從吾道高名世所傳陰山藏癘鬼瘴水發蠻烟十口天邊寄孤帆海
上懸中原萬餘里後會是何年

山中東高近思

閉戶南山下因君憶往年狂歌瑤殿月醉語石堂烟白鷺洲前笛青溪渡
口船清遊亦中絕出處若蒼天

遊能仁寺

驅車南國破朝烟醉掃蒼苔石上眠九月霜清猿嘯苦諸天風靜磬聲傳
不堪播落逢秋日况復蹉跎入暮年問水尋山聊爾擬將窮達任皇天

寺中答高近思

曾向長干寺裏來高情逸興愧君才夜壇得句驚山鬼秋壁穿雲破徑苔

明月聽簫緜氏嶺芳春對雨越王臺重來往事如流水笑指山桃五度開

雨花臺觀月

高臺上與碧雲齊坐看水輪出海西吳苑參差雙闕迥楚天高閣萬峰低
燈懸村落昏初見帆出江烟遠欲迷疑向廣寒歸路晚滿身風露夜凄凄

山中對雨

高樹長風攪夜深江雲挾雨結層陰龍吟毒霧天俱障水長重灘石半沉
乳燕將雛衝黑霧行人驅馬出青林自將鼓瑟消貧病豈怨山中十日霖

贈蔡內翰九達

清朝散吏鬢毛斑江左詞人數往還綵筆調高追漢代玉堂官冷壓仙班
醉攀春柳晴看月臥放晨衙早閉關他日思君尋舊隱荷衣衝雨洞庭山

金秀才大輿

大輿字子坤大車之弟同學於顧華玉才行高秀並著名字拓落爲儒不
獲占一第雅不事生產貧日益甚蓬室汗下脫粟不厭而處之泊如南都
貴人多訪之避去不答少所與游者雖貴猶燬下之黃淳父謂其不以壯
暮而廢吟不以泰約而輟詠所得于詩者深矣其沒也友人郭第賣所藏

古鼎刻其詩行世

與文源朱二過深陽道上二首

侵星發徂輔悠悠卽長路
家人前致詞問我將焉赴
躬耕苦旱乾何以資
朝暮衣食事奔走晨寒犯霜露
楓林號夜烏宿艸棲寒兔
輕烟動虛里崩沙依淺渡
悽悽浮客心黯黯長天霧
道遙思孔桴濩落嗟莊瓠
去去返蓬蒿脫粟安所素

路岐苦奔峭村舍多蕭索
遠水明石渠踈雨散林薄
唧唧棲鳥喧澹澹油雲輕
飄陽卽主人野飯開山酌
窮途賴所歡言笑解寂寞
丈夫江海心何事勢羈縛
強掉息遠遊長歌耕負郭

移居

素心厭羈雜移居入窮巷
本無卜宅心所貴寡輪鞅
艸虫鳴樹根秋花旅壻上
三徑竹陰多一尊時獨賞
荆扉白日掩事罕絕塵想
不見古臺樹今來唯艸莽
願言謝天伐窮信逃世網

塘中亭子初成

抱僻愛丘壑緣厓築幽居
雖無墁堊工清曠情可舒
陶子樂容膝諸公甘

艸廬達人貴適意豈必輪奐俱山桃發當戶呀柳垂前除青柯集鳴鳥碧
水浮游魚禾黍被阡陌鷗鷺戲菰蒲高天豁朗霽和風飄輕裾朋徒時枉
臨命僕具園蔬一觴自斟酌清言常晏如悟彼蟋蟀詠逍遙百慮祛

中秋夜中秋堂對月

金素動四野佳氣集林塘中天圓景來冉冉揚清光芳池含微波流螢耀
中堂良親侈高會促席飛華觴楚舞振鼙鼓吳飲定空桑絲竹間哀響雲
霞乍低昂人生宇宙中歡譙不可常名園秀且麗秋夜清且長醉歌淹永
公清光未遽央

江上送陳元甫還江西

送君江上路心逐斷雲飛野飯投孤館寒霜照客衣衝黃蕒下潮帶白
蘋歸故國方兵火山中畫地無

幽居五首

籬落豆花滿堦除蒼蘚多似雲翻早雁輕雨滴寒莎負手看青竹牽衣愛
綠蘿蕭條揚子宅獨酌有且以歌

身世憑誰問行藏祇自知一尊方獨酌四韻忽成詩緒風翻去葉零露泣

疎枝人世從岐路誰堪咏五噫

老去成疎懶詩書性獨偏閑得揚子賦細讀馬蹄篇綠水偶垂釣青山忽

在前不愁金錯幣時有賣文錢

仄徑叢殘艸頽垣倚細花青鞋尋社遠是帽任風斜院靜添秋色窗虛駐

晚霞荷葉翻豆圃把酒問漁家

涼風歌蟋蟀秋日賦閒居酌醴愁心游談空俗累虛果懸隨身家許龍命

兒書何必顏淵氏當年獨晏如

秋日同金在衙過天界寺

老去猷紛華來尋靜者家午香飄石甬中飯出胡麻古樹秋生耳疎枝晚

綴花蒲團對支許終日共跌跏

沂水道中過教寺

村落藏孤寺疎松一徑幽經年無客到終日有寒流青壁野初照黃沙擁

斷丘平生江海性下馬一登樓

登青州城樓

麗譙滄海畔南客一登臨四野平沙合孤城遠樹深古墜無積水飛閣有

樓倚日落山風急悽悽傷遠心

廣福寺

四面松杉合中林一逕開僧房依亂石回壁峭深首風捲堆沙入雲移海
氣來瀟條空谷裡松栢秋生哀

雨後閒蟬

一雨生涼思影人感歲華蟬聲初到樹客夢不離家海北人情異江南去
路賒故園兒女在夜夜卜燈花

秋日與徐比部宿棲霞寺雲谷僧房

仙郎乞假白雲司雙向東林問遠師不徑重喧秋露後空堂人語夜燈時
天花不着山中樹細水爭流石上池灰劫莫教傷往事且看明月倒金甌

客舍病中懷康裕卿兼寄頌氏兄弟

越客僑居建業城白門花月幾同行別來窮海青春收望入長天莫謂生
離恨白鷺隨積州鄉心翻狀聽流鶯虎頭兄弟追歡日應念文園病馬卿

白下春游曲七首

江南春暖杏花多拾翠尋芳逐隊遊滿地綠陰鋪徑轉臨枝黃鳥近人歌

鳳凰臺上呼如烟，兩兩紅妝嬌可憐。
笑折桃花翻彩袖，醉染楊柳落金鈿。
白馬金鞍游冶郎，醉攜紅袖上梅岡。
銀鈿金雁春風裏，指點江山坐夕陽。
雙飛直欲憑青莎，返隊流魚泛碧波。
共買杏花村裏酒，來聽桃葉渡頭歌。
長干寺前花不稀，淡紅深白映山扉。
樓頭載酒看花坐，堤上行吟踏月歸。
何處佳人婀娜裝，青山初日照流黃。
輕羅半掩金跳脫，春寺燒香繞画廊。
臺城東望樹蒼蒼，玄武湖春碧水長。
晴雪亂翻驅蚊蝶，錦雲如砌宿鴛鴦。

郭山人第

第字次甫，長洲人。隱于焦山，有向平五岳之願。自號五游圖，其石曰玉臺。
執蓋，郎後嘉靖戊午，賢應朱子，介爲南主客。建康顧孝常在太常，何元朗
方去翰林，姑蘇文德承黃淳甫避寇，客留都。次甫至自泰山，與金子坤及
孝常諸弟爲文酒之會，篇篇傳播海內，以爲美談。次年次甫別去，登嵩山
返于岱，至海上訪異人于勞山，循海而返。五岳游其二，述不復出。信元朗
稱其江月不可留，山雲坐相失。及嬌英被銀牀，威鞋弄澄澈之句，以爲駿
駿窺盛唐之室。又有詩云：世外風光君見否，嶺雲東去是蓬萊。孫齊之愛
其神采，每爲人誦之。

錢塘雨泊

一片迎潮雨錢塘泊岫逢烟明六和塔雲暗兩高峰茶熟蓬窗火香殘野
寺鐘湖頭得游路濕草思高松

出揚子橋喜見江南山色

小艇淮南道經過無限情可憐揚子渡不見海潮生木斷瓜州驛江連北
固城漲沙三十里樹杪亂山橫

喜吳翁升見尋遂移就松下榻

獨有高松下偏宜日暮時野烟空翠合絲雨半簾垂下榻元無住逢君似
有期不因成勝賞何以慰遐思

立秋日憶陳從訓將至燕都

黃鳥忽飛過窅然思故人不知千里外若箇酒杯頻客路燕山晚河橋御
水濱焦山凝望處梧葉下秋旻

詠井底花影贈李太常

素繩夜不垂寒波曉合滌嬌英被銀牀旋旋弄澄澈對月還對鏡堪賞那
堪折細讀太常詩冷然坐冰雪

宿象山下劉權家簡淵上人

我嘗象山下，辟門潮一潄。爲尋焦隱君，太山今又還。田家恐漂麥，擾擾趨
。門白髮一老翁，倚樹遙相扳。把臂一問之，頗覺開心顏。呼兒摘韭花，攜
筐弄澗澗。澗粉蝶不妨，雨亂飛。雙鬟土壁積，簷溜苔蘚成。斑斑濁酒無，慟
醺滿飲歌南山。心將平等觀，身已離塵寰。忽懷古祠下，老僧應閉關。明日
渡江去，愁雲相對閒。

盛貢士時泰

時泰字仲交，南京人。以諸生久次貢于廷，卒業成均，年五十而卒。仲交才
氣橫溢，每有撰述，紙筆伸紙滾滾不休，紙盡則已。善畫水墨竹石，居近西
冶城，家有小軒，文徵仲題曰蒼潤。以仲交画法倪迂、沈啟南有筆蹤，要是
存蒼潤画法，還應入有無之句也。耽謹歷落，不問家人生產，卜築於大城
山中，又愛方山，祈澤之勝，咸有結構杖策，踰欣然獨往。家人莫能跡也。
嘗爲子娶婦，其婦戒勿他往，則暮友人邀往城南古寺，問數日乃歸。婦慚
而告之，乾笑而已。張肖甫開御史，盛子句容，仲交大醉，搥鼓於戟門，肖
甫曰：安得有此狂生，必盛仲交也。邀入痛飲，達旦而別。萬曆改元，以陪貢

試吳下肖甫曰子過姑蘇必謁王元美仲交遂携所著兩都賦謁元美于小祇園元美贈之詩曰送令陸平原不敢賦三都又和元美擬古七十章三日而畢元美殊氣奪也仲交有子敏耕字伯年博聞強記工小令爲諸生不得志縱酒博以死伯年山居詩云花發臨危岍鶯啼過遠林肖征云水嶼螢光亂風秋雁語清又云術晚催蜂去巢危促燕飛贈張羽王云潮聲遠屋初消雪梅蕊知春競灰晴游三台洞云石扉藤蔓迷樵路流水挑花引客來送大安和尚歸廬山云送客溪頭防虎嘯逃禪樹底借枝封詩名軒居集其句法清婉不媿仲交也

擬古詩七十首 每一十三首

萬曆改元予因陪貢寓婁水於俞仲蔚邂逅顧按察投詩爲贈婉變綢繆不我遐棄離筵旣陳貽以王鳳洲先生擬古詩披省慨然因次其韻三日而畢

陳思王植贈友

往祚頽已久大業緬方新仰視聖皇德承胤爲我親暇日荷休明高館第泉質中厨列庖饌水陸備鮮腍涼風起天末皓月照秋旻感此四海士無

言越與秦共生盛明世矯矯如鳳麟芳茵吐華燭氣蒸爲烟雲酒行不停
觴循轉猶車輪揮毫賦詩篇影落響必臻況此鄆河水同爲藩翰臣忝承
宗社寄金珪積我身管絃娛耳目佳入世所珍常恐遠志促有懷不及伸
願同慷慨士居處得依仁庶以展節義歲晏奉殷勤

應文學場侍集

華堂秉列炬光景中夜全忻此良讌集侍坐俱忘還自慚鉛槧徒得以廁
芳筵四座盡妙士醉後唱高言揮毫不停飛侍女出邯鄲年齒二八餘挑
李爲面顏促膝進首酒雕楹奏鶉絃一飲盡百卮不惜年歲捐豈不念窮
困所托在芝蘭馨香入懷袖永矢頌弗刊

張黃門協苦雨

淒淒三秋時寒風夜及朝霖雨天中求濕我旌與檐我本從征士道路走
已交飄飄如飛燕不得歸故巢腹餓衣又薄海隅久飄飄盛年不可再壯
志目已消逆旅逢主人四壁多蟪蛄自我于役來愁多懼彌劬況此觀穫
時中心感田苗漂泊不可捨棄此東作勞雙淚落已盡私意猶自膠哀哀
發短詠聊以奏長謠居人如見和絲竹奚相嘲

郭弘農璞遊僊

曾讀海岳傳天地以爲家豈羨人世榮倏忽如薜華三島多奇峰金銀生異花不飲亦不食但思餐雲霞雲霞結綵繡文螭爲輕車佐佑有玉女婉孌成姻婭下視東陵生空種青門瓜終身辭一侯不解爲丹砂丹砂信可學仙路原非遐

支道人道讚佛

震且直熙陽首夏時清和緬懷驚嶺地茲夕降奢摩明星一悟法慈悲週九阿燃花陟寶座花影何婀娜阿難笑傳意外道生障塵豈期一莖艸可爲千丈柯歷劫已無數未來今已過嗟予稟夙德幸得渡慈波巍巍鷄足山衆寶何嗟峨一自法鼓息昏夜徒吹螺禪解旣已解支離何衆多空有盜觀理不聆帝子歌遂使閻閻人終日疲婆娑眞性了無取千載如一俄顛倒識浪中仡仡復蹉蹉哀哉此衆生忍聞修多羅渡海必以筏無筏難涉河渡竟還自渡由旬與刹那寄言後世士諷誦無怠此

梁簡文綱圍懷

羅衣空自燠舟航不慙愁情知流水長自恃剪刀利將刀欲剖水如花還

引蒂歌
自父雙
儂情無難
易朝旭
杲杲夜漏
復丁丁
妃子懷
湘浦文
君問長卿

何水部遞示察

流英駉
嫣紅芳
首敝初
碧感茲
春日晴
折此夏
雲色高
天下薰
風中林
散瑤席
閑怡衆
蔚舒靜
悅清尚
激懷中
瑤華音
門前車
馬客懷
刺始見
投牽裳
不似憤
容輝一
以遺琴
樽恨所
適馬坐
無往人
投鞭有
新跡幸
此休沐
閑無言
朝請迫
明星方
在戶鷄
鳴以爲
則

吳記室均春怨

春宵難
孤眠宵
曉易變
瞬既自
未逢新
那能不
懷故新
歡猶水
萍故人
似風絮
寄衣今
已遲裁
壽昨復
誤祇對
銀缸花
不識金
微路干
戈信縱
橫管壘
幾屯聚
未見奏
凱還更
聞代人
戍豈忘
君年衰
復恨妾
顏秋流
穢積寸
絲剪刀
驚尺素
徘徊明
月前形
影自相
顧

崔員外顯游俠

生長在
大梁好
與俠少
游俠少
有駿馬
銀鞍千
金瘦曉
日騎馬
出夜聽
彈壁儀
酒酣不
自惜擲
與黑貂
裘平生
重然諾
不解輕
爲愁美
風滯人
口姓

名通皇州樽蒲名花下挾瑟樓上頭昨成遼海勳得賜雙旗苻肯學蓬累
人樓遲老一丘功名不解取白首常多憂豈知公孫弘終拜平津侯

岑嘉州參寥識

首借逼原野春來馬多肥今日烽燧靜聊以解征衣置酒召朋侶日暮不
見歸何處射獵去貂裘間輕緋昨日已賜爵前時初解圍軍中重磨礪無
如君所爲醉擁美人坐不惜雙珠珥門前羅金鉞庭中插羽旆錦瑟時一
彈空侯在中幃杯行不知算入手如欲飛爲謝衆賓客四座多光輝何以
報天子從今羽檄稀

高常侍適詠途

孟渚多悲風入夜復及朝春來渚水綠愛此顏色嬌凌晨騎馬出射落雲
中鵬自從服官來身得爲下僚封丘一作尉始覺身爲勞婦家視妻子短
髮何蕭蕭入官已三日時覺秋風搖人生貴適意何不歸柳絮里中諸年
少安用折簡招在昔馬相如曾過馮里橋何如擁文君恨與謝金貂始悔
出門意道途空寥寥

李翰林白自明

從來解歌人古時有秦青酌酒不得見爲我陶性靈空與龔處士拘然同
一形紅顏一以變鬢髮將成星狂來且須飲罄此隻玉瓶暫醉花下眠忘
此春真真葡萄夏初熟顆顆如紫玉涼月夜不扁遂向月中宿月中有婦
娥應來下相逐攜我上天去姓名拋鬼錄我願爲嫦娥從新製歌曲一醉
十萬齡翻煉藥杵促素娥不知數一一向我瞞我把白榆漿頃刻變醪醪
素娥意不投擲我下海舟長風三萬里知向何方游龍宮敞雙闕開者反
見水間我名與姓身上雲烟浮但知夫所向不計來何由我見長鬚宰呼
爲人世因送我上天界焉能處中州海波遂騰沸瀉起如山丘

杜員外雨述賤

自予來巴州得繼昔賢後游覽錦官城功名奚所取溪邊一艸堂縛茅自
吾手賓朋雖衆多性情無所偶醉來賦新詩豪盜不復有建安與西京肯
爲人輕售騎驢自暮歸秋風甘白首面目雖已黎精神日抖擻丈夫抱經
濟進則夔龍耦思以拯蒼生勲庸高北斗肯爲升斗粟易我平生守朝乞
貴人前奴顏效奔走皇天有深仁茲貶意誠厚昨游孔明祠眼見栢紋紐
扶漢豈不勞三分帝所受下視曹與孫心術一何醜覲覲竊神器不出漢

廷授一時忠義人粉身向盡白髯彼大厦顛一木焉能救我今瀟落來所
賴惟親舊君王恩未酬交結得朋友于以棲餘齡沒齒亦何咎所有
在居然共田叟饑寒良切身履穿還露肘在處與冷汁聊以充吾口意
干雲霄自知未爲負豈爲活斯須所貪在杯酒

同居贈客

衡門稀客至俯脩靜讀書踈簾映秋水細藻浮游魚款言落日下酌酒涼
風初出門見黃葉相送隨階除

同金子坤陪群公登雨花臺

紺殿珠宮結駟行登臺共豁遠游情林花雨霽雙峰出雲木涼生一鳥鳴
禁苑晴烟開樹色秦淮春水長潮聲却因楚使誇雲夢愧作諸生賦帝京

福安院同慧生閑步

玄暉曾拜節太白亦題詩京邑非前事新林似往時山深秋氣重谷遠聲
聲遠不爲逢支遁幽懷孰與期

宿新澤岩

群山迴合掩棲息燕蘿烟萬木迎寒脫孤燈入夜懸月同僧意寂風與客

懷牽林外雙峰影，高樓對獨眠。

燕子磯

沙渺寒潮帶石磯，潮聲山色兩相依。陰雲翻浪明秋日，霞氣蒸林生晚霏。
巴蜀船從巫峽下，荆吳人自海門歸。聽歌酌酒銀河曙，坐見高天一雁飛。

城山六言四首

微雨纔沾麥脚軟，風剛報花枝田舍春光幾許江南上巳臨時
禾黍平連遠陌牛羊半下重岡花影垂簾弄色茶烟隔屋吹香
樵語深林若嘯泉聲隔樹如雷少婦機絲未罷老翁社飲初回
曲欄魚游碧藻寒莎螢響千林西社歸因賣畚東隣出爲修琴

賀應朱公曾乞蒲團於僧潤歸觀江州潤乃買舟赴葬掛樹而去
生前曾與結幽期，身後冥交獨有師。爲掛蒲團思往日，因彈錫杖憶當時。
淚隨雪片應難盡，情斷風燈總自持。法力護來還不滅，年年慧樹長新枝。

寄武林朱九疑

湖上輕風拂柳條，美人吹笛向平橋。欲知胥浦潮初退，正是秦淮雪半消。

同李子餘過彬公蘭若

講堂藁竹舊相憶對香烟禱謝鶯啼後若生燕乳前浮生看逝水濕淚落空筵獨有詩名在應知滿大千

偶然作

酒醒聞雨響沈復在山村木葉知時序鷄聲識曉昏七絃頻寄典二畝足爲園清淨元無字逍遙賸有言未能離世網聊且寄丘樊白足人爲侶玄同道作門茅茨臨谷口烟火出雲根爲報陶弘景何時辭帝闕

過上莊訪竺居士

獨行深樹裏細路繞菲堂山色迎人出梅花度水香燕泥留雨氣魚藻入天光住近石橋畔村沽夜可將

贈蔡公子

桃花落盡客重來明月高天照酒杯最愛主人年少日淮陰市上釣魚回

城山訪隣叟

獨是躬耕處相候亦有君山從千嶂繞徑向一林分水滿漁竿覺苔香屐齒開從余深隱好莫使勒移文

望凭虛閣外山色瞻唐東園囚寄陳仲魚

春雲如黛點鍾陵湖水生波盡解冰幾處東風迴弱柳千岩雨色潤垂藤
香筵寶座初聞梵塔院蓮龕正試燈閣上莫辭同醉酒坐中原州漸層層

松屋

高松暑不侵芭蕉隙新綠茅亭有高士清溪時濯足天風吹葛巾醉向亭
中宿悠然忘市朝醒來飯黃犢

和人游北固

歲莫將何適三山烟雨邊日明知海氣雲盡識江天古樹開僧寺寒潮蕩
客船登臨殊有意濡足祇堪憐

題史癡翁面

老樹丫牙鐵作柯亂竹縱橫拂雲起誰知一段秣陵秋寫在癡翁半邊紙
癡翁癡翁蓬萊精有時拈筆人皆驚想見臥癡樓上景狂歌醉舞鳴秦箏
共本大城山裏客看君圖畫來君宅出門却被強題詩坐對踈棚荳花白

貯香室山雲館雜詠

花開研池傍花落研池底洗研譯經時斛盡龍池水

檜運

蒼色映池水蕭蕭生暮寒有時秋雨中遙見山僧還

張玄超自海上寄書問連城生消息

若問青樓媚芳年二八強輕羅不遮面繡戶自焚香對客時題句懷君每
斷腸倘能貽錦字猶勝夢高唐

酬梁伯龍

寄跡山中漱碧泉不將車馬老華年青鞋迹遍川原底白苧歌傳妓女先
雨濕絮沾驕馬響風吹酒縐玉鱗船秣陵秋老芙蓉發進向江頭看月圓

陳寧鄉芹

芹亭子野系出交南國王承樂中避黎氏之亂來奔遂家金陵少而警敏
水藻蘆浦以倒坐客乘輿寫竹枝醉墨欹斜沾濕衫袖文徵仲嘗戒門下
士往南京慎勿画竹彼中有人也弱冠舉于鄉六上南宮不第與盛仲交
諸人結青溪社讀書郊野間逾二十年謝選知奉新縣調簡得寧鄉之官
九十月謝病歸子晔少嘗夢入深山中石梁跨道瀑布酒空洞中二老僧
跌坐周繞木欄以虎後游天台山洞宛如夢中木欄猶在門之上人云
老僧化去久矣自是恍然省悟專精內典作和寒山子詩卜築新林別業

近新林浦謝玄暉題詩處又于桃葉淮清之間起邀伯閣招延一時激流
結青溪社每月爲集遇景命題卽席分韻金陵文酒觴詠之席於斯爲盛
相延五十年流風未艾承平盛事至今人艷稱之長年市兒猶能指點其
處云

送黃淳甫還吳門時倭亂甫定

憶君還故宅追歎昔年違花倚新枝笑人隨舊燕歸川原春日澹桑梓暮
陰稀挂壁餘孤劍依然夜有輝

九日長干寺別友人

精舍長干遠清池山路通雙橋雲影上疎雨梵聲中晚岫沉孤翠秋英吐
艷紅嘉辰聊一醉世路漫西東

季冬溪閣別張幼子

卽見雕欄外絲絲柳拂頭水平桃葉渡花磯木蘭舟定擬尋春至仍須下
榻留抵憐君去日雪灑翠雲裘

和寒山子詩

青烟紫霧夕真真似雨飛泉滿戶庭白日山人無一事水精簾下閱金經

姚嘉州汝循

汝循字叙卿南京人嘉靖丙辰進士杞縣知縣遷南刑部郎中出知大名府謫嘉州知州入覲坐假驛符罷歸老于秦淮之上與名人韻士爲彈箏遊笛之游有耕餘浪游諸集王百穀爲之序同時金陵有卜履吉介甫姚貞元亮皆能詩卜聞雁云霜月流孤影寒雲續斷行姚過別業云墨香臨帖後茶沸罷琴餘春日云檻竹報晴仍帶雨瓶梅裹凍固留春皆有風致恨不得其集

晚歸田廬

紆曲春山路行來日已昏蕭然茅宇內不盡白雲屯犬吠初生月人啼半掩門一杯燈影下幽思共誰論

雨後行園

山園積雨後步履惜餘春柳似酣眠客花如倦舞人啼松上香木柱筍過比鄰韶景行看盡嬉游可厭頻

秋日閒居

曲巷人踪少開門秋艸深露香催酒興月皎逗琴心瓜果紛堪摘池蓮冷

發沈重陽佳節近風日快登臨

宿三山別業

秋深寒露候地僻水雲鄉落日楓千樹殘霞雁幾行桂香清小院恭語近
匡牀自臥念津程迢遞世路忙

柏坊驛題壁

風雨蕭蕭滯客程荒亭獨宿峭寒生今宵腸思知多少
似舞詩如綺霞閣小集云酒邊過白駒餞裏出青山浪濤云問花石上
淋海碧雨中沈迷明憇憇云離愁隨月長別後迸管嗚江南春愁云宿雨
青郊酒和風自輪輕和切安之秦淮云潮起輕風生遠浦夜涼明月滿扁
舟觀井風沈吐納居然名士也

莫貢士是龍

是龍字雲卿以字行更字廷韓華亭人方伯子良之子十歲善屬文以詩
生父次貢入國學廷韓有才情風姿玉立少謁王道思于閩道思贈詩云
風流絕世美何如一片瑤枝出樹初画舫夜吟令客駐練裙盡臥有人書
其風致可想也廷韓猶妙於書法常作送春賦手自繕寫詞翰清麗皇甫

子衡王元美皆激賞之廷韓及張仲立皆翩翩佳公子青溪社中之白眉也

得顧茂倫書及所著雜思賦悵然有作

綠巽傷春臥薜蘿青山起色近如何慣看交態暮前好較是君情別後多
明月自裁希逸賦片雲閒伴莫愁歌家人倚問風塵色慷慨中原但枕戈

賦得窗中度落葉二首

齊梁元題

綺疏臨野渡秋樹響前林
紛紛逗雨深拂來紅袖掩積處綠

塵侵誰送哀蟬曲無端批客心

獨樹蕭蕭下邊淮正可憐快投齊鵬裏不似御溝前酒戶驚秋夢翻經助

夜禪江潭悽惻處但莫問長年

張臨清文柱

文柱字仲立崑山人父士淪字心甫仲立年十二賦關山月詩云閉袞紅
顏愁少婦塵邊白骨怨征夫一坐嗟賞萬曆戊子領鄉薦除臨清州守比
四年卒于官孫奔之曰仲立才高燦發託意幽玄正如水壺秋月本宜着
烟霞外迺強使適俗故少年卽有子建憂生之嗟

借別

借別復借別殘更爲斷過青楓薄命葉黃柳斷鴈條天迤邐乘雁江空急
暮潮秣陵烟雨際留得并蕭蕭

窗中度落葉

青楓社題

暮暮回風下蕭蕭游歲陰一山方隱几片雨自前林重以輕霜色凄其入
曲心高居尚搖落不敢更登臨

李臨淮言恭

言恭字惟寅岐陽武靖王之裔孫也萬曆二年襲封臨淮侯環衛扈從屢
荷恩眷以勲戚留守陪京位元戎列師保累年而後卒李氏自岐陽父子
已好文墨親近文士惟寅沿襲風流香跡詞壇招邀名流折節哭素兩部
詞人游客望走如鶩子宗城字惟蕃亦有文好事東封之役奉使不終宋
于金陵賦詩結社徵歌選妓有承平王孫之風惟寅詩風氣婉弱時有胡
致送安茂卿詩云夢回芳艸遠人去落花多藝苑至今傳之汝番以敏捷
自誇其佳句如秋夜云醉後晚鐘頻入枕夢回寒月半當樓贈汪子建云
夢去月明秋水瀾愁來霜逐鬢毛新皆可誦也

訪楊逸人山居

野人高臥處只在白雲顛絕壁疑無路深林忽有烟門開千樹上大吹一峰前爾亦揚雄輩山中獨神玄

山居樂二首

一徑香無車馬萬山忽有人家相問不知歲月惟見開花落花夜靜白雲鶴睡春添紅樹鶯啼若問幽棲何處胡麻流出山溪

村晚

山下數聲大吹村中幾處人歸短笛醉橫牛背斜陽正對柴扉

曉渡

烟樹曉棲鴉長汀帶白沙中流聊擊楫新水快浮槎雲與人爭渡春隨客到家遙知飛綵日開蒲石城花

曉發應城

古道風烟接天涯曉夢迷依啼千樹露人過一村鷄遠浦餘燈暗隔林外月低此時有高臥予獨愧羈栖

漢江城樓

樓閣仔山出城高過太空帆檣入烟霧波浪過繁龍燈火深林裏星河流
水中人家半漁者蓑笠掛秋風

金陵社集詩

海宇永平陪京佳麗仕宦者誇爲仙都游談者指爲樂土弘正之間顧華
玉土欽佩以文章立埤陳大聲徐子仁以詞曲擅場江山妍淑士女清華
才俊歛集風流弘長嘉靖中平朱子价何元所爲寓公金在衡盛仲交爲
地土皇甫子循黃淳父之流爲旅人相與授簡分題徵歌選勝秦淮一曲
烟水蕪其風華桃葉諸姬梅柳滋其妍翠此金陵之初盛也萬曆初年陳
寧鄉芹解組石城卜居循步置驛邀賓復修青溪之社于是衡仲交以
舊老而位盟幼于百穀以勝流而至厥後軒車紛選唱和頻頻雖詞章
未爛大雅而盤游無已太康此金陵之再盛也其後二十餘年聞人曹學
佺能始廻翔棘寺游宴冶城賓朋過從名勝延眺縉紳則臧晉叔陳德遠
爲眉目布衣則吳非熊吳允兆柳陳父盛太古爲領袖臺城懷古憂爲憑
吊之篇新亭送客亦有傷離之作筆墨橫飛篇帙騰涌此金陵之極盛也
戊子中秋余以銀燭隙日采詩舊京得金陵社集詩一編蓋曹氏門客所

撰集也嗟夫日中月滿物換星移舟楫夜趨飲佩且改白門有鳥無樹枝之可繞華表端鶴悵城郭之併非撰文懷人吁其悲矣謂我何末亦無書焉

集鷄籠山賦得臺城懷古

柳應芳得離字別見

臺城遺跡動悽其總爲前朝足亂離舊路人非芳艸在故宮春盡落花知江山白首猶餘恨鳥雀黃昏亦自悲更是傷心張緒柳年年空被野風吹

王嗣經得高字

嗣經字曰常上饒人故姓璩負魁梧多笑言吟詩不懷面圓而紫色人戲呼爲蟹臍王笑而應之博學多撰述有秋吟八章一時傳之

湖山迤邐接亭臯前代遺踪有石壕別殿珮環歸杞棘修陵鳧雁出蓬蒿亭荒迺午樵歌入寺近經時梵鐸高腸斷覆舟山下路年年春艸似青袍

張正蒙得凝字

正蒙字子明江寧人世居通濟門外之學灣臨河結廬柴門晝閉帶索拾穗未嘗倨仰于人年踰九十隱淪終老今體詩幾萬首今刻其什一顧麟

初爲序

臺城一上路層層景物蕭條感慨增玄武湖秋鴻雁下華林園冷露霜凝
空山僧寺三更磬隔岸人家半夜燈蕪業只今消歇盡惟餘明月照金陵

陳仲溱

仲溱字惟泰侯官人性拙直寡言笑與人交接言辭少拂卽掩耳而去詩
苦求工不愜意不止劬出其詩示人以手按紙手顛口吟人或誦其詩曰
喃喃與相應和其自喜如此

平湖一片愛崔嵬城近黃昏鳥雀哀春艸自深沽酒市天花空落講經臺
雲埋故壘誰爲主水出青溪更不回六代興亡成舊夢翠華馳道上蒼苔

吳文潛

文潛字元翰莆田人孤癖苦吟詩不多作或累月始成一章弃家學道寄
食武夷山中數載後雜髮爲僧

漫將遺跡問齊梁寂寂臺城露艸荒廢井尚封陵寢氣初鐘不與景陽粧
蒼茫野水迷官道高下寒山出女牆還憶誦經梁武帝臨風倚樹弔斜陽

程漢

漢字孺文欽人生性簡傲目斜視鬚髯奮張見人輒自誦其詩年八十老

于布衣

獨上臺城望遠空當年遺跡動悲風懷春羅綺旗亭外向夕牛羊輦路中
幾寺殘碑深野艸故宮皆并落梧桐祇今多少興亡感湖水蒼茫背郭東

姚旅

旅字固客初名潤海莆田人以布衣游四方卒于燕著霞書若干卷詩苦
吟不多作有集行世

苑城遺跡盡烟霞艸色登臺起暮笳地捲豹湖埋帝釐山橫雉堞抱人家
風來百舌聽經易露泣懸脂墜井花估販還尋芳樂路酒市不動夕陽斜

集臧晉叔希林閣寓目鐘山詩

臧博士懋循

懋循字晉叔長興人萬曆庚辰進士風流任誕官南國子博士每出必以
棋局蹴毬繫于車後又與所歡小史衣紅衣並馬出鳳臺門中白簡罷官
時南海唐伯元卜書議文廟從祀恭進石經大學與晉叔偕貶同日出關
湯若士爲詩云却笑唐生同日收一時臧穀竟何云執林至今以爲美談

鍾山鬱佳氣，龍變與雲蒸。君看芒碭澤，何似望春陵。

集沈氏水亭餞送曹能始北上詩

臧懋循

相送江亭暮，尊空客漸稀。楊花不解別，到處逐君飛。

後湖看荷花共用水香二韻

王野別見

芬馥滿湖田，燿燿朝霞綺。朱顏笑倚風，分影與秋水。

吳北別見

松杉交翠夾隄長，蓮子花開滿署香。玉漱覃拖深覆艇，碧潭歷亂密迎榔。
紅舒粉飾齊金製，星綴霞蒸鄂繡張。莖刺健能披翡翠，藕腸弱可繫鴛鴦。
已鍾秀麗三山色，復染鉛華六代粧。城帶夕陽翻蝶影，岸縈芳艸映苔光。
珠擎旣愛田田葉，規接還憐各各房。真氣驚林知露早，陰嵐拂檻覺杯涼。
西園夜月同飛蓋，南國秋風藉作裳。何幸承君生顧盼，豈辭零落委寒塘。
梅主簿蕃祚

蕃祚字子馬宣城人，禹金之從弟也。以上舍爲寧鄉主簿，遷滋陽縣丞，貧。

而有傲骨與曲中馬湘蘭善每出游困乏馬輒解囊賞之詩率意不甚求
工集失傳

山翠重重傍湖起北柳南楊映湖水態秋來錦不如宛轉荷花三十里
底用花開十丈長遠堤無處不聞香葉密花深難辨色紅衣綠羽關鴛鴦

陳寺正邦瞻別見

綠水紅蕖欲斷腸可憐秋似似橫塘晚風不見木蘭樵明月無人花自香

曹評事學佺別見

法曹清殺大堤傍路入荷花不覺長為惜六朝餘綺麗還邀群彥醉壺觴
烟輕故罩新開粉風細時吹不斷香綵鷁底須愁蕩却文鴛偏自解成行

七夕公讌詩

陳邦瞻賦得博望橋

梧桐聲脫秋聲起迢迢秋色澹如水天上佳期玉露中人間良夜金波裏
此時漢使向河源此夕乘槎犯斗垣但驚城舍嚴官府那識天孫遇河鼓
雲階月地難久留飄然枯木復乘流歸來不問成都卜肯信身親見女牛
從此人疑有矢路俱言河漢清可度帝子英靈空有人千秋別淚自沾巾

可憐匹練高樓色年年愁殺問津人

送梅主簿子馬之長沙

王野

青山滿面舫蓋影溱通津秋減江南葉涼生水上蘋人同梁燕別月共旅
愁新盛世長沙好之官異楚臣

胡齋得深字

齋字仲修歙人僑居武林游跡甚廣北抵燕南游圃西入秦蜀善談諧年
八十餘耳聾自矜猶多微詞口吃吃笑不休屬余序其詩而未果也

憶子脂車久淹留乃至今離情吳市酒秋色楚臣心傲逐世途減貧憐宦
後深襄陽問耆舊揮手峴山岑

送曹能始還閩中

各拈古詩一句分賦七體以次成篇

新安謝陞少連序曰出幽溺職北山致使移文充隱來徵南山唯爲捷徑
是皆方內方外徘徊並有所廢以故匪介匪通進退兩無所據能始先生
丰神璧立警咳璣馳技擅雕龍名齊鏞虎陳瑚登璉昭回雲漢之章漱石
枕流癖有烟霞之錮南都法吏西署閒司爲政無苛自公多暇燕磯牛首

佳麗藉以品題。桃渡桐灣繁華屬其實。目拂蠅揮塵雲低。駐以不飛。著屐
班荆。日下春而忘返。爰賦黃華之什。使命式將。廢歌吧帖之篇。親闈在望。
時臨七夕。節并三秋。風一金鷗。星雙銀漢。青菰滿曉。白水盈襟。憺帷將面。
菑飛芳葆。葢共蒹葭。搖翠婦心切矣。離思凄然。傷物候則鳴雁排空。愛人
風則鷓鴣。雛下似結金蘭。而貴舊契。志合虛舟。贈縞帶以定新交。情投雜佩。
捲波浮白。徜徉玄武之湖。授簡分題。聯翻朱雀之桁。秘書供奉。諸子多絕。
調之詩。康樂宣城。吾家有驚人之句。發石頭而夢斷。望京口以魂銷。山連
鑊鑿之城。溪接銅官之路。吳江吳岫。方背楚於金陵。越嶠越雲。漸隔關于
玉斗。湖水霜清。而開鏡。赤城霞起。以建標。桂落靈隱之秋。艸濕姑蘇之夕。
暨且山陰。泛棹終將。海上揚帆。丹實重開。榆栢之天。紫房再咽。荔支之露。
嗟夫。自南自北。無非岐路之人。或去或留。總是他鄉之子。然山臨水。惟賸
然其別乎。落葉哀蟬。復悲哉。此秋也。方舟鷓鴣。並駕鳧分。不堪衰柳。撩人
那。何輕運。欸客清風。明月我則因玄度。相思獻歲。發春公其爲若生。早出
人探二韻各詠一題。用表心旌。毋藉手筆。

陸宇少遠。欲人早弄。諸生留心史學。著季漢書行世。不以詩名。

王嗣經分賦得李白詩湖清霜鏡曉

歸客金陵道霜帆夢鏡湖
秋水衣斂海曙日輪孤慢卷
波紋殺舟凌露蕩珠湖平
光稍白風定浪還無清映
冰花薄澄涵錦樹鋪島嶼
分水碧人去亂汀孤賀監
風流在臨風酌一觚

雨中集清涼寺送梅子馬赴楚曹能始還闕

柳應芳

客路東西莫厭長七閩原自隔三湘
離人不道俱千里一夜相思夢兩鄉

悔番祚酬別二首

楚客怨青蘋吳儂愛紫萼扁舟難共載
羞殺渡江人一片秋林色如迎去客舟
更憐江月好且爲故人留

人日送范東生還吳澹然之燕

滅懋循

客居還送客人日更愁人
江樹停殘雪沙禽赴上春
笙歌吳苑酒裝馬
雉京塵相念不相共
音書空復頻

柳應芳

無端人日勝兄弟對離觴
艸霽遙開色梅寒細作香
江復含北思寒雁繫
南行欲共臨岐送春波兩岸長

王嗣經

共沾人日醉那謂客程分
早樹呼鶯友晴沙戀雁群
夢交南北路情作去
留雲管取秦淮柳連枝好贈君

集臧晉叔希林閑賦得雨中鍾山春望

柳應芳

春早城東連騎來雨中延眺
北山隈氣衝遠岫朝初合
陰結重林晝未開
融雪併沾馳道柳和風爭落
寢園梅雕窗不閉朱簾卷
坐待曉光陌上回

王嗣經

風光帝里入韶年紫闕丹山
霧景懸繞禁柳容開羽葆
傍陵嵐翠結鱗網
催花氣煖先蒸雨消雪岩空
漸迸泉曾是高皇布時令
至今猶自發春偏

程可中別見

天成雲阜屐宸居東望春回
王氣餘波碧露痕經燒後
燭紅隨意着花初
波紋捲殺水還裂山黛如
髮樹自疎一自文皇遷鼎後
至今輦道未曾除

賦得千山紅樹送姚園客還園

柳應芳

蕭蕭淺絳霜初醉，
緋緋深紅雨復然。
染得千林秋一色，
還家只當是春天。

潘之恒別見

秋岸繁華景，
紅霞萬樹春。
西風無限意，
吹盡送歸人。
落葉蕭蕭路，
秋風湖上波。
到家紅樹少，
不怨客愁多。

陳邦瞻

江南九月霜暗飛，
秋光春色兩依稀。
萬樹欲丹疑濕霧，
千山如醉帶斜暉。
畫史含情拂輕縞，
解作秋妍秋不老。
自識晴雲慕錦林，
莫疑赤燒連衰艸。
此時游客正天涯，
此際離腸忽憶家。
聽絕啼鶯嬌映綠，
愁看飛鷺齊落霞。
關天杳杳接江路，
酒罷送君從此去。
想得遙窺蕩子丹，
尚疑題葉銷魂處。

王嗣經

秋山何處無紅樹，
君歸獨向秋山去。
霜錦千章照客衣，
林霞一片隨行屐。
幾曲雲林到武夷，
幔亭高處坐題詩。
南天氣暖無冰雪，
直到春花憶此時。

白門新社

萬曆末年聞人謝從輯白門新社詩八卷凡一百四十人金陵之耆宿與四方之孝秀皆與焉採而錄之得二十餘人附金陵社集之後

杜山人大成

大成字允修金陵人其先安道以櫛工侍高皇帝官至太常卿允修幼嗜聲詩長解音律善畫禽虫花木埽除一室焚香酌醞以待四方之士自號爲山狂生人亦以稱之盛仲交言太常與蔣恭靖用文暨陳秋碧史臥癡皆世居冶城之麓二百餘歲蔣杜躋大官而陳史有聲藝苑皆得冶城山川靈秀之氣盛亦冶城人也

柳

千株楊柳翠逶迤
裊裊烟絲風細搓
鶯囀市橋牽客思
馬嘶官道促驪歌
水邊賦欲堆金縷
花外輕堪度玉梭
漢苑隋宮俱寂寞
古堤艸滿夕陽多

書愁

愁多奈可度殘春
浮世榮枯總未真
細雨夢中憔悴質
落花影裏寂寥人
山僧乍見仍憐瘦
野鶴長隨不厭貧
獨抱遺經臥空谷
恐妨容鬢涅緇塵

方處士登

登字嘯門建業人慕孫登之爲人故以爲名及字愛治城林木幽邃卽其麓家焉自號樵城子画做史癡翁書摹雲麈問爲小詩以自適一生不見貴人晚以目青并謝親串年七十餘卒友人陳蓋卿叙次其詩以爲顧清父盛仲交之流也嘯門詩有鳥衝帆外雨船響夜分潮法堂雙樹古禪榻半林秋晚風吹別酒曉霧濕征車水落痕猶綠雲閉山更明鳥銜殘照去樹惹片雲來皆佳句也

次陳蓋卿生辰述懷

不屑投時好年光寄薜蘿著書人借讀種竹鳥飛過有興詩筒滿無錢酒債多丹楓與湖水相映醉顏酡

顧懋高移居

卜築城隅地無營閑讀書移花紅雨墮洗竹翠雲新簾捲迎初燕樽開款故人閉門題句好未是虎痴貧

晚坐

日入群動息蕭然坐艸堂樹暝晚烟合花收夕露涼白髮催年暮青燈照夜長林端新月出松影過鄰牆

自述

人生各有志而今得遂初但揮池上墨不飾案頭書山雲茶屋暖海月竹窗虛香巷多芳艸春風吹敞廬

偶成

晝長山更寂無客到柴扉詩成一葉落酒醒孤雲飛推窗竹子瘦把釣魚兒肥來透窮通理誰言吾道非

秋晚

秋晚行堤上書聲在茅屋月出不逢人風來弄修竹

春日漫興

懸岩絕壑春雲滿亭子無人鳥自啼昨夜雨飛寒未解桃花零落石城西

胡布衣宗仁

宗仁字彭舉上元人隱於冶城山下生而偉壯美髯晚年衲衣拄杖反手徐步鬚髮從風飄颻市人皆目爲神仙喜譚論作畫師雲林子久本富家子老而食貧不謁時貴嘗詠唐六如詩開來自寫青山賣不使人間作業錢殊自得也有詩二千餘首鍾伯敬爲論定余見其手藁每自諺其來生

徹夜踈明月爲我至以爲神來之句亦可見其清意也

立秋後夜起見明月

深夜見明月漸低西南隅光華射虛檐照我牀頭書開函見細字歷歷如貫珠老眼未能讀惆悵坐庭除風生梧葉鳴光景殊蕭疎昨方入秋序清涼便有餘

黃鳥日來啼

黃鳥弄美響日啼檐間樹檐樹多佳陰覆我庭前路主人嬾出門坐臥送青嶂若云此中非黃鳥亦應去

曉聞寒鳥兼呈遠客

霜林栖鳥冷曙聽語檐間爭盼朝暎出移羽就其暄籬外犬忽吠有客至我門問客何能早云從遠道還命僕燒松火炊黍慰勞煩而我尚嬾臥見客生愧顏

閒居寄友

家住青溪曲春深花竹迷君來若相問直過石梁西屋壁峯陰合門籬橫葉齊蕭然半迂事課水灌園畦

林茂之新居

客舍何常定三年跡屢遷今來營一室形勝石門前地僻幽岩列池平野水連知余日相過短榻不須懸

歲暮送姚困客自白下往吳越

逼歲難禁出白門猶客中寒生夜山雪晴下曙江風花落竹堂靜烟消石屋空并州望音信莫久滯郵筒

夜坐

篝燈常獨坐淪茗與攤書殘月半窗白寒星徹夜疎不眠增晝短延漏借冬餘此意自終古中懷未忍虛

園家

茅屋野人家種桑還種麻翠畦飛亂蝶紅藥報孤花蘇旱望新雨卜晴占暮霞閒時留客坐酒向陽西賒

春晚喜晴

高樹風疎欲散陰坐來爽氣漸能深渚雲乍去猶拖水山月初生不過林有鶴日閒眠古石無人時到抱清琴明朝雙屐尋芳去花鳴乘春看翠岑

聞鳥

鳥聲誰喜聞日啼白門樹
愁來刪樹枝認得白門路

聞蛩

秋夜寒蛩語悽悽孤月明
空牀自難寐不但百愁生

坐月

明月爲我至終夜與徘徊
猶恐雙扉啟清光欲去來

桃葉曲

桃葉渡頭桃葉春家家桃葉
關妝新不知何處初來客
未省吳姬會笑人

郊行

每出幽尋杖短藜無窮勝事
愜幽期村村野老柴門裏
日對雲山自不知

暮烟

送客歸來息樹根蕭疎楓葉
掩柴門暮烟未卽全遮眼
猶露橋西一兩邨

郊行

郊原負杖趣無窮洞壑深
細路通村霧濃來時變
雨江雲飛處忽成風

雨後

陰陰春日暖風輕
新水溪灣到岸平
宿雨濕山深
樹暗夕陽開
浦遠山明
茂之乞画楚山圖
余將游武林走筆戲答

片帆已挂曉須開
無奈游情日與催
欲画楚山畫
萬疊待余行
看越山來

江上看山

江上看山分外青
更憐山畔有雲行
因之認熟橋
西路孤杖無勞藉
友生

張秀才正蒙

雨夜宿王孟起山庄話舊

山堂聞夜雨
隔牖灑長松
清艸悲蛩語
浸首冷鷓踪
林喧印葉下
澗響雜村春
不倦連牀話
憐君意轉濃

秋日臥病溪上懷饒士駿

偃臥青溪上
閒愁入病中
露華侵夜簾
風子落秋桐
白千絲
髮哀哀四壁
蛩所期
乘興客孤棹
幾時通

東郊

東郊棲息父老至
謝逢迎秋霧沉
山白寒流拍岸清
葛巾還自正茅屋
不須管小摘畦邊菜
常留共久生

立秋夜溪聞笛有懷程瑞文

相思意不盡，迢遞且登樓。玉笛梅花夜，銀牀梧葉秋。開簾片月上，傍水一
螢流。今日蕭條色，憐君萬里游。

秋日王孟起山庄

天末商颺起，家家闐搗衣。砌虫經候響，籬豆及秋肥。自是機心息，寧知世
事違。鄰僧有高致，日莫扣巖扉。

溪上秋思

窮巷故八少，衡門暇日多。涼風時着澗，衰葉欲離柯。生事只如此，幽心諒
匪它。乃知溪上樂，把酒對漁蓑。

秣陵館夜對張山人

秋風山館夕，一榻近燈前。共話忽深夜，相看非少年。斗垂天末樹，鱗出雨
餘田。亦有茅簷下，飯牛人未眠。

秋日臥病

隱几荒齋寂，深知偃臥情。新方隨藥簡，久病喜秋清。掩徑流雲色，穿林響
葉聲。無人見，惆悵白髮一重生。

江上早起有懷侯師之

江流無日夜客路渺東西霧接寒潮上天連曉樹齊聞蟲思寂歷過雁惜
響迥何日長千道煩君駐馬蹄

溪上

自識茅茨趣風光合在茲柳青春雨澗山白曉雲遲幽意居偏得閒身懶
更宜忘機溪上鳥來徃日無期

秋日卽事有懷黃任甫

關門涼氣入默默坐移時積雨逢初霽斜陽照短籬交秋桐落早園月菊
開遲朋好遙相憶清尊何所期

冬日閒居二首

僻居心遠矣閉戶日蕭然一水滌寒月瓜村暮夕烟貧惟尊酒在詩豈衆
人傳却憶蒙莊子冥搜內外篇

夜永衾孤擁簾深月半窺霜村雞鳴早風樹鶻棲遲舊社嗟攝落新詩記
別離挑燈坐不寐無夢到天涯

秋日雜詠

山村秋雨暗萬井暝烟迷隣杵時飄響林鷓不住啼茅茨慚野老燈火對
山妻因笑病莊鳥空勞楚執珪

江閣

寂寂重扉掩悠悠倦客情江深當五月閣迥接層城細雨鶯聲潤微風水
氣清科頭坐長日詎羨世間名

夏至對雨柬程瑞文

堂開垂柳下默默坐移時
旋序一陰長愁心兩鬢知
雨簷蛛網重風樹雀巢欹
惆悵無人見深杯空自持

初夏園林卽事

夏入園林好忻逢霽景
明藥闌香醉蝶柳岸綠迷鶯
道在心逾逸情閒跡自清
夕陽紅欲盡一抹暮山橫

春暮淮上遣興有懷恩公

水漫秦淮舊釣磯一竿每與俗情違
垂垂密密柳鶯啼早寂寂重扉客到稀
綠暗桑林香蕩老青蓮藥圃鬼苗肥
焚香欲就蒲團坐鐘磬沉沉隔翠微

溪上居

不結衡茅避市喧，寒流澌澌抱孤村。扉懸白板心猶遠，几隱烏皮道自存。
傍岸漁舟分爨火，倚窗明月引開樽。寂寥何限幽棲意，不識風光似陸渾。

溪閣坐雨招胡國珍陳用甫二丈

昔郭衡門迥，栖遲一徑幽。隔簾風挾雨，虛閣晚生秋。水鳥日堪狎，村醪客
可留。不嫌成簡略，煩爲過溪頭。

周秀才暉

暉字吉甫，上元人。弱冠爲博士弟子，老而好學，爲鄉里所重。博古洽聞，多
識，往事年八十餘，撰金陵舊事二卷，瓊事十卷，焦弱侯稱其胸饒韞畜，性
好編錄，几格不虛，巾箱恒滿，吟詠自適，不求人知。晚年賦移居詩，邇人皆
屬和，自喜其警，略催小飲，鶴步伴閒行，其句法多類此也。

春日移居六首

只隔秦淮路，清幽與市分。溪聲數番雨，鶴夢幾重雲。古研臨池洗，名香掃
石焚。客來方坐定，鳥語恰殷勤。

寒士何須賦幽人，不應尋有特。忽大笑無事，只長吟。聞道晚知淺，結交貧
覺深。澗邊芳艸色，消盡一春心。

貧郭父無田幽居僅數椽綠尊堪累月青鏡不藏年客至漁樵半狂來笑
語偏周願有猿鶴尚在北山顛
垂柳綠依依烟蘿護竹扉酒醒雙燕語病起亂花飛繡澁芙蓉劍輕便薛
荔衣轉因貧與願漸覺昔年非
最憐佳麗地蕭散懷幽情不著潛夫論無求處士名鸞帶催小飲鶴步伴
閒行欲結村中社題詩報友生
春風花事過空翠落垂藤白版扉常閉烏皮几獨凭半酣疑有得多病掩
無能一室何蕭索分明似野僧

冬日雜興二首

失路無知己青山是可人高僧留半偈俠客笑長貧開口哭何事掀髯怪
此身只因錯判事寂寂老乾坤
性偏難入俗多病損開心雲斂山光瘦風捲落葉深過頭九節杖信手七
絃琴安得如顏闔幽踪不可尋

朱侍郎之燕

之蕃字元价金陵人萬曆乙未狀元官終吏部右侍郎元价爲史官出使

朝鮮盡却其賄賄鮮人來乞書以貂參爲贊橐裝顧反厚盡斥以買法書
名画古器收藏遂甲於白下詩篇冗長頗不爲藝林所許和移居二首頗
瘦勁非其本色喜而亟錄之

和周吉甫春日移居二首

牆短山爭出庭空月易留泉香浮茗椀漁唱送蘋洲終歲一無事雙眉百
不憂狂馳渾未解自苦復何由
身健當何患鑄盆不計貧古今成過客風月屬閒人但許橫飛屐休論倒
著巾漫憐同詞病吾亦任吾真

魏画史之蹟

之蹟字考叔上元人起孤貧業丹青以餬口一部郎見之賞其筆意稍稍
知名杜門匿影日事盤礴天性孝友養老親撫諸弟胥取給于十指不以
千人軒車過訪不一報謝惟招之飲酒則往清言獻酬坐無考叔不樂也
少不知書因備書通曉文義遂能爲詩清迥絕俗而不以詩名以画掩也
以老壽終于家

過山庵問朗公病

一菴剛十笏以病有餘清短榻延朝夕孤燈伴死生地閒惟種藥門關不
關荆爲學龐居士知君蓄髮情

訊程儒文

不得巢湖信時詢渡口居繞離河路折背郭州堂虛林靜風驚犬溪暄晚
梁漁主人游未倦閒殺半牀書

冬夜同陳康侯秦京集畢康侯樓共用寒字

不憚通宵坐因思聚首難簾疎霜氣薄燭短漏聲殘載見一回老相逢各
盡歡殷勤今夜酒莫使後期寒

陳布衣玄胤

玄胤字叔嗣江寧人性溫雅行止如孤雲野鶴見人有驚異狀久之坐譚
甚洽家貧庭中種扁豆豆花盛開坐起其中烹茗焚香孤吟不輟卽以豆
花名其齋以壽終

過桃花塢有感

滿塢東風去路遙野桃開處遍山椒林疑玉洞仙何在花醉紅顏酒未消
飛雨亂浮春水渡蒸霞偏染夕陽橋含情悵望門前立崔護重來鬢已凋

過鷲峰寺訪吳非熊

綠陰深寺獨經過，有客孤吟寄薜蘿。容易相逢容易去，晚花歷亂鳥聲多。

初春鷲峰寺送吳非熊之楚

靡蕪綠遍柳垂絲，黯黯東風乍別時。蘭若曉鐘鄉夢斷，布帆春漲客程遲。

姚布衣旅

送游元封

相知不相見，相見卽離歌。欲吐別來事，逢君醉日多。巖霜東高樹，落日捲寒波。況此送歸客，其如鄉思何。

琅邪道上

魯酒猶堪醉琅邪，奈可棲荒村。花不笑殘日，樹含淒城郭。黃沙外人家，古墓西唯餘。霜月夜，鳥似白門啼。

夕佳樓

託意聊西嶺，嵐陰過水濃。烟能添晚翠，霞亦勝朝容。客散樓頭月，人閒野水鐘。於茲遠塵侶，倦鳥每相從。

諸朋好郊餞作

平生不喜飲今日醉尊前別意無濃澆臨岐共黯然
頭魚子雨花外鷓鴣天莫道辭家苦難消是此筵

賦得秋鴻送客

候氣向鄱陽星河掠桂香衝霜鬢羽白催禁渡江黃頰影成佳侶將雲束
遠裝他鄉有離別捨恨綺尊傍

春日

爲憐春欲盡臨水賽琵琶羅袂縈垂柳空舟載落花尊歌眠綠艸日下半
平沙各抱幽情去爭橋回杖斜

囊山雨夜集

寺如蜂舍掛崔嵬尊酒偏宜向暮開春雨燈前僧共話麻姑道上客初回
窗蕉葉響時清耳林檎花香夜到杯不是吾曹耽勝事杉關竹院冷蒼苔

辟支巖

選勝藤蘿更上攀龕岩一點翠微閒江城作斗躡平地海水如雲貼遠山
茶竈堪消今日福酒杯仍值野僧閒川游幽僻同猿鳥不到昏鐘不肯還

楊子曲二首

遙望隔水人只見隔水樹知郎未出門身在樹頭住
望郎猶見樹日落浦烟迷還知郎宿處烏石樹頭啼

山家

次忠州

水盡重重客路山開處處人家粉壁斜街落照朱簾半掩桃花
栢葉麝餐雲暖柳枝鳥踏烟寒稚子出牆看客隔籬犬吠衣冠

吳比丘文潛

官詞

銀箭初添漏水痕星河如練影長門最憐一片深宮月得見清光是主恩

程布衣漢

塘上雜詩四首

亂水明明原上村金沙路接白沙痕燈藏石塔遙穿牖鐘出山樓近到門
鳧爲藻牽原自樂鶯知花謝欲無言年來不讀英雄傳抱甕杯中且灌園
少年賣春事庸卑出入南陵郭外溪自昔家空漁浦上于今人老柵塘西
浮烟直港乘槎小斜日疎籬晒網低向夕烹魚誰可問山厨不見舊山妻

幽居敢謂謝玄暉，茅舍蕭條自掩扉。
歲月獨憐青竹杖，水雲元傍蒼苔磯。
沙昏宿鷺愁饑立，草腐新螢學暗飛。
往事十年俱莫問，淚痕唯有舊牛衣。
蚤年長自望飛騰，老去安居戀秣陵。
傍水深籬無過客，隔堤高閣有閒僧。
牀頭宿酒開何用，石上殘棋了未曾。
晚食秋來那可供，稚兒齊整豆花棚。

王山人嗣經

金陵元夕曲四首

三市非烟五劇塵，九微焰接百枝新。
楚萍散作星重疊，越壁飛爲滿月輪。
十二龍城微曉開，金徒銀箭不相催。
行隨燈市家家月，看到花林樹樹梅。
邸第高依尺五天，衆中誰過李延年。
移圍夜色嬌羅綺，徒隊春聲散管絃。
武騎喧闐衛富平，紅燈千隊導蜺旌。
三山火炤瓊花發，人在南天赤玉京。

青溪水亭遲葉五循甫

淶水微風爽氣新，重重樓榭接花津。
葡萄葉暗宜留客，楊柳條疎好望人。

郊游

禁樹青郊外，重城綠水湄。
園林春閨月，花鳥畫晴時。
遠岫平浮檻，清泉曲到池。
晚紅私蛺蝶，新綠逐黃鸝。
烟斷游絲見，風輕落絮知。
一陂芳艸色，禁

得馬蹄遲

曉望

雨餘湖色靜，雜樹曉氤氳。空水遙難辨，山花近漸分。葉齊增岸影，魚聚轟波紋。日出林光白，英英散宿雲。

陳盞卿杏花村移家因納姬

不離井閤近，移家艸徑茅。堂帶郭斜，豈爲秘書增。斗帳轉，因載牘問香車。新人路半邀，桃葉鄰舍離。根問杏花何事多，情舊時燕隨。君將子過檀牙。

秋吟八章錄二

悲夕五

悲夕五，夕虫戀殘暑。露下爲誰啼，風前還自語。寓籬兮旅井，依蒲兮蒙楚。隙文石之雕牆，繚積叢之土宇。歲如何其，歲向陰彼。候虫兮俟秋吟，展衣裳兮如雪鼓。喙翼兮如琴雜，感策兮關塞遠。催礎杵兮闔闔深，念啟蟄兮昨日炎。易涼兮電疾，感蟬蛻之朝夕。譬在條之日，及將自鳴兮。及時願傾竭，夫小知樂振羽之翮。什漏局促于唐詩，方委蛻以順變。寧鼓簧以媚俗，顧卵翼之溢恩。宰何心而亭毒東序兮，南榮蕭蕭兮。夜聲寒階兮，雨作枯

樹分霜鳴緊無衣之游子聞絡緯以何情

悲寒菼

王孫行未歸春艸秋更綠鸚鵡忽以鳴衰朽一何速柯葉向凋殘華滋謝
芬穠物去新而就故每傷心於觸目臨高臺之鳳凰望絕寒之鷄虎此菼
華之云暮况兜鈴與首荷去日遠今憂思煩撫蕙草今不敢言春朝負彼
陽春色秋夜禁茲秋露繁被女蘿今帶茹蕙肴蘭芷今蒸文無余慕子今
甘如薺荃何謂兮集于枯集枯兮去滋辭繁兮若遺順生殺以成歲得大
易之隨時隨時兮狼籍美如英兮惜無色想衣帶之餘芬戀綦組之舊迹
雖根荄之日陳寧無意乎弱植諒芳心之不死庶春風而還碧

附見

欽秀才叔陽

叔陽字愚公吳人博聞好學戟髯甚口以風情意氣自負不得志于場屋
瑯琊而死和王曰常秋吟八章葛震父叙而傳之

涼月

秋光盈盈秋氣肅河漢無聲涼萬斛何來天鏡澹明玉不照華堂照空谷
空谷佳人嚙翠眉寶奩斜掩翠思垂常軒長見光如練窺戶愁看景似規

似規如練總堪憐。辜負鉛華送少年。幾曾燕笑真花下。幾曾信誓不星前。
花嬌兮易落。星繁兮易沉。桂樹疑初謝。蟾蜍怨復侵。但見齊統任捐弃。那
將半照宛相尋。已焉哉。彼明月兮誰照。余之素心。心不忘君。君不知清輝。
轉映。轉難持。俄隨涼吹穿帷入。乍逐纖阿挂樹飛。耀瑤臺之環珮。爛綺席
之履。恭香咫尺之如晦。胡千里之可期。桂香氤露。鵲飛繞枝。徘徊此夕。數
問何其撥餘光。而自照。望曠宇而升遲。遲亦不常。圓疾亦不常。缺但悲對
涼。秋爲輝。倍明。潔月缺不復圓。乃敢與君絕。

夕蟲

君不聞兮候蟲。彼何憂兮忡忡。俟秋吟兮獨切。如有悲兮回風。栖倚雕闌
之宇。潛躍文礎之宮。特游井幹。獨翳蒙茸。振商歌兮出金石。奏婁響兮韻
琴笙。爾其鼓翼振振。衣裳楚楚。殷殷善悲。唧唧交語。或泣翠于瑤堦。或啼
紅于綺戶。蹇啁晰之不休。似哀樂之無主。飽清露兮焉求。遡淒風兮自詎。
以若哀啼。申且收響。白日攬衾。曳杖參橫。斗晏已焉哉。彼蟋蟀兮如助。余
之歎息。歎復歎兮。哀盡寫蟲乎。聒聽終未舍。朱明倏換。素節至疾。鳴不休
胡爲者。今何依兮。牀下昔何曠兮。在野艸頭方看露珠。湛木末瞥見霜花。

灑對茲蟲兮泪沾臆流
九桂萼真煎逼深閨
砧杵塞上旆未若蟲聲倍淒
惻欲寄長相思但願加
衣食吾猶鉛槧誤青鬢
君莫風塵怨顏色

寒荻

出其東門遙望平原離
離衰草漠漠黃昏豈必
離別始爲銷魂望王孫
今不歸思公子兮無言
悲何來兮沉鬱心偶觸
兮煩冤乃有輕霧爲之弄
晴薄烟于焉籠月雨微
集而釀寒露凝霜而欲
結終墮落其銷盡暫抽
萌而牙苗色黯淡其非
榮離離資菘而先摧
佩荃蓀而併折望遷
天兮碧淺臨江阜兮綠
蕪鮮華縱落根荻半蘇
已焉哉彼百艸兮宜似
余之集枯旋掩三徑卒
我捋茶煖歲序之奄忽
還高臥而遂初徐于起
視帶經可鋤埋蘭咬兮
植蕙晦老杜若兮羹文
無采衆美之陸離表雅
志之潔素菴金石之不
遷矧芳馨之猶故甫結
恨于邇室敢背指于中
路君弃余兮若遺余怨
君兮如慕待還碧于東
皇矢同心於歲暮

黃山人世康

世康字元幹莆田人詞筆藻瞻善六朝聲偶之文製孟姜女廟碑余承賞
之作長歌以贈淮揚間人用是多乞其文意氣豪舉橐中裝與貧交共之

又南詩集下
三十一
又客廣陵遊青樓極宴放歌有狂牧之之風卒以客死

新柳篇

靈谷看梅初駐杖青溪又見柳條長
穉葉晴窺拾翠堤
流絲暗撲游春仗
帶結柔腰不自持
笛弄新腔那得知
小樓思婦見愁別
南陌征人折恨離
離亭欲折未堪折
昨夜迴風復迴雪
黯黯粧成寒食天
甕甕怯近清明節
漢苑三眠髻欲斜
隋宮一望雲半遮
此時出谷綿蠻鳥
此時曳豔李花
繁花狎鳥空青滴
金縷千行照窗碧
抹黛當墟何氏孃
垂鞭繫馬誰家客
客來索酒葡萄香
巾懸結綠衣蘸黃
迎陰半上報鞦架
踏影爭登蹋鞠場
場前歌舞少年路
綺羅絳盡傷心樹
但憐蘇小門庭清
誰知稽大林園暮
一年柳色一年新
新柳年年弄早春
章臺曲斷驚殘夢
月淡烟疎惱殺人

郭比丘昭

昭字伏生南昌人少有家難雍髮爲僧性孤峭處叢林不能說衆事解仍
冠巾游吳越闡楚聞望之稜然骨立故是比丘相詩亦澁硬尚帶蔬笋氣

有郭昭詩數卷

木末亭

亭子山之上登之復隱山每過深樹下常見一僧選醉怯春風麗游同夜
月閒可憐荒塚竹碧血總成班

自秋陵泛舟抵盧江

木宿屢遷次寒深霜染衾孤征憚早起半醉喜微吟舟子每相譁漁人時
見尋悠悠客途倚檻看秋陰

鄭太守之文

之文字應尼南城人公車下第薄游長干曲甲馬湘蘭負盛名與王百穀
諸公爲文字飲頗不禮應尼應尼與吳非熊軍作白練裙雜劇極爲譏調
聚子弟以唱召湘蘭觀之湘蘭爲之微笑定裴傳司業清嚴訓士一旦召
應尼跪東廂下出銜袖一編擲地數之曰舉子故當爲輕蛟蝶耶汝以槁
楚久之乃遣去應尼舉進士傅公爲北祭酒介余往謝過公一笑而已應
尼官南部郎稍遷至 太守免婦崇禎末余作長歌寄之有曰子弟猶
歌白練裙行人尚酌湘蘭墓應尼亦次韻相答是後寂不相聞矣

金陵元夕篇

朱樓隱軫薄層霄淥水縈堤蕩画橋十里香風吹紫陌一年明月始今宵

今宵無處無簫鼓佳麗名都較得數美酒留連拚十千少年歡笑唯三五
三五年時二八游箇儂無賴逐風流香輪寶勒紛填巷翠燭紅燈擁上樓
樓前九陌連三市中有侯家通戚里千蝶春星舞袖翻九枝夜閣歌鐘起
歌舞唯應此夕陳魚龍百戲競爭新銀花絳綉開千丈佛火神燈照百輪
花燈在處如人好半醉筵前看鮑老何容燈前到肯遲何人花下歸能早
花下燈前出画裙衣香一路暗氤氳不知南陌人如月且道東門女似雲
雲移月墮歡難歇亂水丁冬霜潮咽郎心尚逐紫騮嘶妾意先憎烏桕舌
歸去燒燈總不眠含情脉脉定相牽餘宵冷烟留紅燭明日芳塵拾翠鈿

吳秀才上贛

上贛字亦山後更名替字助卿連江人吳司馬桂芳之從弟以家難扶重
貲寓金陵久之貧落而歸與其鄉林古度善每作詩必相商訂而後具藁
詩多散逸不存其佳句云片雨欺貧病浮雲薄世情情意悲涼殊可誦也

秋寒

浪游春復夏秋更滯時京片雨欺貧病浮雲薄世情已知蓬髮短不逐客
愁生忽聽南征雁空思寄遠聲

同林興祚登臺城

寺側尋山徑從空古堞平湖頭舟不繫樹杪葉無聲落日寒秋壑飛烟薄
暮城歸鴉聲不住相與愴游情

齊王孫承綵

承綵字國華齊藩宗支散居金陵高帝子孫于今爲庶國華獨以文彩風
流厚自標置掉鞅詩壇鼓吹騷雅萬曆甲辰中秋開大社于金陵胥會海
內名士張幼于輩分賦授簡百二十人秦淮伎女馬湘蘭以下四十餘人
咸相爲緝文墨理絃歌修容拂拭以須宴集若舉子之望走鎖院焉承平
盛事白下人至今艷稱之其詩亦殊清拔天迥孤帆沒江空獨雁寒所謂
送別登樓俱堪淚下者也

春菽集巨源弟群鷗閣

客來情不淺月白興逾長開閣驚春莫傳杯惜衆芳水清魚戲藻花落蝶
愁香翦燭西窗裏無妨入醉鄉

送茅平仲

置酒長干路譚深夜未闌山川牽恨遠風雨逼年殘天迥孤帆沒江空獨

雁寒從茲君別去月共幾時看

黃監丞居中

居中字明立晉江人中萬曆乙酉鄉試與李解元光縉齊名皆老於公車
海內惜之明立專勤汲古得異書必手自繕寫自上海教諭遷南國子監
丞遂僑居金陵年八十餘猶篝燈誦讀達旦不勑古稱老而好學斯無愧
焉子虞龍字余言少負逸才作落花水中雁字詩各數十首長老歎異未
及艾而卒嗜酒及書作書酒詩云我自呼書僉君當恕酒人池上酌君酒
山中讀我書蟹佐持螯酒牛供挂角書安得中山千日酒載來惠子五車
書杯中有聖方中酒天上無仙不讀書亦可想見其風致也弟虞稷能繼
其家學余采詩于白下盡發其所藏以資披顧又汲汲表章父兄之遺文
其有志如此

有渚軒宴集用韻答潘景升軒以顧渚茶得名余與景升不善酒
而有茶癖故云

獨醒慙迢酒債頻隨君啜茗坐花茵酒樓邀月人懷楚茗渚抽烟鳥報春

顧渚山有鳥與春茶去
杯茶人呼爲振春鳥

話到了年驚逝水歌翻子夜動梁塵續憐擲米當

年客日日江皋賦雜神

壬戌春日關邸報有感二首

徵兵索賦罷何時西蜀東韓事可危
戈戟舌端謀國少軍麾紙上出關遲
天威未取鯨鯢脣廟算猶同燕雀嬉
職守茫茫紛聚訟孤臣竊恤淚空垂
徵發傳呼獬豸威臺臣擁傳有光輝
齊生講武皆投筆游客從戎盡著緋
使括登壇名半假效韓驅市計全非
逍遙河上如風影愁絕成都未解圍

唐公子獻可

獻可字君僉武進人荆川先生順之之曾孫太常少卿鶴徵之孫庶吉士
倣純之子也讀書任俠畜聲伎鑒別古書畫器物家畜女伎極園亭歌舞
之勝風流好事甲于江左崇禎初詣闕爲荆川請謚不就蔭叙歸而家益
落有大志無所展悵悵而卒士論惜之有三才子皆以制科有聞

次白門江上

十日無端學泛家隨緣詩酒坐星槎
汀頭烟舞盤青鳥江底光翻墜彩霞
浪激寒潮初破夢月移千夜淺銜沙
長年快說東風急吹落蘆洲幾里花

沈秀才春澤

春澤字雨若常熟人福建參政應科之孫也少孤兒時驕穉長而才情煥發能詩善艸書西竹折節豚流輪寫肝膽遂爲吳下名士大父沒後不得志于里閭移家居白門治園亭潔酒饌招延結納交游歛集負氣骯髒多所睚眦酒悲歌怨聲淚交咽故有羸疾兼以弱操忽忽發病而死余愛其才而閔其志閱其詩二千餘首才情故自爛然率易叢雜成章者絕少士之負才自喜而不知持擇遂以無成良可悲也鍾伯敬官南都雨若深所慕好鄭重請其詩集序而刻之伯敬亡雨若者論曰大江以南學伯敬者以寂寥言簡練以寡薄言清迥以淺俚言冲淡以生澁言尖新篇章句字多下一二助語輒自命曰空靈余以爲空則有之靈則未也波流風靡彼倡此和未必非鍾譚爲戎首也人不可以無年雨若遂反辱于伯敬雖然斯論亦鍾氏之康成矣

病中送春二首

帶病攜愁淚滿襟芳春飄泊最沈吟去隨流水無心問別向空牀有夢尋
淺紫深紅踪跡遠微風細雨路歧深渾如執手臨南浦腸斷徐娘碧玉簪
送春聊酌洗春杯羅帕新詩懶向裁今日好將愁共去明年莫帶病俱來

蜂鬚易舌先占信柳眼花心倩作媒
依約海棠枝上月燒燈無那興徘徊
受之貽我盆中古檜報以短歌

冬冬叩門驚坐起一札傳來香霧泚
乃是錢郎貽我書古檜忽從庭下徙
此枝鐵幹不似人間來柏葉松身何足擬
君言爾有涼月臺移傍朱闌故
可喜又言吾家童子不好事坐見蒼髯委
蟻蝨捧緘無僧二歎息我知君
意不止此君何不貽我一樹花花隨風雨
三更死又何不貽我一束書恨
殺人情薄于紙古檜亭亭傲歲寒沈郎
不受人憐應似爾感君此意寧可
辭著意護持推小史日高不厭置
苔階寒來莫更添梅水他年老作博望
槎性問支機我與子